


УЗБ
517
Х. 92



Г.Худойбергенов, А.Ворисов, Ҳ.Мансуров



КОМПЛЕКС АНАЛИЗ



ЎЗБЕКИСТОН РЕСПУБЛИКАСИ ОЛИЙ ВА ЎРТА
МАХСУС ТАЪЛИМ ВАЗИРЛИГИ

МИРЗО УЛУҒБЕК НОМИДАГИ
ТОШКЕНТ ДАВЛАТ УНИВЕРСИТЕТИ

Г.Худойбергганов, А.Ворисов, Ҳ.Мансуров

КОМПЛЕКС АНАЛИЗ

(Маърузалар)

НАУЧНИЙ
БИБЛИОТЕКА

ТОШКЕНТ
«УНИВЕРСИТЕТ»

1998

Мазкур қўлланма университетларнинг математика, механика, тадбиқий математика ва информатика йўналишлари бўйича бакалаврлар тайёрлайдиган факультетлар талабалари учун мўлжалланган.

Қўлланма бакалаврлар учун мўлжалланган ўқув дастури асосида ёзилган бўлиб, унда комплекс ўзгарувчили функциялар назарияси баён этилган.

СЎЗ БОШИ

Ўзбекистон Республикаси Олий Мажлисининг IX сессиясида Президентимиз И.А.Каримовнинг «Баркамол авлод - Ўзбекистон тараққиётининг пойдевори» мавзусидаги сўзлаган нутқида «Келажак авлод ҳақида қайғуриш, соғлом баркамол наслни тарбиялаб етиштиришга интилиш бизнинг миллий хусусиятимиздир» деб таъкидланди.

Мазкур сессияда таълим-тарбия тизимининг истиқболини белгилаб берувчи кадрлар тайёрлашнинг миллий дастури қабул қилинди. Миллий дастурнинг мақсади, вазифалари ва уни рўёбга чиқариш босқичлари белгилаб берилди. Жумладан, таълим дарслиқдан бошланиши, дарслик яратишга энг илғор, энг шарафли вазифа сифатида қараш кўрсатиб ўтилди.

Маълумки, Мирзо Улугбек номидаги Тошкент Давлат университети Олий таълимнинг 22 йўналиши бўйича малакали кадр(мутахассис)лар тайёрловчи республикамизнинг етакчи олий ўқув юрти ҳисобланади. Шу муносабат билан университетлар учун мазкур йўналишлар бўйича меърий хужжатлар: давлат таълим стандартлари, ўқув режалари, дастурлар ишлаб чиқилди, нашр қилинди ва ўқув жараёнига тадбиқ этилди. Навбатдаги долзарб, масала ушбу бакалаврлар тайёрлаш ўқув дастурлари асосида замон талабига жавоб берувчи дарслик ва қўлланмалар яратишдан иборатдир. Бу масалани ечиш борасида университет профессор-ўқитувчилари томонидан қатор режа ва тадбирлар белгиланди. Талабаларни ўқув қўлланмалари билан тезкорликда таъминлаш мақсадида тажрибали профессор-ўқитувчилар томонидан муайян фанлар бўйича маърузалар матни нашрга тайёрланиб, чоп этила бошланди.

Ушбу қўлланма математика, механика, тадбиқий математика ва информатика йўналишлари бўйича бакалаврлар тайёрлаш ўқув режасининг асосий фанларидан бири - комплекс ўзгарувчили функциялар назарияси (Комплекс анализ)га бағишланган. Уни ёзилишида юқорида қайд этилган ўқув дастури асос қилиб олинди. Муаллифлар кўп йиллар давомида талабалар учун ўқилган маърузалар, олиб борилган амалий машғулотлардан фойдаландилар. Маърузалар матни чоп этишга тайёрлангунга қадар бир неча маротаба синовдан ўтказилди. Муаллифлар ҳар бир маърузани, мавзунни қисқа, математик қатъий, ўз навбатида талаба томонидан ўқишли бўлишига эришишни ўз олдиларига мақсад қилиб қўйдилар.

Мазкур қўлланма саккиз бобдан иборат. Унда дастлаб комплекс сонлар, комплекс аргументли функциялар лимити, узлуксизлиги; голоморф функциялар, элементар функциялар ва улар ёрдамида бажариладиган акслантиришлар, сўнгра комплекс аргументли функцияларнинг интеграллари, Коши теоремаси, Кошининг интеграл формуласи, даражали ҳамда Лоран қаторлари, голоморф функцияларнинг хоссалари, чегирамалар ва уларнинг татбиқлари баён этилган.

Айни пайтда, бакалаврлар учун мўлжалланган ўқув дастурида комплекс анализнинг давом, геометрик принциплар бўлимлари бўлмаганлиги сабабли биз уларнинг баёнини кейинги босқич мутахассислик (магистрлар) учун ёзиладиган қўлланмага қолдирдик.

Китоб қўлёзмасини ўқиб, унинг яхшиланишига ўз хиссаларини қўшган профессор А.Саъдуллаевга, доцентлар Б.Шойим-қулов, Т.Тўйчиевларга муаллифлар миннатдорчилик билдирадilar.

Қўлланмадаги камчиликларни бартараф этишга ва уни яхшилашга қаратилган фикр-мулоҳазаларини билдирган ҳам-касбларга муаллифлар олдиндан миннатдорчилик изҳор этадилар.

1-БОБ

КОМПЛЕКС СОНЛАР

1-§. Комплекс сон тушунчаси

Текисликда Декарт координаталар системаси берилган бўлсин. Абсциссалар ўқида жойлашган нуқталар тўғламани R_x , ординаталар ўқида жойлашган нуқталар тўғламани R_y орқали белгилайлик.

Ихтиёрий $x \in R_x$, $y \in R_y$ ҳақиқий сонлардан (x, y) жуфт-ликни ҳосил қиламиз. Бунда, агар $y = 0$ бўлса, $(x, 0) = x$ деб қараймиз. Бундай жуфтликлардан ташкил топган

$$C = \{(x, y) : x \in R_x, y \in R_y\}$$

тўғламда арифметик амаллар киритилиши мумкин.

Агар $(x_1, y_1) \in C$, $(x_2, y_2) \in C$ жуфтликлар учун $x_1 = x_2$, $y_1 = y_2$ бўлса, бу жуфтликлар ўзаро тенг дейилади ва $(x_1, y_1) = (x_2, y_2)$ каби белгиланади.

Ушбу $(x_1 + x_2, y_1 + y_2) \in C$ жуфтлик (x_1, y_1) ҳамда (x_2, y_2) жуфтликлар йигиндиси дейилади ва $(x_1, y_1) + (x_2, y_2)$ каби белгиланади:

$$(x_1, y_1) + (x_2, y_2) = (x_1 + x_2, y_1 + y_2).$$

(x_1, y_1) жуфтликдан (x_2, y_2) жуфтликнинг айирмаси деб шундай (x, y) жуфтликка айтиладики,

$$(x, y) + (x_2, y_2) = (x_1, y_1) \quad (1)$$

бўлади. Бу айирма

$$(x, y) = (x_1, y_1) - (x_2, y_2)$$

каби ёзилади. (1) дан

$$(x + x_2, y + y_2) = (x_1, y_1)$$

ва демак,

$$x + x_2 = x_1 \quad x = x_1 - x_2$$

$$\Rightarrow$$

$$y + y_2 = y_1 \quad y = y_1 - y_2$$

бўлиши келиб чиқади. Демак,

$$(x_1, y_1) - (x_2, y_2) = (x_1 - x_2, y_1 - y_2).$$

Ушбу

$(x_1 x_2 - y_1 y_2, x_1 y_2 + x_2 y_1) \in \mathbb{C}$
жуфтлик (x_1, y_1) ҳамда (x_2, y_2) жуфтликларнинг кўпайтмаси дейилади ва

$$(x_1, y_1) \cdot (x_2, y_2)$$

каби белгиланади:

$$(x_1, y_1) \cdot (x_2, y_2) = (x_1 x_2 - y_1 y_2, x_1 y_2 + x_2 y_1). \quad (2)$$

(x_1, y_1) жуфтликнинг (x_2, y_2) жуфтликка нисбати деб шундай (x, y) жуфтликка айтиладики,

$$(x_2, y_2) \cdot (x, y) = (x_1, y_1), \quad (x_2^2 + y_2^2 > 0)$$

бўлади. Нисбат

$$(x, y) = \frac{(x_1, y_1)}{(x_2, y_2)}$$

каби белгиланади.

(1) дан фойдаланиб (2) ни қуйидагича ёзамиз:

$$(x_2 x - y_2 y, x_2 y + y_2 x) = (x_1, y_1)$$

Бу тенгликдан

$$\begin{aligned} x_2 x - y_2 y &= x_1 \\ x_2 y + y_2 x &= y_1 \end{aligned}$$

яъни

$$\begin{aligned} x &= \frac{x_1 x_2 + y_1 y_2}{x_2^2 + y_2^2}, \\ y &= \frac{x_2 y_1 - x_1 y_2}{x_2^2 + y_2^2} \end{aligned}$$

бўлиши келиб чиқади.

Демак,

$$\frac{(x_1, y_1)}{(x_2, y_2)} = \left(\frac{x_1 x_2 + y_1 y_2}{x_2^2 + y_2^2}, \frac{x_2 y_1 - x_1 y_2}{x_2^2 + y_2^2} \right).$$

Шундай қилиб, \mathbb{C} тўғлам элементлари устида тўрт амал - қўшиш, айириш, кўпайтириш ва бўлиш амаллари киритилади. Бу амаллар қуйидаги хоссаларга эга:

1°. Коммутативлик:

$$\begin{aligned} (x_1, y_1) + (x_2, y_2) &= (x_2, y_2) + (x_1, y_1), \\ (x_1, y_1) \cdot (x_2, y_2) &= (x_2, y_2) \cdot (x_1, y_1). \end{aligned}$$

2°. Ассоциативлик:

$$\begin{aligned} [(x_1, y_1) + (x_2, y_2)] + (x_3, y_3) &= (x_1, y_1) + [(x_2, y_2) + (x_3, y_3)], \\ [(x_1, y_1) \cdot (x_2, y_2)] \cdot (x_3, y_3) &= (x_1, y_1) \cdot [(x_2, y_2) \cdot (x_3, y_3)]. \end{aligned}$$

3°. Дистрибутивлик:

$$[(x_1, y_1) + (x_2, y_2)] \cdot (x_3, y_3) = (x_1, y_1) \cdot (x_3, y_3) + (x_2, y_2) \cdot (x_3, y_3)$$

Бу хоссалар содда исботланади. Биз улардан бирини, масалан, 3°-хоссанинг исботини келтираемиз.

Равшанки,

$$(x_1, y_1) + (x_2, y_2) = (x_1 + x_2, y_1 + y_2).$$

Унда, бир томондан

$$\begin{aligned} [(x_1, y_1) + (x_2, y_2)] \cdot (x_3, y_3) &= (x_1 + x_2, y_1 + y_2) \cdot (x_3, y_3) = \\ &= ((x_1 + x_2)x_3 - (y_1 + y_2)y_3, (x_1 + x_2)y_3 + (y_1 + y_2)x_3) = \\ &= (x_1 x_3 + x_2 x_3 - y_1 y_3 - y_2 y_3, x_1 y_3 + x_2 y_3 + y_1 x_3 + y_2 x_3) \end{aligned}$$

иккинчи томондан эса

$$\begin{aligned} (x_1, y_1) \cdot (x_3, y_3) + (x_2, y_2) \cdot (x_3, y_3) &= (x_1 x_3 - y_1 y_3, x_1 y_3 + x_2 y_3) + \\ &+ (x_2 x_3 - y_2 y_3, x_2 y_3 + x_3 y_2) = \\ &= (x_1 x_3 - y_1 y_3 + x_2 x_3 - y_2 y_3, x_1 y_3 + x_2 y_3 + x_3 y_2 + x_2 y_3) \end{aligned}$$

бўлишни топамиз. Бу ва (1), (2) муносабатлардан 3°-хоссанинг исботи келиб чиқади.

Юқорида келтирилган

$$\mathbb{C} = \{(x, y) : x \in \mathbb{R}_x, y \in \mathbb{R}_y\}$$

тўғлам элементлари устида арифметик амалларнинг бажарилиши ва уларнинг 1°-3°- хоссаларга эга эканлиги, табиий равишда \mathbb{C} тўғлам элементини сон деб қараш имконини юзага келтиради.

Одатда, \mathbb{C} тўғлам элементи (x, y) жуфтлик комплекс сон дейилади ва у битта харф билан белгиланади:

$$z = (x, y)$$

Демак, \mathbb{C} тўғлам комплекс сонлар тўғламини ифодалар экан.

Маълумки, $\forall x \in \mathbb{R}_x$ учун

$$(x, 0) = x.$$

Бу эса ҳақиқий сон комплекс соннинг хусусий холи эканини билдиради. Демак, $\mathbb{R}_x \subset \mathbb{C}$.

2-§. Комплекс соннинг кўринишлари

1°. Комплекс соннинг алгебраик кўриниши. Ушбу $(0, 1) \in \mathbb{C}$ комплекс сонни олиб, уни i орқали белгилайлик:

$$(0, 1) = i.$$

Равшанки,

$$(0,1) \cdot (0,1) = i \cdot i = i^2$$

бўлади. Кўпайтириш қондасидан фойдаланиб топамиз:

$$(0,1) \cdot (0,1) = (0 \cdot 0 - 1 \cdot 1, 0 \cdot 1 + 1 \cdot 0) = (-1, 0) = -1.$$

Демак,

$$i^2 = -1.$$

Квадрати -1 га тенг бўлган ҳақиқий сон мавжуд бўлмаганлиги сабабли i ҳақиқий сон эмас. Уни мавҳум бирлик деб юритилади.

Энди $(0, \beta) \in \mathbb{C}$ комплекс сонни олайлик, бунда β - ихтиёрий ҳақиқий сон. Бу сонни қуйидагича

$$(0, \beta) = (\beta \cdot 0 - 0 \cdot 1, \beta \cdot 1 + 0 \cdot 0) \quad (3)$$

ёзиш мумкин. Равшанки,

$$(\beta \cdot 0 - 0 \cdot 1, \beta \cdot 1 + 0 \cdot 0) = (\beta, 0)(0, 1) \quad (4)$$

бўлади. Агар

$$(\beta, 0) = \beta, \quad (0, 1) = i$$

бўлишини эътиборга олсак, унда (3) ва (4) муносабатлардан

$$(0, \beta) = \beta \cdot i = i \cdot \beta$$

эканлиги келиб чиқади.

Демак,

$$(\alpha, 0) = \alpha, \quad (0, 1) = i, \quad (0, \beta) = i \cdot \beta. \quad (5)$$

Энди ихтиёрий $(x, y) \in \mathbb{C}$ комплекс сонни олайлик.

Уни қуйидагича

$$(x, y) = (x, 0) + (0, y)$$

ёзиш мумкин. (5) муносабатлардан фойдаланиб

$$(x, y) = x + iy$$

бўлишини топамиз. Бу комплекс соннинг алгебраик кўринишини ифодалайди.

Шундай қилиб, ихтиёрий $z = (x, y)$ комплекс сонни

$$z = x + iy. \quad (6)$$

кўринишда ёзиш мумкин экан. Одатда комплекс соннинг (6) кўриниши унинг алгебраик кўриниши дейилади. Бунда x - ҳақиқий сон z комплекс соннинг-ҳақиқий қисми дейилади ва у $\text{Re} z$ каби белгиланади:

$$x = \text{Re} z$$

(Re лотинча *Realis* - «ҳақиқий» деган маънони англатувчи сўздан олинган).

У ҳақиқий сон z комплекс соннинг мавҳум қисми дейилади ва у $\text{Im} z$ каби белгиланади:

$$y = \text{Im} z$$

(Im лотинча *Imaginaris* - «мавҳум» деган маънони англатувчи сўздан олинган).

Комплекс соннинг бу кўринишда икки

$$z_1 = x_1 + iy_1, \quad z_2 = x_2 + iy_2$$

комплекс сонларнинг тенглиги, йиғиндиси, айирмаси, кўпайтмаси ва нисбати қуйидагича

$$z_1 = z_2 \Leftrightarrow x_1 = x_2, \quad y_1 = y_2$$

$$z_1 + z_2 = (x_1 + x_2) + (y_1 + y_2)i$$

$$z_1 - z_2 = (x_1 - x_2) + (y_1 - y_2)i$$

$$z_1 \cdot z_2 = (x_1 x_2 - y_1 y_2) + (x_1 y_2 + y_1 x_2)i$$

$$\frac{z_1}{z_2} = \frac{x_1 x_2 + y_1 y_2}{x_2^2 + y_2^2} + i \frac{x_2 y_1 - y_2 x_1}{x_2^2 + y_2^2}$$

бўлади.

Ихтиёрий $z = x + iy$ комплекс сон берилган бўлсин.

Ушбу $x - iy$ комплекс сон $z = x + iy$ комплекс соннинг қўшмаси дейилади ва \bar{z} каби белгиланади:

$$\bar{z} = x - iy.$$

Қуйидаги тенгликлар ўринлидир:

$$1) z + \bar{z} = 2x.$$

$$2) \overline{z_1 + z_2} = \bar{z}_1 + \bar{z}_2, \quad \overline{z_1 - z_2} = \bar{z}_1 - \bar{z}_2$$

$$3) \overline{z_1 \cdot z_2} = \bar{z}_1 \cdot \bar{z}_2,$$

$$4) \overline{\left(\frac{z_1}{z_2}\right)} = \frac{\bar{z}_1}{\bar{z}_2}, \quad (\bar{z}_2 \neq 0)$$

$$5) \overline{\bar{z}} = z$$

Бу тенгликлар тўғрилигини кўрсатиш қийин эмас. Биз улардан бирининг, масалан $z_1 + z_2 = \bar{z}_1 + \bar{z}_2$ тенгликнинг ўринли бўлишини кўрсатамиз.

Айтайлик,

$$z_1 = x_1 + iy_1, \quad z_2 = x_2 + iy_2$$

бўлсин. Унда

$$\bar{z}_1 = x_1 - iy_1, \quad \bar{z}_2 = x_2 - iy_2$$

бўлади. Равшанки,

$$\overline{z_1 + z_2} = \overline{(x_1 + iy_1) + (x_2 + iy_2)} = \overline{(x_1 + x_2) + (y_1 + y_2)i}$$

Демак,

$$\overline{z_1 + z_2} = (x_1 + x_2) - (y_1 + y_2)i$$

Иккинчи томонда

$$(x_1 + x_2) - (y_1 + y_2)i = (x_1 - iy_1) + (x_2 - iy_2) = \overline{z_1} + \overline{z_2}$$

бўлади. Кейинги тенгликдан

$$\overline{z_1 + z_2} = \overline{z_1} + \overline{z_2}$$

бўлиши келиб чиқади.

1-эслатма пта z_1, z_2, \dots, z_n комплекс сонларнинг йиғиндиси ҳамда кўпайтмаси юқоридагидек киритилади ва улар учун мос хоссалар ҳамда тенгликлар ўринли бўлади. Жумладан

$$\overline{z_1 + z_2 + \dots + z_n} = \overline{z_1} + \overline{z_2} + \dots + \overline{z_n},$$

$$\overline{z_1 \cdot z_2 \cdot \dots \cdot z_n} = \overline{z_1} \cdot \overline{z_2} \cdot \dots \cdot \overline{z_n},$$

бўлади.

Мисоллар. 1. Ушбу $(2+i)^3$ комплекс соннинг ҳақиқий ва мавҳум қисмини топинг.

Равшанки,

$$(2+i)^3 = 8 + 3 \cdot 4 \cdot i + 3 \cdot 2 \cdot i^2 + i^3$$

Агар

$$i^2 = -1, \quad i^3 = i^2 \cdot i = -i$$

эканини эътиборга олсак, унда

$$(2+i)^3 = 2 + 11i$$

бўлишини топамиз. Демак,

$$\operatorname{Re}(2+i)^3 = 2, \quad \operatorname{Im}(2+i)^3 = 11$$

2. Ушбу

$$z_1 = 1 + \sqrt{3} \cdot i, \quad z_2 = 1 - \sqrt{3} \cdot i,$$

комплекс сонларнинг йиғиндиси, айирмаси, кўпайтмаси ва нисбатини топинг.

Юқорида келтирилган қоидалардан фойдаланиб топамиз:

$$z_1 + z_2 = (1 + \sqrt{3} \cdot i) + (1 - \sqrt{3} \cdot i) = (1+1) + (\sqrt{3} - \sqrt{3}) \cdot i = 2,$$

$$z_1 - z_2 = (1 + \sqrt{3} \cdot i) - (1 - \sqrt{3} \cdot i) = (1-1) + (\sqrt{3} + \sqrt{3}) \cdot i = 2\sqrt{3}i,$$

$$z_1 \cdot z_2 = (1 + \sqrt{3} \cdot i) \cdot (1 - \sqrt{3} \cdot i) = (1 \cdot 1) + \sqrt{3}(-\sqrt{3}) \cdot (-1) + (1 \cdot (-\sqrt{3}) + \sqrt{3} \cdot 1)i = 4 + 0 \cdot i = 4,$$

$$\begin{aligned} \frac{z_1}{z_2} &= \frac{1 + \sqrt{3}i}{1 - \sqrt{3}i} = \frac{1 \cdot 1 + \sqrt{3}(-\sqrt{3})}{1^2 + (-\sqrt{3})^2} + \frac{\sqrt{3} \cdot 1 - 1 \cdot (-\sqrt{3})}{1^2 + (-\sqrt{3})^2} i = \\ &= \frac{-2}{4} + \frac{2\sqrt{3}}{4} i = -\frac{1}{2} + \frac{\sqrt{3}}{2} i \end{aligned}$$

3. Ихтиёрӣ

$$z_1 = x_1 + i \cdot y_1, \quad z_2 = x_2 + i \cdot y_2, \quad (x_2^2 + y_2^2 > 0)$$

комплекс сонлар учун

$$\frac{z_1}{z_2} = \frac{z_1 \cdot \overline{z_2}}{x_2^2 + y_2^2}$$

бўлишини кўрсатинг.

$\frac{z_1}{z_2}$ нисбатнинг сурат ва махражини $\overline{z_2} = x_2 - iy_2$ га кўпайтирамиз:

$$\frac{z_1}{z_2} = \frac{z_1 \cdot \overline{z_2}}{(x_2 + iy_2)(x_2 - iy_2)}$$

Равшанки,

$$\begin{aligned} (x_2 + iy_2)(x_2 - iy_2) &= (x_2 \cdot x_2 - y_2 \cdot (-y_2)) + (x_2(-y_2) + x_2 y_2) \cdot i = \\ &= x_2^2 + y_2^2 + 0 \cdot i = x_2^2 + y_2^2. \end{aligned}$$

Натижада,


$$\frac{z_1}{z_2} = \frac{z_1 \cdot \overline{z_2}}{x_2^2 + y_2^2}$$

бўлади.

2°. Комплекс соннинг тригонометрик кўриниши. Ихтиёрӣ

$$z = x + iy \quad (6)$$

комплекс сонни олайлик. Текисликда, координаталари x ва y бўлган $M(x, y)$ нуқтани қараймиз (1-чизма).



1-чизма

Маълумки, \vec{OM} шу M нуқтанинг радиус-вектори дейилади. Бу радиус-векторнинг узунлиги r , унинг Ox ўқи билан ташкил этган бурчаги φ бўлсин (1-чизма).

1-чизмада тасвирланган OMB тўғри бурчакли учбурчакдан топамиз:

$$x = r \cdot \cos \varphi, \quad y = r \cdot \sin \varphi. \quad (0 \leq \varphi < 2\pi)$$

Унда (6) комплекс сон қуйидагича

$$z = x + iy = r \cdot \cos \varphi + i \cdot r \cdot \sin \varphi = r(\cos \varphi + i \cdot \sin \varphi) \quad (7)$$

ифодаланеди. Одатда комплекс соннинг бу ифодаси унинг тригонометрик кўриниши дейилади. Бунда r мусбат сон z комплекс соннинг модули дейилиб, $|z|$ каби белгиланади:

$r = |z|$, φ бурчак эса z комплекс соннинг аргументи дейилиб, $\arg z$ каби белгиланади: $\varphi = \arg z$.

Яна $\triangle OMB$ дан, Пифагор теоремасига кўра

$$r = |z| = \sqrt{x^2 + y^2} \quad (0 \leq r < +\infty) \quad (8)$$

ҳамда

$$\operatorname{tg} \varphi = \frac{y}{x}, \quad \text{яъни } \varphi = \operatorname{arctg} \frac{y}{x} \quad (9)$$

бўлишини топамиз.

Демак, $z = x + iy$ комплекс соннинг модули (8) формула, аргументи эса (9) формула ёрдамида топилади.

Мисоллар. 1. Ушбу

$$z = -1 + \sqrt{3} \cdot i$$

комплекс соннинг модулини ҳамда аргументини топинг.

Берилган комплекс сонда $x = -1$, $y = \sqrt{3}$ бўлади. (8) ва (9) формулаларга кўра

$$r = |z| = \sqrt{(-1)^2 + (\sqrt{3})^2} = 2,$$

$$\operatorname{tg} \varphi = \frac{\sqrt{3}}{-1} = -\sqrt{3}, \quad \text{яъни } \varphi = \frac{2\pi}{3}$$

бўлади.

2. Ушбу

$$z = \frac{1}{2} - \frac{\sqrt{3}}{2}i$$

комплекс сонни тригонометрик кўринишда ифодаланг.

Берилган комплекс сонда $x = \frac{1}{2}$, $y = -\frac{\sqrt{3}}{2}$ бўлиб

$$r = |z| = \sqrt{\left(\frac{1}{2}\right)^2 + \left(-\frac{\sqrt{3}}{2}\right)^2} = 1,$$

$$\varphi = \arg z = \operatorname{arctg} \frac{-\frac{\sqrt{3}}{2}}{\frac{1}{2}} = \operatorname{arctg}(-\sqrt{3}) = \frac{2\pi}{3}$$

бўлади. У ҳолда (7) формулага кўра берилган комплекс сон қуйидаги

$$z = \frac{1}{2} - \frac{\sqrt{3}}{2}i = 1 \cdot \left(\cos \frac{2\pi}{3} + i \cdot \sin \frac{2\pi}{3} \right)$$

тригонометрик кўринишга эга бўлади.

3°. Комплекс соннинг кўрсаткичли кўриниши Парас қилайлик, $z \in \mathbb{C}$ соннинг модули r ($0 \leq r < +\infty$) аргументи эса φ ($0 \leq \varphi < 2\pi$) бўлсин. Унда бу комплекс сон

$$z = r(\cos \varphi + i \cdot \sin \varphi)$$

тригонометрик кўринишга эга бўлади.

Комплекс анализ курсида муҳим бўлган қуйидаги

$$e^{i\varphi} = \cos \varphi + i \cdot \sin \varphi \quad (10)$$

Эйлер формуласидан (10) тенгликнинг исботи 3-боб, 5-с да келтирилади) фойдалансак, z комплекс соннинг ушбу

$$z = r e^{i\varphi} \quad (11)$$

ифодасига келамиз. Бу комплекс соннинг кўрсаткичли ифодаси дейилади.

Шундай қилиб, биз мазкур параграфда комплекс соннинг турли кўринишларини келтирдик. Қаралаётган масаланинг талабига қараб комплекс соннинг у ёки бу кўринишидан фойдаланилади.

Масалан, иккита

$$z_1 = r_1 e^{i\varphi_1}, \quad z_2 = r_2 e^{i\varphi_2}$$

комплекс сонлар учун $z_1 \cdot z_2$ ва $\frac{z_1}{z_2}$ ($z_2 \neq 0$) ларнинг ифодалари

содда кўринишга эга бўлади:

$$z_1 \cdot z_2 = r_1 e^{i\varphi_1} \cdot r_2 e^{i\varphi_2} = r_1 r_2 e^{i(\varphi_1 + \varphi_2)}, \quad (12)$$

$$\frac{z_1}{z_2} = \frac{r_1 e^{i\varphi_1}}{r_2 e^{i\varphi_2}} = \frac{r_1}{r_2} e^{i(\varphi_1 - \varphi_2)}. \quad (13)$$

Юқоридаги (12), (13) муносабатлардан қуйидаги хулосалар келиб чиқади:

1^o. Иккита z_1 ва z_2 комплекс сонлар кўпайтмасининг модули шу сонлар модулларининг кўпайтмасига тенг:

$$|z_1 \cdot z_2| = |z_1| \cdot |z_2|,$$

аргументи эса шу сонлар аргументларининг йиғиндисига тенг:

$$\arg(z_1 \cdot z_2) = \arg z_1 + \arg z_2.$$

2^o. Иккита z_1 ва z_2 комплекс сонлар нисбати $\frac{z_1}{z_2}$ ($z_2 \neq 0$)

нинг модули шу сонлар модулларининг нисбатига тенг:

$$\left| \frac{z_1}{z_2} \right| = \frac{|z_1|}{|z_2|}.$$

аргументи эса шу сонлар аргументларининг айирмасига тенг:

$$\arg\left(\frac{z_1}{z_2}\right) = \arg z_1 - \arg z_2.$$

3-§. Комплекс сонни даражага кўтариш ва ундан илдиз чиқариш

Айтайлик z_1, z_2, \dots, z_n комплекс сонлар берилган бўлсин. Иккита комплекс сонлар кўпайтмаси сингари бу n та комплекс сонлар кўпайтмаси

$$z_1 \cdot z_2 \cdot \dots \cdot z_n = r_1 \cdot r_2 \cdot \dots \cdot r_n \cdot e^{i(\varphi_1 + \varphi_2 + \dots + \varphi_n)} \quad (14)$$

бўлади. Бунда $z_k = r_k e^{i\varphi_k}$, $k = 1, 2, \dots, n$. Хусусан $z_1 = z_2 = \dots = z_n = z$ бўлса, (14) тенглик ушбу

$$z^n = r^n e^{in\varphi} \quad (15)$$

кўринишга эга бўлиб, бу z комплекс соннинг n - даражаси дейилади.

Равшанки,

$$r^n e^{in\varphi} = r^n (\cos n\varphi + i \sin n\varphi).$$

Демак,

$$z^n = r^n (\cos n\varphi + i \sin n\varphi). \quad (16)$$

(14)да (16) формула Муавр формуласи дейилади.

Айтайлик, $z \in \mathbb{C}$ комплекс сон ва тайинланган $n \in \mathbb{N}$ сонлар берилган бўлсин.

Ушбу

$$\xi^n = z \quad (17)$$

тенгликни қаноатлантирувчи ξ комплекс сон z комплекс сондан олинган n - даражали илдиз дейилади ва у $\sqrt[n]{z}$ каби белгиланади:

$$\xi = \sqrt[n]{z}.$$

Берилган комплекс сон қуйидаги

$$z = r(\cos \varphi + i \sin \varphi) \quad (18)$$

тригонометрик кўринишда бўлсин.

ξ комплекс сонни ушбу

$$\xi = \rho(\cos \psi + i \sin \psi) \quad (19)$$

кўринишда излаймиз.

Унда (17), (18) ва (19) муносабатларга кўра

$$[\rho(\cos \psi + i \sin \psi)]^n = r(\cos \varphi + i \sin \varphi)$$

бўлади.

Энди

$$[\rho(\cos \psi + i \sin \psi)]^n = \rho^n (\cos n\psi + i \sin n\psi)$$

формулани эътиборга олиб, қуйидаги

$$\rho^n (\cos n\psi + i \sin n\psi) = r(\cos \varphi + i \sin \varphi)$$

тенгликка келамиз. Ундан

$$\rho^n \cos n\psi = r \cos \varphi \quad (20)$$

$$\rho^n \sin n\psi = r \sin \varphi$$

бўлиши келиб чиқади.

Бу тенгликларни квадратга кўтариб, сўнг уларни ҳадлаб қўшиб топамиз:

$$\rho^{2n} (\cos^2 n\psi + \sin^2 n\psi) = r^2 (\cos^2 \varphi + \sin^2 \varphi) \Rightarrow$$

$$\Rightarrow \rho^{2n} = r^2 \Rightarrow \rho = \sqrt[n]{r}.$$

Топилган ρ нинг қийматини (20) тенгликлардаги ρ нинг ўрнига қўйсак, ушбу

$$\cos n\psi = \cos \varphi$$

$$\sin n\psi = \sin \varphi$$

тенгламалар ҳосил бўлади.

Агар маълум бўлган

$$\cos(\alpha + 2k\pi) = \cos \alpha$$

$$\sin(\alpha + 2k\pi) = \sin \alpha \quad (k = 0, \pm 1, \pm 2, \dots)$$

тенгликларни эътиборга олсак, унда

$$n\psi = \varphi + 2k\pi,$$

яъни

$$\psi_k = \frac{\varphi + 2k\pi}{n} \quad (k = 0, \pm 1, \pm 2, \dots)$$

бўлишини топамиз.

Демак, изланаётган $\xi = \rho(\cos\psi + i\sin\psi)$ комплекс соннинг модули

$$\rho = \sqrt[n]{r}.$$

аргументи эса

$$\psi_k = \frac{\varphi + 2k\pi}{n}$$

бўлар экан. Демак

$$\xi = \sqrt[n]{z} = \sqrt[n]{r} \left(\cos \frac{\varphi + 2k\pi}{n} + i \sin \frac{\varphi + 2k\pi}{n} \right) \quad (k = 0, 1, 2, \dots, n-1) \quad (21)$$

бўлади.

М и с о л. Ушбу $\sqrt[n]{-1}$ илдизнинг барча қийматларини топинг.

Аввало $z = -1 \in \mathbb{C}$ сонни тригонометрик кўринишда ёзиб оламиз. Равшанки, бу соннинг модули 1 га, аргументи эса π га тенг:

$$|-1| = 1, \quad \arg(-1) = \pi$$

Демак,

$$-1 = 1(\cos\pi + i\sin\pi).$$

(21) формулага кўра

$$\sqrt[n]{-1} = 1 \left(\cos \frac{\pi + 2k\pi}{n} + i \sin \frac{\pi + 2k\pi}{n} \right) \quad (k = 0, 1, 2, 3)$$

бўлди. Бу тенгликдан фойдаланиб топамиз:

$$k=0 \text{ бўлганда} \quad z_0 = \cos \frac{\pi}{4} + i \sin \frac{\pi}{4} = \frac{\sqrt{2}}{2} + i \frac{\sqrt{2}}{2}$$

$$k=1 \text{ бўлганда} \quad z_1 = \cos \frac{3\pi}{4} + i \sin \frac{3\pi}{4} = -\frac{\sqrt{2}}{2} + i \frac{\sqrt{2}}{2};$$

$$k=2 \text{ бўлганда} \quad z_2 = \cos \frac{5\pi}{4} + i \sin \frac{5\pi}{4} = -\frac{\sqrt{2}}{2} - i \frac{\sqrt{2}}{2};$$


$$k=3 \text{ бўлганда} \quad z_3 = \cos \frac{7\pi}{4} + i \sin \frac{7\pi}{4} = \frac{\sqrt{2}}{2} - i \frac{\sqrt{2}}{2}.$$

4-9. Комплекс сонларни геометрик тасвирлаш. Комплекс текислик. Риман сфераси

Ихтиёрий z ($z \in \mathbb{C}$) комплекс сонни олайлик. Бу сон (x, y) жуфтлик билан аниқлансин:

$$z = (x, y) \quad (x \in \mathbb{R}_x, y \in \mathbb{R}_y).$$

Текисликда абциссаси x га, ординатаси эса y га тенг бўлган нуқта z комплекс соннинг геометрик тасвири дейилади (2-чизма).



2-чизма

Хусусан, $(x, 0) = x$ кўринишдаги комплекс соннинг (ҳақиқий соннинг) геометрик тасвири абциссалар ўқида жойлашган нуқта бўлади. $(0, y) = yi$ кўринишдаги комплекс соннинг (соф мавҳум соннинг) геометрик тасвири эса ординаталар ўқида жойлашган нуқта бўлади.

Абциссалар ўқи ҳақиқий ўқ, ординаталар ўқи эса мавҳум ўқ деб юритилади.

Демак, \mathbb{C} тўпладан олинган ҳар бир комплекс сонга текисликда, бу сонни геометрик тасвирловчи битта нуқта мос келар экан.

Энди текисликда ихтиёрий нуқта олайлик. Унинг абциссаси x , ординатаси y бўлсин. Бу сонлардан тузилган (x, y) жуфтлик битта комплекс сонни аниқлайди. Олинган нуқтага шу комплекс сонни мос қўйиш билан текисликдаги ҳар бир нуқтага битта комплекс сон мос келишини аниқлаймиз.


Шундай қилиб, комплекс сонлар тўплами \mathbb{C} билан текисликдаги барча нуқталар тўплами орасида ўзаро бир қийматли мослик ўрнатилади. Бу эса \mathbb{C} тўплагининг геометрик тасвирини текислик деб қараш имконини беради. Бундай текислик комплекс сонлар текислиги деб аталади ва у ҳам \mathbb{C} каби белгиланади.

Комплекс сонни бошқача ҳам тасвирлаш мумкин. Бунинг учун R^3 фазода $O\xi\eta\zeta$ Декарт координаталар системасини олиб, унда маркази $(0,0,\frac{1}{2})$ нуқтада, радиуси $\frac{1}{2}$ га тенг бўлган ушбу

$$S = \left\{ (\xi, \eta, \zeta) \in R^3: \xi^2 + \eta^2 + \left(\zeta - \frac{1}{2}\right)^2 = \frac{1}{4} \right\} \quad (22)$$

сферани қараймиз. Равшанки, бу сфера $O\xi$ ўқни $(0,0,0)$ ҳамда $(0,0,1)$ нуқталарда кесади. Сферанинг $(0,0,1)$ нуқтасини P ҳарфи билан белгилаб, уни қутб деб юритамиз.

Айтайлик. $O\xi$ ҳамда $O\eta$ координата ўқлари мос равишда комплекс текисликдаги ҳақиқий ҳамда мавҳум ўқлар билан уст-ма-уст тушсин (3-чизма).



3-чизма

Ихтиёрий z комплекс сонни олайлик. Унинг комплекс текисликдаги тасвири бўлган z нуқта билан сферанинг P нуқтасини тўғри чизик кесмаси ёрдамида бирлаштирамиз. Бу тўғри чизик сферани M нуқтада кесади (3-чизма). Бу нуқта z комплекс соннинг сферадаги тасвири дейилади.

Келтирилган қоидага кўра комплекс текисликдаги ҳар бир нуқтага (комплекс сонга) сферада битта нуқта мос келишини кўрамиз.

Энди сферанинг ихтиёрий A нуқтасини (P нуқтадан бошқа) олайлик. P ва A нуқталар орқали тўғри чизик ўтказамиз. Бу тўғри чизик комплекс текисликни бирор нуқтада кесади. Уни сферанинг A нуқтасига мос кўямиз. Бу қоидага кўра сферадаги ҳар бир нуқтага комплекс текисликда битта нуқта мос келишини кўрамиз.

Шундай қилиб, комплекс текисликдаги барча нуқталар тўғлами билан (C билан) сферанинг $S\{P\}$ нуқталари тўғлами ўзаро бир қийматли мосликда бўлар экан.

Шуни таъкидлаш лозимки, комплекс текисликдаги z нуқта координата бошидан узоқлаша борган сари унинг сферадаги тасвири P нуқтага (қутбга) яқинлаша боради.

Агар комплекс текисликда $z = \infty$ деб аталувчи «нуқта» (чексиз узоқлашган нуқта) олинса ва уни сферадаги P га мос келувчи нуқта деб қаралса, унда

$$\bar{C} = C \cup \{z = \infty\}$$

тўғлам билан S сфера нуқталаридан иборат тўғлам ўзаро бир қийматли мосликда бўлади:

$$S \sim \bar{C}$$

Бу мослик комплекс текисликнинг стереографик проекцияси дейилади.

Одатда \bar{C} тўғлам кенгайтирилган комплекс текислик, S сирт эса Риман сфераси деб аталади. Сферадаги нуқта координаталари билан комплекс текисликдаги мос нуқта координаталари орасидаги боғланишни топиш қийин эмас.

Айтайлик, комплекс текисликдаги $z = x + iy$ нуқтага S сферадаги $A = A(\xi, \eta, \zeta)$ нуқта мос келсин (3-чизма).

Равшанки, $P = P(0,0,1) \in S$ ҳамда $z = x + iy \in C$ нуқталар орқали ўтувчи тўғри чизик тенгламаси (параметрик тенгламаси) қуйидагича

$$\begin{cases} \xi = tx, \\ \eta = ty, \\ \zeta = 1-t \end{cases} \quad (23)$$

бўлади, бунда $t=0$ бўлганда P нуқта, $t=1$ бўлганда эса z нуқта ҳосил бўлади.

Комплекс текисликдаги z нуқта координаталари x ва y лар маълум бўлганда A нуқтанинг координаталари ξ, η, ζ лар қуйидагича аниқланади.

Маълумки, $A = A(\xi, \eta, \zeta)$ нуқта ҳам (23) тўғри чизикда ҳам S сферада ётади. Шуни эътиборга олиб, $\xi = tx$, $\eta = ty$, $\zeta = 1-t$ ларни сфера тенгламаси

$$\xi^2 + \eta^2 + \left(\zeta - \frac{1}{2}\right)^2 = \frac{1}{4}$$

даги ξ , η ва ζ ларнинг ўрнинга қўйиб топамиз:

$$t^2 x^2 + t^2 y^2 + \frac{1}{4} - t + t^2 = \frac{1}{4} \Rightarrow t(x^2 + y^2 + 1) = 1 \Rightarrow$$

$$\Rightarrow t(|z|^2 + 1) = 1 \Rightarrow t = \frac{1}{1 + |z|^2}$$

Демак,

$$\xi = tx = \frac{x}{1 + |z|^2},$$

$$\eta = ty = \frac{y}{1 + |z|^2}, \quad (24)$$

$$\zeta = 1 - t = \frac{|z|^2}{1 + |z|^2}$$

бўлади.

Сферадаги A нуқтанинг координаталари ξ, η, ζ лар маълум бўлганда текисликдаги z нуқтанинг координаталари x ва y лар қуйидагича аниқланади: (23) тўғри чизиқ тенгламасидан

$$t = 1 - \zeta$$

бўлишини топиб, уни (23) системанинг биринчи иккита тенгламасидаги t нинг ўрнига қўямиз:

$$\xi = (1 - \zeta)x,$$

$$\eta = (1 - \zeta)y.$$

Бу тенгликлардан

$$x = \frac{\xi}{1 - \zeta}, \quad y = \frac{\eta}{1 - \zeta},$$

бўлиши келиб чиқади.

Комплекс текисликда

$$z_1 = x_1 + iy_1, \quad z_2 = x_2 + iy_2$$

нуқталарни олайлик. Бу нуқталарга мос келувчи сферадаги нуқталар, яъни уларнинг стереографик проекциялари

$$A_1 = A_1(\xi_1, \eta_1, \zeta_1), \quad A_2 = A_2(\xi_2, \eta_2, \zeta_2)$$

бўлсин.

Ушбу

$$d(z_1, z_2) = |z_1 - z_2| = \sqrt{(x_2 - x_1)^2 + (y_2 - y_1)^2}$$

миқдор z_1 ва z_2 нуқталар орасидаги масофа (Евклид масофаси) дейилади.

$A_1 = A_1(\xi_1, \eta_1, \zeta_1)$ ва $A_2 = A_2(\xi_2, \eta_2, \zeta_2)$ нуқталар орасидаги масофа z_1 ва z_2 нуқталар орасидаги сферик масофа деб аталади ва у $\rho(z_1, z_2)$ каби белгиланади.

Равшанки, $A_1 = A_1(\xi_1, \eta_1, \zeta_1)$ ва $A_2 = A_2(\xi_2, \eta_2, \zeta_2)$ нуқталар орасидаги масофа

$$\rho(z_1, z_2) = \sqrt{(\xi_2 - \xi_1)^2 + (\eta_2 - \eta_1)^2 + (\zeta_2 - \zeta_1)^2}$$

бўлади (қаралсин, [1], 14-боб, 1-§).

Юқорида келтирилган (23) формулага кўра

$$\xi_1 = \frac{x_1}{1 + |z_1|^2}, \quad \eta_1 = \frac{y_1}{1 + |z_1|^2}, \quad \zeta_1 = \frac{|z_1|^2}{1 + |z_1|^2}$$

$$\xi_2 = \frac{x_2}{1 + |z_2|^2}, \quad \eta_2 = \frac{y_2}{1 + |z_2|^2}, \quad \zeta_2 = \frac{|z_2|^2}{1 + |z_2|^2}$$

бўлишини эътиборга олиб z_1 ва z_2 нуқталар орасидаги сферик масофани топамиз:

$$\rho(z_1, z_2) = \frac{|z_1 - z_2|}{\sqrt{1 + |z_1|^2} \cdot \sqrt{1 + |z_2|^2}} \quad (25)$$

Кенгайтирилган комплекс текислик \bar{C} да $z_2 = \infty$ бўлган ҳолда (25) формула

$$\rho(z, \infty) = \frac{1}{\sqrt{1 + |z|^2}} \quad (26)$$

кўринишда бўлади.

5-§. Комплекс текисликда чизиқлар ва соҳалар

1°. Комплекс текисликда чизиқлар. Эгри чизиқ геометриянинг дастлабки, айти пайтда муҳим тушунчаларидан бўлиб, уни текисликда нуқтанинг узлуксиз ҳаракати натижасида қолдирган изи деб қараш мумкин.

Ҳаракатдаги нуқтанинг координаталарини x ва y дейилса, равшанки, улар бирор t ўзгарувчининг узлуксиз функциялари бўлади:

$$\begin{cases} x = x(t), \\ y = y(t) \end{cases} \quad (\alpha \leq t \leq \beta)$$

Айни пайтда (x, y) жуфтлик комплекс сонни ифодалагани сабабли, уни

$$z = x + iy$$

кўринишда ёзиш мумкин. Натижада


$$z = x + iy = x(t) + iy(t) = z(t)$$

бўлади.

Демак,

$$z = z(t), \quad (\alpha \leq t \leq \beta)$$

функция $[\alpha, \beta]$ сегментни комплекс текислик нуқталарига акслантиради ва бу нуқталар тўплами эса комплекс текисликда эгри чизиқни ифодалар экан. Бунда $z_0 = z(\alpha)$ эгри чизиқнинг бошланғич нуқтаси, $z_1 = z(\beta)$ эса эгри чизиқнинг сўнги (охирги) нуқтаси бўлади (4-чизма).



4-чизма

Агар $z(\alpha) = z(\beta)$ бўлса, яъни эгри чизиқнинг бошланғич ва охирги нуқталари устма-уст тушса, бундай эгри чизиқ ёпик дейилади.

Агар $z = z(t)$ эгри чизиқда t ўзгарувчининг иккита турли t_1 ва t_2 ($t_1 \neq t_2$) қийматларига мос келадиган $z(t_1)$ ва $z(t_2)$ нуқталар ҳам турлича бўлса, у ҳолда эгри чизиқ Жордан чизиғи дейилади. Бошқача қилиб айтганда Жордан чизиғи $[\alpha, \beta]$ сегментни ўзаро бир қийматли ва узлуксиз акслантириш натижа-сидаги аксидан иборат бўлар экан.

2°. Комплекс текисликда очик ва ёпик тўпламлар. Соҳалар. Бирор $z_0 \in C$ нуқта ҳамда ε мусбат сонни олайлик.

1-таъриф. Ушбу

$$|z - z_0| < \varepsilon$$

узлуксизликни қаноатлантирувчи z ($z \in C$) нуқталардан иборат тўплам z_0 нуқтанинг атрофи (ε -атрофи) дейилади ва $U(z_0, \varepsilon)$ каби белгиланади. Демак,

$$U(z_0, \varepsilon) = \{z \in C: |z - z_0| < \varepsilon\}.$$

Шунга ўхшаш $z_0 \in \bar{C}$ нуқтанинг атрофи (ε -атрофи) тушунчаси киритилади:

$$\bar{U}(z_0, \varepsilon) = \{z \in \bar{C}: \rho(z, z_0) < \varepsilon\}$$

Ушбу

$$\{z \in C: 0 < |z - z_0| < \varepsilon\}$$

$$\left\{z \in \bar{C}: 0 < \rho(z, z_0) < \varepsilon\right\}$$

тўплам $z_0 \in C$ ($z_0 \in \bar{C}$) нуқтанинг ўйилган атрофи дейилади.

Фараз қилайлик, комплекс текислик C да бирор D тўплам берилган бўлсин.

2-таъриф. Агар $z_0 \in D$ нуқта ўзининг бирор атрофи билан шу D тўпламга тегишли бўлса, z_0 нуқта D тўпламнинг ички нуқтаси дейилади.

3-таъриф. Барча нуқталари ички нуқталардан иборат тўплам очик тўплам дейилади.

Агар $z_0 \in C$ нуқтанинг ($z_0 \in \bar{C}$ нуқтанинг) ихтиёрий ўйилган атрофида $D \subset C$ тўпламнинг ($D \subset \bar{C}$ тўпламнинг) камида битта нуқтаси бўлса, z_0 нуқта D тўпламнинг лимит нуқтаси дейилади.

4-таъриф. Агар D тўпламнинг барча лимит нуқталари шу тўпламга тегишли бўлса, D ёпик тўплам дейилади.

Мисоллар. 1. Ушбу

$$D = \{z \in C: |z - z_0| < r\}$$


тўпламни қарайлик. Бунда $z_0 \in C$ берилган нуқта, r эса мусбат сон. Бу тўплам очик тўплам бўлади. Қаралаётган D тўплам маркази z_0 нуқтада, радиуси r га тенг бўлган доирани ифода-лайди.

Ҳақиқатан ҳам, $z = x + iy$, $z_0 = a + ib$ дейилса, унда

$$|z - z_0| < r \Rightarrow |x + iy - (a + ib)| < r \Rightarrow$$

$$\Rightarrow \sqrt{(x-a)^2 + (y-b)^2} < r \Rightarrow (x-a)^2 + (y-b)^2 < r^2.$$

бўлади (5-чизма).



5-чизма

2. Ушбу


$$D = \{z \in \mathbb{C} : r_0 < |z - z_0| < r_1\}$$

тўғламни қарайлик. Бунда $z_0 \in \mathbb{C}$ берилган нуқта, r_0 ва r_1 лар мусбат сонлар. Бу тўғлам очик тўғлам бўлади. D тўғлам маркази z_0 нуқтада, радиуслари r_0 ва r_1 ($r_0 < r_1$) бўлган айланалар билан чегараланган шаклни-ҳалқани ифодалайди.

Ҳақиқатан ҳам, юқоридагидек, $z = x + iy$, $z_0 = a + ib$ бўлса, унда

$$\begin{aligned} r_0 < |z - z_0| < r_1 &\Rightarrow r_0 < |x + iy - (a + ib)| < r_1 \Rightarrow \\ &\Rightarrow r_0 < \sqrt{(x-a)^2 + (y-b)^2} < r_1 \Rightarrow r_0^2 < (x-a)^2 + (y-b)^2 < r_1^2. \end{aligned}$$

бўлади (6-чизма).



6-чизма

1. Ушбу

$$D = \{z \in \mathbb{C} : |z - z_0| \leq r\}$$

тўғлам ёпиқ тўғлам бўлади.

5 - т а ь р и ф. Агар $D \subset \mathbb{C}$ шундай тўғлам бўлсаки, унга тегишли ихтиёрий z_1 ва z_2 нуқталарни бирлаштирувчи чизиқ шу тўғламга тегишли бўлса, D боғламли тўғлам дейилади.

Масалан, ушбу

$$D_1 = \{z \in \mathbb{C} : |z - z_0| < r_1\},$$

$$D_2 = \{z \in \mathbb{C} : |z - z_0| > r_2\},$$

$$D_3 = \{z \in \mathbb{C} : r_2 < |z - z_0| < r_1\}$$

тўғламлар боғламли тўғламлар бўлади.

6 - т а ь р и ф. Агар D тўғлам ($D \subset \bar{\mathbb{C}}$) ҳам очик ҳам боғламли тўғлам бўлса, у соҳа деб аталади.

Юқорида келтирилган D_1 , D_2 , D_3 тўғламлар соҳа бўлади, чунки уларнинг ҳар бири биринчидан очик тўғламлар, иккинчидан боғламли тўғламлардир.

Маълумки, тўғламнинг лимит нуқтаси шу тўғламга тегишли бўлиши ҳам мумкин, тегишли бўлмаслиги ҳам мумкин.

D соҳанинг ўзига тегишли бўлмаган лимит нуқтаси унинг чегаравий нуқтаси дейилади.

7 - т а ь р и ф. D соҳанинг барча чегаравий нуқталаридан иборат тўғлам D соҳанинг чегараси дейилади ва ∂D каби белгиланади.

Масалан, ушбу

$$D = \{z \in \mathbb{C} : |z - z_0| < r\}$$

соҳанинг чегараси


$$\partial D = \{z \in \mathbb{C} : |z - z_0| = r\}$$

яъни маркази z_0 нуқтада, радиуси r га тенг бўлган айлана бўлади.

Айтайлик, $D \subset \bar{\mathbb{C}}$ соҳа берилган бўлиб, унинг чегараси ∂D бўлсин.

Агар ∂D боғламли тўғлам бўлса, D бир боғламли соҳа дейилади.

Қуйидаги 7-чизмада тасвирланган соҳалар бир боғламли соҳаларга мисол бўлади:



7-чизма


1-теорема (Жордан теоремаси). Ихтиёрий ёпиқ Жордан чизиғи комплекс текисликни иккита бир боғламли соҳаларга ажратади.

Бу теоремадан ихтиёрий ёпиқ Жордан чизиғи билан чегараланган текислик бўлаги бир боғламли соҳа бўлиши кўринади.


Чегараси бир нечта ёпиқ Жордан чизиқларидан иборат соҳа кўп боғламли соҳа дейилади. Масалан, ушбу

$$D = \{z \in \mathbb{C} : |z - z_0| < R\}$$

соҳа икки боғламли соҳадир (8-чизма).



8-чизма



9-чизма

9-чизмада 3 боғламли соҳа тасвирланган.

6-§. Комплекс сонлар кетма-кетлиги ва унинг лимити

Математик анализ курсида ҳақиқий сонлар кетма-кетлиги ва унинг лимити тушунчалари киритилиб, улар батафсил ўрганилган эди. Худди шунга ўхшаш комплекс сонлар кетма-кетлиги ва унинг лимити тушунчалари киритилади.

Фараз қилайлик, f ҳар бир n ($n \in \mathbb{N}$) натурал сонга бирор z_n комплекс сонни ($z_n \in \mathbb{C}$) мос қўювчи акслантириш бўлсин:

$$f: \mathbb{N} \rightarrow \mathbb{C} \quad (n \rightarrow z_n)$$

Бу акслантириш тасвирларидан тузилган

$$z_1, z_2, z_3, \dots, z_n, \dots$$

ифода комплекс сонлар кетма-кетлиги дейилади ва у $\{z_n\}$ каби белгиланади.

Масалан, $\{z_n\} = \left\{ \frac{1}{n} + i \frac{1}{n} \right\}$:

$$1+i, \frac{1}{2} + i \frac{1}{2}, \frac{1}{3} + i \frac{1}{3}, \dots, \frac{1}{n} + i \frac{1}{n}, \dots$$

комплекс сонлар кетма-кетлигидир.

Бирор

$$z_1, z_2, z_3, \dots, z_n, \dots$$

комплекс сонлар кетма-кетлиги берилган бўлсин.

8-тариф. Агар шундай мусбат ўзгармас M сон мавжуд бўлсаки, $\forall n \in \mathbb{N}$ учун $|z_n| \leq M$ тенгсизлик ўринли бўлса, $\{z_n\}$

кетма-кетлик чегараланган дейилади.

Масалан, ушбу

$$\{z_n\} = \left\{ \frac{n}{1+n^2} + i \frac{n}{1+n^2} \right\}$$

комплекс сонлар кетма-кетлиги чегараланган, чунки $\forall n \in \mathbb{N}$ учун

$$|z_n| = \left| \frac{n}{1+n^2} + i \frac{n}{1+n^2} \right| = \sqrt{\left(\frac{n}{1+n^2} \right)^2 + \left(\frac{n}{1+n^2} \right)^2} = \sqrt{2} \frac{n}{1+n^2} \leq \frac{\sqrt{2}}{2}$$

бўлади.

$\{z_n\}$ комплекс сонлар кетма-кетлиги ҳамда a комплекс сон берилган бўлсин.

9-тариф. Агар $\forall \epsilon > 0$ сон олинганда ҳам шундай натурал $n_0 = n_0(\epsilon)$ сон топилсаки, барча $n > n_0$ сонлар учун

$$|z_n - a| < \epsilon \quad (a \neq \infty)$$

тенгсизлик бажарилса, a комплекс сон $\{z_n\}$ кетма-кетликнинг лимити дейилади ва

$$\lim_{n \rightarrow \infty} z_n = a$$

ёки

$$n \rightarrow \infty \text{ да } z_n \rightarrow a$$

каби белгиланади.

Агар $\{z_n\}$ кетма-кетлик лимитга эга бўлса, у яқинлашувчи кетма-кетлик дейилади.

10 - т а ъ р и ф. Агар $\forall \varepsilon > 0$ сон олинганда ҳам шундай натурал $n_0 = n_0(\varepsilon)$ сон топилсаки, барча $n > n_0$ натурал сонлар учун

$$|z_n| > \varepsilon$$

тенгсизлик бажарилса, $\{z_n\}$ кетма-кетликнинг лимити чексиз дейилади ва

$$\lim_{n \rightarrow \infty} z_n = \infty$$

ёки

$$n \rightarrow \infty \text{ да } z_n \rightarrow \infty$$

каби белгиланади.

М и с о л. Ушбу

$$\{z_n\} = \{a^n\} \quad (a \in \mathbb{C}, |a| < 1)$$

комплекс сонлар кетма-кетлигининг лимитини топинг.

Ихтиёрий $\varepsilon > 0$ сонни олиб, унга кўра n_0 натурал сон қуйидагича

$$n_0 = n_0(\varepsilon) = \lceil \log_{|a|} \varepsilon \rceil$$

аниқланса, $(|a|^n < \varepsilon)$ тенгсизликни ечиб топилади:

$$|a|^n < \varepsilon \Rightarrow \log_{|a|} |a|^n > \log_{|a|} \varepsilon \Rightarrow n > \log_{|a|} \varepsilon,$$

у ҳолда барча $n > n_0$ учун

$$|z_n| < |a|^n < \varepsilon$$

тенгсизлик бажарилади. Бу эса 2-таърифга биноан

$$\lim_{n \rightarrow \infty} z_n = \lim_{n \rightarrow \infty} a^n = 0$$

бўлишини билдиради.

Энди яқинлашувчи кетма-кетликларнинг хоссаларини келтирамиз.

1°. Агар $\{z_n\}$ кетма-кетлик яқинлашувчи бўлса, у чегараланган бўлади.

И с б о т. $\{z_n\}$ кетма-кетлик яқинлашувчи бўлиб,

$$\lim_{n \rightarrow \infty} z_n = a \quad (a \in \mathbb{C})$$

бўлиши. Унда таърифга биноан $\forall \varepsilon > 0$ берилганда ҳам шундай $n_0 \in \mathbb{N}$ сон топиладики, $n > n_0$ тенгсизликни қаноатлантирувчи барча натурал сонлар учун

$$|z_n - a| < \varepsilon$$

бўлади. Бу тенгсизликдан фойдаланиб, топамиз:

$$|z_n| = |(z_n - a) + a| \leq |z_n - a| + |a| < \varepsilon + |a|$$

Демак, $\{z_n\}$ кетма-кетликнинг $(n_0 + 1)$ - ҳадидан кейинги барча ҳадлари учун

$$|z_n| < \varepsilon + |a|$$

тенгсизлик бажарилади.

Агар

$$\varepsilon + |a|, |z_1|, |z_2|, \dots, |z_{n_0}|$$

сонларнинг энг каттасини M десак, у ҳолда $\forall n \in \mathbb{N}$ учун

$$|z_n| \leq M$$

бўлади. Бу эса $\{z_n\}$ кетма-кетликнинг чегараланганлигини билдиради.

2°. Агар $\{z_n\}$ ва $\{z'_n\}$ кетма-кетликлар яқинлашувчи бўлиб,

$$\lim_{n \rightarrow \infty} z_n = a, \quad \lim_{n \rightarrow \infty} z'_n = a' \quad (a \in \mathbb{C}, a' \in \mathbb{C})$$

бўлса, у ҳолда

$$\{z_n \pm z'_n\}, \{z_n \cdot z'_n\}, \left\{ \frac{z_n}{z'_n} \right\} \quad (z'_n \neq 0)$$

кетма-кетликлар ҳам яқинлашувчи бўлиб,

$$1) \quad \lim_{n \rightarrow \infty} (z_n \pm z'_n) = a \pm a'$$

$$2) \quad \lim_{n \rightarrow \infty} (z_n \cdot z'_n) = a \cdot a'$$

$$3) \quad \lim_{n \rightarrow \infty} \left(\frac{z_n}{z'_n} \right) = \frac{a}{a'} \quad (a' \neq 0)$$

бўлади.

Бу тенгликларнинг исботлаш қийин эмас. Биз улардан бирини, масалан, 1)-нинг исботини келтирамиз.

Айтайлик,

$$\lim_{n \rightarrow \infty} z_n = a, \quad \lim_{n \rightarrow \infty} z'_n = a'$$

бўлсин. Лимит таърифига биноан $\forall \varepsilon > 0$ берилганда ҳам $\frac{\varepsilon}{2}$ сонга кўра шундай $n_0 \in \mathbb{N}$ сон топиладики, барча $n > n_0$ лар учун

$$|z_n - a| < \frac{\varepsilon}{2} \quad (27)$$

бўлади.

Шунингдек, $\frac{\varepsilon}{2}$ сонга кўра шундай $n_0 \in \mathbb{N}$ сон топиладики, барча $n > n_0$ сонлар учун

$$|z'_n - a'| < \frac{\varepsilon}{2} \quad (28)$$

бўлади.

Энди n_0 ва n_0' натурал сонлардан каттасини $\overline{n_0}$ деб олсак, унда барча $n > \overline{n_0}$ лар учун бир вақтда (27) ва (28) тенгсизликлар ўринли бўлади. Демак, $n > \overline{n_0}$ бўлганда

$$\begin{aligned} |(z_n \pm z'_n) - (a \pm a')| &= |(z_n - a) \pm (z'_n - a')| \leq \\ &\leq |z_n - a| \pm |z'_n - a'| < \frac{\varepsilon}{2} + \frac{\varepsilon}{2} = \varepsilon \end{aligned}$$

бўлиб, ундан

$$\lim_{n \rightarrow \infty} (z_n \pm z'_n) = a \pm a'$$

бўлиши келиб чиқади.

Энди комплекс сонлар кетма-кетлиги лимитининг мавжудлиги ҳақидаги теоремани келтирамиз.

Фараз қилайлик, $\{z_n\}$ ($n=1,2,\dots$) комплекс сонлар кетма-кетлиги берилган бўлиб, z_n ($n=1,2,\dots$) нинг ҳақиқий қисми $\operatorname{Re} z_n = x_n$ ($n=1,2,\dots$), мавҳум қисми $\operatorname{Im} z_n = y_n$ ($n=1,2,\dots$) бўлсин:

$$z_n = x_n + iy_n \quad (n=1,2,\dots)$$

Натижада иккита $\{x_n\}$ ҳамда $\{y_n\}$ ҳақиқий сонлар кетма-кетликларига эга бўламиз.

2 - т е о р е м а. $\{z_n\} = \{x_n + iy_n\}$ комплекс сонлар кетма-кетлиги $a = \alpha + i\beta$ ($a \in \mathbb{C}$) лимитга эга бўлиши учун $\{x_n\}$ ва $\{y_n\}$ ҳақиқий сонлар кетма-кетликлари лимитга эга бўлиб,

$$\lim_{n \rightarrow \infty} x_n = \alpha, \quad \lim_{n \rightarrow \infty} y_n = \beta$$

бўлиши зарур ва етарли.

И т б о т. З а р у р л и г и. Айтайлик, $\{z_n\}$ кетма-кетлик лимитга эга бўлсин:

$$\lim_{n \rightarrow \infty} z_n = a,$$

$$\lim_{n \rightarrow \infty} (x_n + iy_n) = \alpha + i\beta$$

Лимит таърифига биноан $\forall \varepsilon > 0$ берилганда ҳам шундай $n_0 \in \mathbb{N}$ сон топиладики, барча $n > n_0$ лар учун

$$|z_n - a| < \varepsilon$$

тенгсизлик бажарилади.

Равшанки,

$$\begin{aligned} |z_n - a| &= |(x_n + iy_n) - (\alpha + i\beta)| = \\ &= |(x_n - \alpha) + i(y_n - \beta)| = \sqrt{(x_n - \alpha)^2 + (y_n - \beta)^2}. \end{aligned}$$

Демак,

$$\sqrt{(x_n - \alpha)^2 + (y_n - \beta)^2} < \varepsilon.$$

Кейинги тенгсизликдан

$$(x_n - \alpha)^2 < \varepsilon^2, \quad (y_n - \beta)^2 < \varepsilon^2,$$

яъни

$$|x_n - \alpha| < \varepsilon, \quad |y_n - \beta| < \varepsilon$$

бўлиши келиб чиқади. Бу эса $\{x_n\}$ ва $\{y_n\}$ кетма-кетликлар лимитга эга ва

$$\lim_{n \rightarrow \infty} x_n = \alpha, \quad \lim_{n \rightarrow \infty} y_n = \beta$$

бўлишини билдиради.

Е т а р л и л и г и. Айтайлик, $\{x_n\}$ ва $\{y_n\}$ кетма-кетликлар лимитга эга бўлиб,

$$\lim_{n \rightarrow \infty} x_n = \alpha, \quad \lim_{n \rightarrow \infty} y_n = \beta$$

бўлсин. Лимит таърифига биноан $\forall \varepsilon > 0$ берилганда ҳам $\frac{\varepsilon}{2}$ сонга кўра шундай $n_0 \in \mathbb{N}$ сон топиладики, барча $n > n_0$ лар учун

$$|x_n - \alpha| < \frac{\varepsilon}{2} \quad (29)$$

бўлади.

Шунингдек, $\frac{\varepsilon}{2}$ сонга кўра шундай $n_0 \in \mathbb{N}$ сон топиладики, барча $n > n_0$ лар учун

$$|y_n - \alpha| < \frac{\varepsilon}{2} \quad (30)$$

бўлади. Агар n_0 ва n_0 натурал сонлардан каттасини \bar{n}_0 деб олсак, унда барча $n > \bar{n}_0$ лар учун бир вақтда (29) ҳамда (30) тенгсизликлар ўринли бўлади.

Равшанки

$$\begin{aligned} |z_n - a| &= |(x_n + iy_n) - (\alpha + i\beta)| = \\ &= |(x_n - \alpha) + i(y_n - \beta)| \leq |x_n - \alpha| + |y_n - \beta|. \end{aligned}$$

Юқоридаги (29) ҳамда (30) тенгсизликлардан фойдаланиб, барча $n > \bar{n}_0$ лар учун

$$|z_n - a| \leq |x_n - \alpha| + |y_n - \beta| < \frac{\varepsilon}{2} + \frac{\varepsilon}{2} = \varepsilon$$

бўлишини топамиз. Бу эса $\{z_n\}$ кетма-кетлик лимитга эга ва

$$\lim_{n \rightarrow \infty} z_n = a$$

эканлигини билдиради. Теорема исбот бўлди.

2 - э с л а т м а. Бу теореманинг етарлилигини яқинлашувчи кетма-кетликларнинг 2^0 -хоссасидан фойдаланиб ҳам исботлаш мумкин.

Келтирилган теорема комплекс сонлар кетма-кетлигининг лимитини ўрганишни ҳақиқий сонлар кетма-кетлигининг лимитини ўрганишга келтирилишини ифодалайди.

М и с о л. Ушбу

$$\{z_n\} = \left\{ \frac{3n+2}{4n+3} + i \frac{2n-5}{5n-1} \right\} \quad (n=1,2,\dots)$$

комплекс сонлар кетма-кетлигининг лимитини топинг.

Равшанки,

$$z_n = \frac{3n+2}{4n+3} + i \frac{2n-5}{5n-1} \quad (n=1,2,\dots)$$

комплекс соннинг ҳақиқий қисми

$$x_n = \frac{3n+2}{4n+3}, \quad (n=1,2,\dots)$$

мавхум қисми эса

$$y_n = \frac{2n-5}{5n-1}, \quad (n=1,2,\dots)$$

бўлади.

Агар

$$\lim_{n \rightarrow \infty} x_n = \lim_{n \rightarrow \infty} \frac{3n+2}{4n+3} = \frac{3}{4},$$

$$\lim_{n \rightarrow \infty} y_n = \lim_{n \rightarrow \infty} \frac{2n-5}{5n-1} = \frac{2}{5}$$

эканини эътиборга олсак, унда теоремага кўра берилган комплекс сонлар кетма-кетлигининг лимити $\frac{3}{4} + i\frac{2}{5}$ га тенг бўлишини топамиз:

$$\lim_{n \rightarrow \infty} z_n = \lim_{n \rightarrow \infty} \left(\frac{3n+2}{4n+3} + i \frac{2n-5}{5n-1} \right) = \frac{3}{4} + i \frac{2}{5}.$$

КОМПЛЕКС АРГУМЕНТЛИ ФУНКЦИЯЛАР. ГОЛОМОРФ ФУНКЦИЯЛАР

1-§. Комплекс аргументли функциялар, уларнинг лимити, узлуксизлиги

1⁰. Комплекс аргументли функция тушунчаси. Комплекс сонлар текислиги C да бирор E тўғлам берилган бўлсин: $E \subset C$.

1-таъриф. Агар E тўғламдаги ҳар бир z комплекс сонга бирор w қоида ёки қонунга кўра битта w комплекс сон мос қўйилган бўлса, E тўғламда функция берилган (аниқланган) деб аталади ва у

$$f: z \rightarrow w \text{ ёки } w = f(z)$$

каби белгиланади. Бунда E функциянинг аниқланиш тўғлами, z - эркин ўзгарувчи ёки функция аргументи, f эса z ўзгарувчининг функцияси дейилади.

Айтайлик,

$$w = f(z)$$

функция бирор E ($E \subset C$) тўғламда берилган бўлсин, яъни f қоидага кўра ҳар бир

$$z = x + iy \in E$$

комплекс сонга битта

$$w = u + iv \quad (u \in \mathbb{R}, v \in \mathbb{R})$$

комплекс сон мос қўйилган бўлсин. Демак,

$$w = u + iv = f(x + iy).$$

Кейинги тенгликдан

$$u = u(x, y), \quad v = v(x, y)$$

бўлиши келиб чиқади.

Демак, E тўғламда $w = f(z)$ функциянинг берилиши шу тўғламда x ва y ҳақиқий ўзгарувчиларнинг

$$u = u(x, y),$$

$$v = v(x, y)$$

функцияларининг берилишидек экан.

Одатда, $u = u(x, y)$ функция $f(z)$ функциянинг ҳақиқий қисми, $v = v(x, y)$ эса $f(z)$ нинг мавҳум қисми дейилади:

$$u(x, y) = \operatorname{Re} f(z),$$

$$v(x, y) = \operatorname{Im} f(z).$$

$$f(z) = \frac{z+3}{z+5}$$

функциянинг ҳақиқий ва мавҳум қисмларини топинг.

Берилган функцияда $z = x + iy$ эканини эътиборга олиб, уни

$$f(z) = u + iv$$

ифтихорда ёзиб, қуйидаги тенгликни топамиз:

$$u + iv = \frac{z+3}{z+5} = \frac{x+iy+3}{x+iy+5} = \frac{[(x+3)+iy][(x+5)-iy]}{(x+5)^2+y^2} =$$

$$= \frac{x^2+y^2+8x+15}{x^2+y^2+10x+25} + i \frac{2y}{x^2+y^2+10x+25}.$$

Демак,

$$u = u(x, y) = \frac{x^2+y^2+8x+15}{x^2+y^2+10x+25},$$

$$v = v(x, y) = \frac{2y}{x^2+y^2+10x+25}.$$

Эркин z ўзгарувчи E тўғламда ўзгарганда $w = f(z)$ функциянинг мос қийматларидан иборат тўғлам


$$F = \{f(z) = u + iv : z = x + iy \in E\}$$

бўлсин. Одатда, бу тўғлам функция қийматлари тўғлами дейилади.

Демак, E тўғламда ($E \subset C$)

$$w = f(z)$$

функциянинг берилиши Оху - комплекс текисликдаги E тўғламни (тўғлам нуқталарини) Оув - комплекс текисликдаги F тўғламга (тўғлам нуқталарига) акс эттиришдан иборат экан (10-чизма).



10-чизма

Шу сабабли $w = f(z)$ функцияни E тўғламнинг F тўғламга акслантириш деб ҳам юритилади.

Фараз қилайлик, $w = f(z)$ функция E тўғламда ($E \subset C$) берилган бўлиб,

$$F = \{f(z): z \in E\}$$

бўлсин. Сўнгра F тўғламда ($F \subset C$) ўз навбатида бирор

$$\zeta = \varphi(w)$$

функция берилган бўлсин. Натижада, E тўғламдан олинган ҳар бир z га F тўғламда битта w сон ($f: z \rightarrow w$) ва F тўғламдан олинган бундай w сонга битта ζ сон ($\varphi: w \rightarrow \zeta$) мос қўйилади:

$$z \xrightarrow{f} w \xrightarrow{\varphi} \zeta.$$

Демак, E тўғламдан олинган ҳар бир z га битта ζ сон ($\zeta \in C$) мос қўйилиб, $z \rightarrow \zeta$ функция ҳосил бўлади. Бундай функция мураккаб функция дейилади ва

$$\zeta = \varphi(f(z))$$

каби белгиланади.

$w = f(z)$ функция E тўғламда берилган бўлиб, F эса шу функция қийматларидан иборат тўғлам бўлсин: $F = \{f(z): z \in E\}$.

F тўғламдан олинган ҳар бир w сонга E тўғламда битта z сон мос қўйилишини ифодаловчи функция $w = f(z)$ функцияга нисбатан тескари функция дейилади ва

$$z = f^{-1}(w)$$

каби белгиланади.

Фараз қилайлик, $w = f(z)$ функция E тўғламда ($E \subset C$) берилган бўлсин.

2 - т а ь р и ф. Агар z аргументнинг E тўғламдан олинган турли қийматларида $f(z)$ функциянинг мос қийматлари ҳам турлича бўлса, бошқача айтганда $f(z_1) = f(z_2)$ тенгликдан $z_1 = z_2$ тенглик ($z_1, z_2 \in E$) келиб чиқса, $f(z)$ функция E тўғламда бир япроқли (ёки бир варақли) функция дейилади.

М и с о л. Ушбу

$$f(z) = \frac{1}{z-1}$$

функциянинг $E = \{z \in C: |z| < 1\}$ тўғламда бир япроқли бўлишини кўрсатинг.

Айтайлик, $z_1, z_2 \in E$ учун

$$f(z_1) = f(z_2),$$

яъни

$$\frac{1}{z_1-1} = \frac{1}{z_2-1}$$

Буни ил. Равшанки, кейинги тенгликдан

$$z_1-1 = z_2-1$$

яъни $z_1 = z_2$, бўлиши келиб чиқади. Демак,

$$f(z_1) = f(z_2) \Rightarrow z_1 = z_2 \quad (z_1, z_2 \in E)$$

Бу н а берилган функциянинг E да бир япроқли эканини билдиради.

3°. Ф у н к ц и я л и м и т и. Фараз қилайлик, $w = f(z)$ функция E ($E \subset C$) тўғламда берилган бўлиб, z_0 нукта E тўғламнинг лимит нуктаси бўлсин.

3 - т а ь р и ф. Агар $\forall \varepsilon > 0$ сон учун шундай $\delta = \delta(\varepsilon) > 0$ сон топилсаки, z аргументнинг $0 < |z - z_0| < \delta$ тенгсизликни қаноатлантирувчи барча $z \in E$ қийматларида

$$|f(z) - A| < \varepsilon$$

тенгсизлик бажарилса, A комплекс сон $f(z)$ функциянинг $z \rightarrow z_0$ даги лимити деб аталади ва

$$\lim_{z \rightarrow z_0} f(z) = A$$

каби белгиланади.

4 - т а ь р и ф. Агар $\forall M > 0$ сон учун шундай $\delta = \delta(M) > 0$ сон топилсаки, z аргументнинг $0 < |z - z_0| < \delta$ тенгсизликни қаноатлантирувчи барча $z \in E$ қийматларида

$$|f(z)| > M$$

тенгсизлик бажарилса, $z \rightarrow z_0$ даги $f(z)$ функциянинг лимити ∞ дейилади.

Айтайлик, $z = \infty$ нукта E тўғламнинг лимит нуктаси бўлсин.

5 - т а ь р и ф. Агар $\forall \varepsilon > 0$ сон учун шундай $p = p(\varepsilon) > 0$ сон топилсаки, z аргументнинг $|z| > p$ тенгсизликни қаноатлантирувчи барча $z \in E$ қийматларида

$$|f(z) - A| < \varepsilon$$

тенгсизлик бажарилса, A комплекс сон $f(z)$ функциянинг $z \rightarrow \infty$ даги лимити дейилади ва

$$\lim_{z \rightarrow \infty} f(z) = A$$

каби белгиланади.

Энди, z, z_0 ҳамда A комплекс сонларни

$$\begin{aligned} z &= x + iy, \\ z_0 &= x_0 + iy_0, \\ A &= \alpha + i\beta \end{aligned}$$

деб, сўнг

$$w = f(z) = u(x, y) + iv(x, y)$$

эканлигини эътиборга олиб, $z \rightarrow z_0$ да $f(z)$ функциянинг A лимитга эга бўлиши $x \rightarrow x_0$, $y \rightarrow y_0$ да $u(x, y)$ ҳамда $v(x, y)$ функцияларнинг мос равишда α ва β лимитларга эга бўлишига эквивалент эканлигини ифодаловчи теоремани келтираемиз.

1-теорема $w = f(z)$ функциянинг $z \rightarrow z_0$ да A лимитга,

$$\lim_{z \rightarrow z_0} f(z) = A$$

эга бўлиши учун

$$\lim_{\substack{x \rightarrow x_0 \\ y \rightarrow y_0}} u(x, y) = \alpha, \quad \lim_{\substack{x \rightarrow x_0 \\ y \rightarrow y_0}} v(x, y) = \beta$$

бўлиши зарур ва етарли.

Исбот. Зарурлиги. Айтайлик,

$$\lim_{z \rightarrow z_0} f(z) = A$$

бўлсин. Лимит таърифига биноан $\forall \epsilon > 0$ сон олинганда ҳам шундай $\delta = \delta(\epsilon) > 0$ сон топиладики, z аргументнинг $0 < |z - z_0| < \delta$ тенгсизликни қаноатлантирувчи барча $z \in E$ қийматларида

$$|f(z) - A| < \epsilon$$

тенгсизлик бажарилади.

Равшанки,

$$\begin{aligned} |z - z_0| &= \sqrt{(x - x_0)^2 + (y - y_0)^2} \\ f(z) - A &= [u(x, y) - \alpha] + i[v(x, y) - \beta] \end{aligned}$$

бўлиб,

$$|z - z_0| < \delta$$

бўлишидан

$$|x - x_0| < \delta, \quad |y - y_0| < \delta$$

бўлиши келиб чиқади.

Иккинчи томондан қуйидаги

$$|u(x, y) - \alpha| = |\operatorname{Re}(f(z) - A)| \leq |f(z) - A| < \epsilon,$$

$$|v(x, y) - \beta| = |\operatorname{Im}(f(z) - A)| \leq |f(z) - A| < \epsilon$$

тенгсизликлар ўринли бўлади. Демак, $\forall \epsilon > 0$ сон олинганда ҳам шундай $\delta = \delta(\epsilon) > 0$ сон топиладики, $|x - x_0| < \delta$, $|y - y_0| < \delta$ бўлганда

$$\begin{aligned} |u(x, y) - \alpha| &< \epsilon, \\ |v(x, y) - \beta| &< \epsilon. \end{aligned}$$

тенгсизликлар бажарилади. Бу эса

$$\lim_{\substack{x \rightarrow x_0 \\ y \rightarrow y_0}} u(x, y) = \alpha, \quad \lim_{\substack{x \rightarrow x_0 \\ y \rightarrow y_0}} v(x, y) = \beta$$

эканлигини билдиради.

Етарлилиги. Айтайлик,

$$\begin{aligned} \lim_{\substack{x \rightarrow x_0 \\ y \rightarrow y_0}} u(x, y) &= \alpha, \\ \lim_{\substack{x \rightarrow x_0 \\ y \rightarrow y_0}} v(x, y) &= \beta \end{aligned}$$

бўлсин. Лимит таърифига асосан, $\forall \epsilon > 0$ олинганда ҳам, $\frac{\epsilon}{\sqrt{2}}$ га кўра шундай $\delta_0 > 0$ сон топиладики,

$$|x - x_0| < \delta_0, \quad |y - y_0| < \delta_0$$

тенгсизликларни қаноатлантирувчи ихтиёрий x, y да

$$|u(x, y) - \alpha| < \frac{\epsilon}{\sqrt{2}},$$

шунингдек

$$|v(x, y) - \beta| < \frac{\epsilon}{\sqrt{2}}$$

тенгсизликлар бажарилади. Бу тенгсизликлардан фойдаланиб, топамиз:

$$\begin{aligned} |f(z) - A| &= |u(x, y) + iv(x, y) - (\alpha + i\beta)| = \\ &= |(u(x, y) - \alpha) + i(v(x, y) - \beta)| = \\ &= \sqrt{(u(x, y) - \alpha)^2 + (v(x, y) - \beta)^2} < \sqrt{\frac{\epsilon^2}{2} + \frac{\epsilon^2}{2}} = \epsilon. \end{aligned}$$

Демак,

$$\lim_{z \rightarrow z_0} f(z) = A.$$

Теорема исбот бўлди.

Мисол. Ушбу

$$\lim_{z \rightarrow 0} \frac{z \operatorname{Re} z}{|z|} \quad (z \neq 0)$$

лимитни ҳисобланг.

Авалло берилган $f(z) = \frac{z \operatorname{Re} z}{|z|}$ функциянинг ҳақиқий ва

маълум қисмларини топамиз:

$$\begin{aligned} f(z) &= \frac{z \operatorname{Re} z}{|z|} = \frac{(x+iy)x}{\sqrt{x^2+y^2}} = \\ &= \frac{x^2}{\sqrt{x^2+y^2}} + i \frac{xy}{\sqrt{x^2+y^2}}. \end{aligned}$$

Демак,

$$\operatorname{Re} f(z) = u(x, y) = \frac{x^2}{\sqrt{x^2+y^2}}.$$

$$\operatorname{Im} f(z) = v(x, y) = \frac{xy}{\sqrt{x^2+y^2}}.$$

Маълумки,

$$\lim_{\substack{x \rightarrow 0 \\ y \rightarrow 0}} u(x, y) = \lim_{\substack{x \rightarrow 0 \\ y \rightarrow 0}} \frac{x^2}{\sqrt{x^2+y^2}} = 0,$$

$$\lim_{\substack{x \rightarrow 0 \\ y \rightarrow 0}} v(x, y) = \lim_{\substack{x \rightarrow 0 \\ y \rightarrow 0}} \frac{xy}{\sqrt{x^2+y^2}} = 0.$$

Унда 1-теоремага мувофиқ

$$\lim_{z \rightarrow 0} f(z) = \lim_{z \rightarrow 0} \frac{z \operatorname{Re} z}{|z|} = 0.$$

бўлади.

Юқорида келтирилган теорема комплекс ўзгарувчи функциянинг лимитини ўрганишни ҳақиқий ўзгарувчи функциянинг лимитини ўрганишга келтирилишини ифодалайди. Маълумки, „Математик анализ“ курсида ҳақиқий ўзгарувчи функция лимити батафсил ўрганилган. Шуни эътиборга олиб, комплекс ўзгарувчи функция лимити ҳақидаги тасдиқларнинг айримларини келтириш билан кифояланамиз.

Айтайлик, $f(z)$ ҳамда $g(z)$ функциялар E тўламда ($E \subset C$) берилган бўлиб, z_0 нукта E тўламнинг лимит нуктаси бўлсин.

Агар

$$\lim_{z \rightarrow z_0} f(z) = A, \quad \lim_{z \rightarrow z_0} g(z) = B$$

Анда, у ҳолда

$$\lim_{z \rightarrow z_0} [f(z) \pm g(z)] = A \pm B,$$

$$\lim_{z \rightarrow z_0} [f(z) \cdot g(z)] = A \cdot B,$$

$$\lim_{z \rightarrow z_0} \frac{f(z)}{g(z)} = \frac{A}{B} \quad (B \neq 0)$$

бўлади.

3°. Функциянинг узлуксизлиги. Фараз қилайлик, $w = f(z)$ функция E тўламда ($E \subset C$) берилган бўлиб, z_0 нукта ($z_0 \in E$) шу E тўламнинг лимит нуктаси бўлсин.

6 - т а ъ р и ф. Агар $\forall \varepsilon > 0$ сон учун шундай $\delta = \delta(\varepsilon) > 0$ сон топилсаки, z аргументнинг $|z - z_0| < \delta$ тенгсизлигини қаноатлантирувчи барча $z \in E$ қийматларида

$$|f(z) - f(z_0)| < \varepsilon$$

тенгсизлик бажарилса, $f(z)$ функция z_0 нуктада узлуксиз деб аталади.

(Равшанки, бу ҳолда

$$\lim_{z \rightarrow z_0} f(z) = f(z_0)$$

бўлади).

Одатда, $z - z_0$ айирма функция аргументининг орттирмаси дейилади ва Δz каби белгиланади:

$$\Delta z = z - z_0.$$

Ушбу

$$f(z) - f(z_0)$$

айирма эса, функция орттирмаси дейилади. Уни Δf каби белгиланади:

$$\Delta f = f(z) - f(z_0).$$

Шу тушунчалардан фойдаланиб, функциянинг z_0 нуктада узлуксизлигини куйидагича ҳам таърифлаш мумкин.

7 - т а ъ р и ф. Агар $\Delta z \rightarrow 0$ да Δf ҳам нолга интилса,

$$\lim_{\Delta z \rightarrow 0} \Delta f = 0$$

$f(z)$ функция z_0 нуктада узлуксиз дейилади.

8 - т а ь р и ф. Агар $f(z)$ функция E тўламнинг ҳар бир нуқтасида узлуксиз бўлса, $f(z)$ функция E тўламда узлуксиз дейилади.

М и с о л. Ушбу

$$f(z) = \frac{1}{z} \quad (z \neq 0)$$

функциянинг ихтиёрий $z_0 \in C$ ($z_0 \neq 0$) нуқтада узлуксиз бўлиши-ни кўрсатинг.

$\forall z_0 \in C$ нуқтани ($z_0 \neq 0$) олайлик. Бу нуқтага Δz орттирма бериб, функция орттирмасини топамиз:

$$\Delta f = f(z_0 + \Delta z) - f(z_0) = \frac{1}{z_0 + \Delta z} - \frac{1}{z_0} = \frac{-\Delta z}{z_0(z_0 + \Delta z)}$$

Равшанки,

$$\lim_{\Delta z \rightarrow 0} \Delta f = \lim_{\Delta z \rightarrow 0} \frac{-\Delta z}{z_0(z_0 + \Delta z)} = 0.$$

Демак, берилган функция $\forall z_0 \in C$ нуқтада ($z_0 \neq 0$) узлуксиз бўлади.

Айтайлик, $w = f(z)$ функция $z_0 \in E$ нуқтада ($E \subset C$) узлуксиз бўлсин:

$$\lim_{z \rightarrow z_0} f(z) = f(z_0)$$

Сўнг

$$z = x + iy,$$

$$z_0 = x_0 + iy_0,$$

$$f(z) = u(x, y) + iv(x, y)$$

дейлик.

Ушбу параграфда келтирилган 1-теоремага кўра

$$\lim_{z \rightarrow z_0} f(z) = f(z_0)$$

муносабат

$$\lim_{\substack{x \rightarrow x_0 \\ y \rightarrow y_0}} u(x, y) = u(x_0, y_0),$$

$$\lim_{\substack{x \rightarrow x_0 \\ y \rightarrow y_0}} v(x, y) = v(x_0, y_0)$$

муносабатларга эквивалент бўлади. Бундан эса қуйидаги теорема келиб чиқади.

Теорема. $w = f(z)$ функциянинг z_0 нуқтада узлуксиз бўлиши учун

$$\operatorname{Re} f(z) = u(x, y),$$

$$\operatorname{Im} f(z) = v(x, y)$$

функцияларнинг (x_0, y_0) нуқтада узлуксиз бўлиши зарур ва лозим.

Демак, комплекс ўзгарувчи $f(z)$ функциянинг z_0 нуқтада узлуксиз бўлиши, иккита ҳақиқий ўзгарувчи

$$\operatorname{Re} f(z) = u(x, y), \operatorname{Im} f(z) = v(x, y)$$

функцияларнинг (x_0, y_0) нуқтада узлуксиз бўлишига эквивалент булар экан. Бундан, ҳақиқий ўзгарувчи узлуксиз функциялар ҳақидаги тасдиқлар комплекс ўзгарувчи узлуксиз функцияларда ҳам ўринли бўлиши келиб чиқади. Жумладан қуйидаги тасдиқлар ўринлидир:

1) Агар $f(z)$ ҳамда $g(z)$ функциялар z_0 нуқтада узлуксиз бўлса,

$$f(z) \pm g(z), f(z) \cdot g(z), \frac{f(z)}{g(z)} \quad (g(z) \neq 0)$$

функциялар ҳам z_0 нуқтада узлуксиз бўлади.

2) Агар $f(z)$ функция ёпиқ \bar{D} тўламда узлуксиз бўлса, функция \bar{D} да чегараланган бўлади, яъни шундай ўзгармас M ($M \neq \infty$) сон мавжудки, $\forall z \in \bar{D}$ учун

$$|f(z)| \leq M$$

бўлади.

3) Агар $f(z)$ функция ёпиқ \bar{D} тўламда узлуксиз бўлса, функция модули \bar{D} да ўзининг аниқ юқори ҳамда аниқ қуйи чегараларига эришади, яъни шундай $z_1, z_2 \in \bar{D}$ нуқталар топиладики, $z \in \bar{D}$ учун

$$|f(z)| \leq |f(z_1)|,$$

$$|f(z)| \geq |f(z_2)|.$$

бўлади.

4) Агар $f(z)$ функция z_0 нуқтада узлуксиз бўлса, $|f(z)|$ функция ҳам шу z_0 нуқтада узлуксиз бўлади.

Бу тасдиқнинг исботи қуйидаги

$$\|f(z) - f(z_0)\| \leq |f(z) - f(z_0)|.$$

тенгсизликдан келиб чиқади.

$w = f(z)$ функция E тўғламда ($E \subset C$) берилган бўлсин.

9 - т а ь р и ф. Агар $\forall \varepsilon > 0$ сон учун шундай $\delta = \delta(\varepsilon) > 0$ сон топилсаки, E тўғламнинг $|z' - z''| < \delta$ тенгсизликни қаноатлантирувчи ихтиёрий z' ва z'' ($z', z'' \in E$) нуқталарда

$$|f(z') - f(z'')| < \varepsilon$$

тенгсизлик бажарилса, $f(z)$ функция E тўғламда текис узлуксиз дейилади.

3 - теор ма (Кантор теоремаси). Агар $f(z)$ функция чегараланган ёпиқ тўғламда узлуксиз бўлса, функция шу тўғламда текис узлуксиз бўлади.

И с б о т. Айтайлик,

$$f(z) = u(x, y) + iv(x, y)$$

функция чегараланган ёпиқ E тўғламда ($E \subset C$) узлуксиз бўлсин. 2-теоремага кўра ҳақиқий ўзгарувчи $u(x, y)$ ва $v(x, y)$ функциялар ҳам шу E тўғламда узлуксиз бўлади. Айти пайтда бу функциялар E да текис узлуксиз ҳам бўлади.

Унда $\forall \varepsilon > 0$ сон учун шундай $\delta = \delta(\varepsilon) > 0$ сон топиладики, ушбу

$$\sqrt{(x' - x'')^2 + (y' - y'')^2} < \delta \quad (1)$$

тенгсизликни қаноатлантирувчи ихтиёрий $(x', y') \in E$, $(x'', y'') \in E$ нуқталарда

$$\begin{aligned} |u(x', y') - u(x'', y'')| &< \frac{\varepsilon}{\sqrt{2}}, \\ |v(x', y') - v(x'', y'')| &< \frac{\varepsilon}{\sqrt{2}} \end{aligned} \quad (2)$$

тенгсизликлар бажарилади.

Агар $z' = x' + iy'$, $z'' = x'' + iy''$ дейилса, унда (1) ва (2) муносабатлардан фойдаланиб

$$|z' - z''| = \sqrt{(x' - x'')^2 + (y' - y'')^2} < \delta,$$

$$\begin{aligned} |f(z') - f(z'')| &= \sqrt{[u(x', y') - u(x'', y'')]^2 + [v(x', y') - v(x'', y'')]^2} < \\ &< \sqrt{\frac{\varepsilon^2}{2} + \frac{\varepsilon^2}{2}} = \varepsilon \end{aligned}$$

бўлишини топамиз.

Шундай қилиб, $\forall \varepsilon > 0$ сон учун шундай $\delta = \delta(\varepsilon) > 0$ сон топиладики, E тўғламнинг $|z' - z''| < \delta$ тенгсизликни қаноатлантирадиган ихтиёрий z', z'' ($z', z'' \in E$) нуқталарида

$$|f(z') - f(z'')| < \varepsilon$$

тенгсизлик бажарилар экан. Бу эса $f(z)$ функциянинг E да текис узлуксиз бўлишини билдиради. Теорема исбот бўлди.

2-§. Функциянинг дифференциалланувчилиги. Коши-Риман шартлари

$w = f(z)$ функция E тўғламда ($E \subset C$) берилган бўлсин. Бу E тўғламдан z_0 нуқтани олиб унга шундай Δz орттирма берайликки, $z_0 + \Delta z \in E$ бўлсин. Натижада $f(z)$ функция ҳам z_0 нуқтада

$$\Delta w = \Delta f(z_0) = f(z_0 + \Delta z) - f(z_0)$$

орттирмага эга бўлади.

10 - т а ь р и ф. Агар $\Delta z \rightarrow 0$ да $\frac{\Delta w}{\Delta z}$ нисбатнинг limiti

$$\lim_{\Delta z \rightarrow 0} \frac{\Delta w}{\Delta z} = \lim_{\Delta z \rightarrow 0} \frac{f(z_0 + \Delta z) - f(z_0)}{\Delta z}$$

мавжуд ва чекли бўлса, бу лимит комплекс ўзгарувчи $f(z)$ функциянинг z_0 нуқтадаги ҳосиласи деб аталади ва $f'(z_0)$ каби белгиланади:

$$f'(z_0) = \lim_{\Delta z \rightarrow 0} \frac{f(z_0 + \Delta z) - f(z_0)}{\Delta z}$$

М и с о л. Ушбу

$$f(z) = z^2$$

функциянинг $\forall z_0 \in C$ нуқтада ҳосиласини топинг.

z_0 нуқтага Δz орттирма бериб, шу нуқтадаги функция орттирмасини ҳисоблаймиз:

$$\begin{aligned} \Delta f(z_0) &= f(z_0 + \Delta z) - f(z_0) = (z_0 + \Delta z)^2 - z_0^2 = \\ &= 2z_0 \cdot \Delta z + (\Delta z)^2. \end{aligned}$$

Унда

$$\frac{\Delta f(z_0)}{\Delta z} = 2z_0 + \Delta z$$

бўлиб,

$$\lim_{\Delta z \rightarrow 0} \frac{\Delta f(z_0)}{\Delta z} = 2z_0$$

бўлади. Демак, $f'(z_0) = 2z_0$.

11 - т а ь р и ф. Агар $f(z)$ функция $z_0 \in E$ нуктада $f'(z_0)$ ҳосилага эга бўлса, функция z_0 нуктада дифференциалланувчи дейилади.

Агар $f(z)$ функция E тўламнинг ҳар бир нуктасида дифференциалланувчи бўлса, функция E тўламда дифференциалланувчи дейилади.

Айтайлик, $f(z)$ функция z_0 нуктада $f'(z_0)$ ҳосилага эга бўлсин. Унда, равшанки,

$$\lim_{\Delta z \rightarrow 0} \frac{\Delta f(z_0)}{\Delta z} = f'(z_0)$$

бўлиб,

$$\Delta f(z_0) = f'(z_0)\Delta z + \alpha(z_0, \Delta z) \cdot \Delta z$$

бўлади. Бу ерда $\Delta z \rightarrow 0$ да $\alpha(z_0, \Delta z)$ ҳам нолга интилади:

$\alpha(z_0, \Delta z) \rightarrow 0$. Натижада қуйидаги тасдиққа келамиз.

4 - т е о р е м а. $f(z)$ функциянинг $z_0 \in E$ нуктада дифференциалланувчи бўлиши учун унинг орттирмаси $\Delta f(z_0)$ ни ушбу

$$\Delta f(z_0) = A\Delta z + \alpha(z_0, \Delta z) \cdot \Delta z$$

кўринишда ифодаланиши зарур ва етарли. Бунда A миқдор Δz ҳамда $\alpha(z_0, \Delta z)$ ларга боғлиқ бўлмаган миқдордир.

Биз юқорида комплекс ўзгарувчи функциянинг ҳосиласи ҳамда дифференциалланувчи бўлиши тушунчаларининг киритилиши ҳақиқий ўзгарувчи функциянинг ҳосиласи ҳамда дифференциалланувчи бўлиши тушунчаларининг киритилиши каби эканини кўрдик. Демак, комплекс ўзгарувчи функцияларнинг ҳосилаларини ҳисоблашда ҳақиқий ўзгарувчи функциянинг ҳосилаларини ҳисоблашдаги маълум қоида ва жадваллардан фойдаланиш мумкин.

Баъзи қоидаларни келтирамиз:

1) Агар $f(z) = c - \text{const}$ бўлса, $f'(z) = 0$ бўлади,

2) $(k \cdot f(z))' = k \cdot f'(z)$, $k = \text{const}$

3) $(f(z) \pm g(z))' = f'(z) \pm g'(z)$,

4) $(f(z) \cdot g(z))' = f'(z)g(z) + f(z)g'(z)$,

$$1) \left(\frac{f(z)}{g(z)} \right)' = \frac{f'(z)g(z) - f(z)g'(z)}{g^2(z)}, \quad g(z) \neq 0$$

6) Агар $w = f(z)$, $F = \varphi(w)$ бўлиб, $F = \varphi(f(z))$ бўлса, у нуктада

$$(\varphi(f(z)))' = \varphi'(w) \cdot f'(z)$$

бўлади.

1) Агар $w = f(z)$ ва $z = f^{-1}(w)$ бўлса,

$$(f^{-1}(w))' = \frac{1}{f'(z)}, \quad (f'(z) \neq 0)$$

бўлади.

Ҳарчи комплекс ҳамда ҳақиқий ўзгарувчи функциялар ҳосилалари тушунчаларининг киритилиши бир ҳил бўлса ҳам, комплекс ўзгарувчи функциянинг ҳосилага эга бўлсин дейилиши (бинобарин, дифференциалланувчи бўлсин дейилиши) талаби анча оғир талаб ҳисобланади. Битта содда мисол қарайлик.

Ушбу

$$f(z) = x$$

функцияни олайлик. Агар бу функцияни ҳақиқий ўқда жойлашган E тўламда ($E \subset \mathbb{R}$) қаралса, равшанки, у ҳосилага эга

бўлиб, $f'(z) = 1$ бўлади.

Энди $f(z) = x$ функцияни комплекс текислик C да қарайлик. Равшанки, бу функция учун

$$\frac{f(z) - f(z_0)}{z - z_0} = \frac{x - x_0}{(x - x_0) + i(y - y_0)}$$

бўлади. Бу нисбат $z \rightarrow z_0$ да лимитга эга эмас, чунки, $x = x_0$, $y \neq y_0$ да нисбат 0 га тенг, $x \neq x_0$, $y = y_0$ да эса 1 га тенг. Демак, $f(z) = x$ функция дифференциалланувчи эмас.

Фараз қилайлик,

$$f(z) = u(x, y) + iv(x, y)$$

функция бирор D соҳада ($D \subset C$) берилган бўлиб,

$z_0 = x_0 + iy_0 \in D$ бўлсин.

12 - т а ь р и ф. Агар ҳақиқий ўзгарувчи $u(x, y)$ ва $v(x, y)$ функциялар (x_0, y_0) нуктада $((x_0, y_0) \in \mathbb{R}^2)$ дифференциалланувчи бўлса, $f(z)$ функция z_0 нуктада ҳақиқий анализ маъносида (қисқача \mathbb{R}^2 маънода) дифференциалланувчи дейилади.

Масалан,

$$f(z) = |z|^2 + i(\operatorname{Re} z \cdot \operatorname{Im} z)^2 \quad (z = x + iy)$$

функция ихтиёрий $z \in \mathbb{C}$ нуктада \mathbb{R}^2 маънода дифференциалланувчи бўлади, чунки

$$u(x, y) = |z|^2 = x^2 + y^2,$$

$$v(x, y) = [\operatorname{Re} z \cdot \operatorname{Im} z]^2 = (x \cdot y)^2$$

бўлиб, бу функциялар ихтиёрий $(x, y) \in \mathbb{R}^2$ нуктада дифференциалланувчи (уларнинг барча хусусий ҳосилалари мавжуд ва узлуксиз).

Ушбу

$$f(z) = \sqrt[3]{\operatorname{Re} z \cdot \operatorname{Im} z} \quad (z = x + iy)$$

функция $z=0$ нуктада \mathbb{R}^2 маънода дифференциалланувчи эмас, чунки

$$u(x, y) = \sqrt[3]{xy},$$

$$v(x, y) = 0$$

бўлиб, $u(x, y)$ функция $(0, 0) \in \mathbb{R}^2$ нуктада дифференциалланувчи эмас.

5-теорема. $f(z)$ функциянинг z_0 нуктада $f'(z_0)$ ҳосиллага эга бўлиши учун

- 1) $f(z)$ нинг z_0 нуктада ҳақиқий анализ маъносида (\mathbb{R}^2 маънода) дифференциалланувчи бўлиши ва
- 2) ушбу

$$\frac{\partial u}{\partial x} = \frac{\partial v}{\partial y}, \quad \frac{\partial u}{\partial y} = -\frac{\partial v}{\partial x} \quad (3)$$

тенгликларнинг бажарилиши зарур ва етарли.

Исбот. Зарурлиги. $f(z)$ функция z_0 нуктада ($z_0 \in D$) $f'(z_0)$ ҳосиллага эга бўлсин. Ҳосила таърифига кўра

$$\lim_{\Delta z \rightarrow 0} \frac{\Delta f(z_0)}{\Delta z} = f'(z_0),$$

яъни

$$\Delta f(z_0) = f'(z_0) \cdot \Delta z + \alpha \Delta z \quad (4)$$

бўлади. Бу ерда

$$\begin{aligned} \Delta z = z - z_0 &= (x + iy) - (x_0 + iy_0) = (x - x_0) + i(y - y_0) = \\ &= \Delta x + i\Delta y, \end{aligned}$$

$$\begin{aligned} \Delta f(z_0) &= f(z) - f(z_0) = [u(x, y) + iv(x, y)] - \\ &- [u(x_0, y_0) + iv(x_0, y_0)] = [u(x, y) - u(x_0, y_0)] + \\ &+ i[v(x, y) - v(x_0, y_0)] = \Delta u + i\Delta v \end{aligned}$$

бўлиб, α эса Δx ва Δy ларга боғлиқ ва улар нолга интилганда нолга интилади:

$$\lim_{\Delta x \rightarrow 0, \Delta y \rightarrow 0} \alpha = 0.$$

Энди $f'(z_0)$ ҳамда α ларни

$$f'(z_0) = a + ib, \quad \alpha = \alpha_1 + i\alpha_2 \quad \left(\lim_{\substack{\Delta x \rightarrow 0 \\ \Delta y \rightarrow 0}} \alpha_1 = \lim_{\Delta x \rightarrow 0} \alpha_1 = \lim_{\Delta y \rightarrow 0} \alpha_1 = 0 \right)$$

деб, (4) тенгликни қуйидагича ёзамиз:

$$\Delta u + i\Delta v = (a + ib)(\Delta x + i\Delta y) + (\alpha_1 + i\alpha_2)(\Delta x + i\Delta y).$$

Бу тенгликдан, ҳақиқий ҳамда мавҳум қисмларини тенглаб топамиз:

$$\Delta u = a\Delta x - b\Delta y + \alpha_1\Delta x - \alpha_2\Delta y,$$

$$\Delta v = b\Delta x + a\Delta y + \alpha_2\Delta x + \alpha_1\Delta y \quad (5)$$

Демак, $u(x, y)$ ва $v(x, y)$ функциялар (x_0, y_0) нуктада дифференциалланувчи. Айни пайтда $f(z)$ функция z_0 нуктада \mathbb{R}^2 маънода дифференциалланувчи бўлади.

Модомики, $f(z)$ функция z_0 нуктада $f'(z_0)$ ҳосиллага эга экан, унда $\Delta z \rightarrow 0$, жумладан $\Delta z = \Delta x \rightarrow 0$ ($\Delta y = 0$),

$\Delta z = \Delta y \rightarrow 0$ ($\Delta x = 0$) бўлганда ҳам

$$\frac{\Delta f(z_0)}{\Delta z}$$

нисбатнинг лимити ҳар доим $f'(z_0)$ га тенг бўлаверади. (5) тенгликлар $\Delta z = \Delta x$ ($\Delta y = 0$) бўлганда

$$\Delta u = a\Delta x + \alpha_1\Delta x$$

$$\Delta v = b\Delta x + \alpha_2\Delta x, \quad (6)$$

$\Delta z = \Delta y$ ($\Delta x = 0$) бўлганда эса

$$\Delta u = -b\Delta y - \alpha_2\Delta y$$

$$\Delta v = a\Delta y + \alpha_1\Delta y \quad (7)$$

тенгликларга келади.

(6) муносабатлардан

$$\frac{\partial u}{\partial x} = a, \quad \frac{\partial v}{\partial x} = b,$$

(7) муносабатлардан эса

$$\frac{\partial u}{\partial y} = -b, \quad \frac{\partial v}{\partial y} = a$$

бўлишини топамиз. Бу тенгликлардан

$$\frac{\partial u}{\partial x} = \frac{\partial v}{\partial y}, \quad \frac{\partial u}{\partial y} = -\frac{\partial v}{\partial x}$$

бўлиши келиб чиқади.

Етарлилиги. Айтайлик $f(z)$ функция z_0 нуқтада \mathbb{R}^2 маънода дифференциалланувчи бўлиб, теоремада келтирилган иккинчи шарт бажарилсин. $u(x, y)$ ва $v(x, y)$ функциялар (x_0, y_0) нуқтада дифференциалланувчи бўлгани учун

$$\Delta u = \frac{\partial u}{\partial x} \Delta x + \frac{\partial u}{\partial y} \Delta y + \alpha_1 \Delta x + \alpha_2 \Delta y,$$

$$\Delta v = \frac{\partial v}{\partial x} \Delta x + \frac{\partial v}{\partial y} \Delta y + \beta_1 \Delta x + \beta_2 \Delta y.$$

бўлади. Бу ерда $\Delta x \rightarrow 0$, $\Delta y \rightarrow 0$ да $\alpha_1, \alpha_2, \beta_1, \beta_2$ ларнинг ҳар бири нолга интилади. У ҳолда

$$\begin{aligned} \Delta f(z_0) = \Delta u + i \Delta v &= \frac{\partial u}{\partial x} \Delta x + \frac{\partial u}{\partial y} \Delta y + \alpha_1 \Delta x + \\ &+ \alpha_2 \Delta y + i \left[\frac{\partial v}{\partial x} \Delta x + \frac{\partial v}{\partial y} \Delta y + \beta_1 \Delta x + \beta_2 \Delta y \right]. \end{aligned}$$

бўлади. Теореманинг иккинчи шarti

$$\frac{\partial u}{\partial x} = \frac{\partial v}{\partial y}, \quad \frac{\partial u}{\partial y} = -\frac{\partial v}{\partial x}$$

дан фойдаланиб топамиз:

$$\begin{aligned} \Delta f(z_0) &= \frac{\partial u}{\partial x} (\Delta x + i \Delta y) - i \frac{\partial u}{\partial y} (\Delta x + i \Delta y) + \\ &+ (\alpha_1 + i \beta_1) \Delta x + (\alpha_2 + i \beta_2) \Delta y = \left(\frac{\partial u}{\partial x} - i \frac{\partial u}{\partial y} \right) \Delta z + \\ &+ \left[(\alpha_1 + i \beta_1) \frac{\Delta x}{\Delta z} + (\alpha_2 + i \beta_2) \frac{\Delta y}{\Delta z} \right] \cdot \Delta z \end{aligned}$$

Бу тенгликдан эса

$$\frac{\Delta f(z_0)}{\Delta z} = \frac{\partial u}{\partial x} - i \frac{\partial u}{\partial y} + (\alpha_1 + i \beta_1) \frac{\Delta x}{\Delta z} + (\alpha_2 + i \beta_2) \frac{\Delta y}{\Delta z}, \quad (8)$$

булиши келиб чиқади.

Кейинги тенгликдаги

$$(\alpha_1 + i \beta_1) \frac{\Delta x}{\Delta z} + (\alpha_2 + i \beta_2) \frac{\Delta y}{\Delta z}$$

ифода учун

$$\begin{aligned} \left| (\alpha_1 + i \beta_1) \frac{\Delta x}{\Delta z} + (\alpha_2 + i \beta_2) \frac{\Delta y}{\Delta z} \right| &\leq |\alpha_1 + i \beta_1| \cdot \left| \frac{\Delta x}{\Delta z} \right| + \\ &+ |\alpha_2 + i \beta_2| \cdot \left| \frac{\Delta y}{\Delta z} \right| \leq |\alpha_1 + i \beta_1| + |\alpha_2 + i \beta_2| \leq \\ &\leq |\alpha_1| + |\beta_1| + |\alpha_2| + |\beta_2| < \varepsilon \end{aligned}$$

бўлади, чунки $\Delta z \rightarrow 0$ да яъни $\Delta x \rightarrow 0$, $\Delta y \rightarrow 0$ да

$$\alpha_1 \rightarrow 0, \quad \beta_1 \rightarrow 0, \quad \alpha_2 \rightarrow 0, \quad \beta_2 \rightarrow 0$$

Шуни эътиборга олиб, $\Delta z \rightarrow 0$ да (8) тенгликда лимитга ўтиб

$$\lim_{\Delta z \rightarrow 0} \frac{\Delta f(z_0)}{\Delta z} = \frac{\partial u}{\partial x} - i \frac{\partial u}{\partial y}$$

бўлишини топамиз. Демак, $f(z)$ функция z_0 нуқтада $f'(z_0)$ ҳосиллага эга ва

$$f'(z_0) = \frac{\partial u}{\partial x} - i \frac{\partial u}{\partial y}$$

бўлади. Теорема исбот бўлди.

Теоремада келтирилган (3) шартлар Коши-Риман шартлари дейилади.

Э с л а т м а. Юқорида келтирилган теорема $f(z)$ функция ҳосиласининг мавжудлигини тасдиқлабгина қолмасдан, уни ҳисоблаш йўлини кўрсатади:

$$f'(z_0) = \frac{\partial u}{\partial x} + i \frac{\partial v}{\partial x} = \frac{\partial v}{\partial y} - i \frac{\partial u}{\partial y} = \frac{\partial u}{\partial x} - i \frac{\partial u}{\partial y} = \frac{\partial v}{\partial y} - i \frac{\partial v}{\partial x}$$

Мисол. Ушбу

$$f(z) = z^2$$

функция ихтиёрый $z \in \mathbb{C}$ нуқтада ҳосиллага эга бўладими?

Берилган функцияни қуйидагича ёзиб оламиз:

$$f(z) = (x + iy)^2 = (x^2 - y^2) + i2xy.$$

Бундан

$$\operatorname{Re}f(z) = u(x, y) = x^2 - y^2, \quad \operatorname{Im}f(z) = v(x, y) = 2xy$$

бўлишини топамиз.

$$\text{Равшанки, } u(x, y) = x^2 - y^2, \quad v(x, y) = 2xy$$

функциялар $\forall (x, y) \in \mathbb{R}^2$ нуқтада дифференциалланувчи.

Иккинчи томондан

$$\frac{\partial u}{\partial x} = 2x, \quad \frac{\partial u}{\partial y} = -2y,$$

$$\frac{\partial v}{\partial x} = 2y, \quad \frac{\partial v}{\partial y} = 2x$$

бўлиб,

$$\frac{\partial u}{\partial x} = \frac{\partial v}{\partial y}, \quad \frac{\partial u}{\partial y} = -\frac{\partial v}{\partial x}$$

бўлади. Демак, $u(x, y)$ ва $v(x, y)$ функциялар учун Коши-Риман шартлари бажарилади. Келтирилган теоремага кўра $f(z) = z^2$ функция $\forall z \in \mathbb{C}$ нуқтада ҳосилага эга бўлади.

Фараз қилайлик, $f(z)$ функция ($f(z) = u(x, y) + iv(x, y)$)

$z_0 = x_0 + iy_0 \in D$ ($D \subset \mathbb{C}$) нуқтада \mathbb{R}^2 маънода дифференциалланувчи бўлсин. Ушбу

$$du(x_0, y_0) + idv(x_0, y_0)$$

ифода $f(z)$ функциянинг z_0 нуқтадаги дифференциали дейилади ва $df(z_0)$ каби белгиланади:

$$df(z_0) = du(x_0, y_0) + idv(x_0, y_0).$$

Равшанки,

$$du = \frac{\partial u}{\partial x} dx + \frac{\partial u}{\partial y} dy,$$

$$dv = \frac{\partial v}{\partial x} dx + \frac{\partial v}{\partial y} dy.$$

Шуни эътиборга олиб топамиз:

$$\begin{aligned} df &= \left[\frac{\partial u}{\partial x} dx + \frac{\partial u}{\partial y} dy \right] + i \left[\frac{\partial v}{\partial x} dx + \frac{\partial v}{\partial y} dy \right] = \\ &= \left(\frac{\partial u}{\partial x} + i \frac{\partial v}{\partial x} \right) dx + \left(\frac{\partial u}{\partial y} + i \frac{\partial v}{\partial y} \right) dy = \\ &= \frac{\partial f}{\partial x} dx + \frac{\partial f}{\partial y} dy. \end{aligned}$$

Демак,

$$df = \frac{\partial f}{\partial x} dx + \frac{\partial f}{\partial y} dy \quad (9)$$

Қуйидаги

$$z = x + iy, \quad \bar{z} = x - iy$$

узгарувчиларни олайлик. Равшанки,

$$dz = dx + idy,$$

$$d\bar{z} = dx - idy.$$

Бу тенгликлардан

$$dx = \frac{1}{2}(dz + d\bar{z}), \quad dy = \frac{1}{2i}(dz - d\bar{z}) \quad (10)$$

бўлишини топамиз.

(9) ва (10) тенгликлардан

$$\begin{aligned} df &= \frac{\partial f}{\partial x} dx + \frac{\partial f}{\partial y} dy = \frac{\partial f}{\partial x} \cdot \frac{1}{2}(dz + d\bar{z}) + \\ &+ \frac{\partial f}{\partial y} \cdot \frac{1}{2i}(dz - d\bar{z}) = \frac{1}{2} \left(\frac{\partial f}{\partial x} - i \frac{\partial f}{\partial y} \right) dz + \\ &+ \frac{1}{2} \left(\frac{\partial f}{\partial x} + i \frac{\partial f}{\partial y} \right) d\bar{z}. \end{aligned}$$

бўлиши келиб чиқади.

Агар

$$\frac{\partial f}{\partial z} = \frac{1}{2} \left(\frac{\partial f}{\partial x} - i \frac{\partial f}{\partial y} \right) = \frac{1}{2} \left(\frac{\partial u}{\partial x} + \frac{\partial v}{\partial y} \right) + \frac{i}{2} \left(\frac{\partial v}{\partial x} - \frac{\partial u}{\partial y} \right)$$

$$\frac{\partial f}{\partial \bar{z}} = \frac{1}{2} \left(\frac{\partial f}{\partial x} + i \frac{\partial f}{\partial y} \right) = \frac{1}{2} \left(\frac{\partial u}{\partial x} - \frac{\partial v}{\partial y} \right) + \frac{1}{2} \left(\frac{\partial v}{\partial x} + \frac{\partial u}{\partial y} \right) \quad (11)$$

қурилишда белгиланса унда $f(z)$ функция дифференциали учун ушбу

$$df = \frac{\partial f}{\partial z} dz + \frac{\partial f}{\partial \bar{z}} d\bar{z}$$

тенгликка келамиз.

Айтайлик, $u(x, y)$ ва $v(x, y)$ функциялар бирор нуқтада Коши-Риман шартларини бажарсин:

$$\frac{\partial u}{\partial x} = \frac{\partial v}{\partial y}, \quad \frac{\partial u}{\partial y} = -\frac{\partial v}{\partial x}$$

Унда (11) тенгликка кўра шу нуқтада

$$\frac{\partial f}{\partial \bar{z}} = 0$$

Аксинча, $f(z)$ функция учун бирор нуқтада

$$\frac{\partial f}{\partial z} = 0$$

бўлсин. Равшанки, (11) тенгликка кўра шу нуқтада

$$\frac{\partial u}{\partial x} = \frac{\partial v}{\partial y}, \quad \frac{\partial u}{\partial y} = -\frac{\partial v}{\partial x}$$

бўлади, яъни Коши-Риман шартлари бажарилади.

Демак, бирор нуқтада Коши-Риман шартларининг бажарилиши шу нуқтада

$$\frac{\partial f}{\partial z} = 0$$

тенгликнинг ўринли бўлишига эквивалент экан. Бу ҳол юқорида келтирилган 5 - теоремани қуйидагича ифодалаш мумкинлигини кўрсатади.

6 - т е о р е м а. $f(z)$ функциянинг z_0 нуқтада $f'(z_0)$ ҳосилага эга бўлиши учун

1) $f(z)$ нинг z_0 нуқтада ҳақиқий анализ маъносида

(\mathbb{R}^2 маънода) дифференциаланувчи бўлиши ва
2) шу нуқтада ушбу

$$\frac{\partial f}{\partial z} = 0$$

тенгликнинг бажарилиши зарур ва етарли.

Агар $w = f(z)$ функция z_0 нуқтада ҳосилага эга бўлса, шу нуқтада $\frac{\partial f}{\partial z} = 0$ бўлиб, функциянинг ҳосиласи

$$f'(z_0) = \frac{\partial f}{\partial z},$$

дифференциали эса

$$df = \frac{\partial f}{\partial z} dz = f'(z_0) dz$$

кўринишда бўлади.

Комплекс анализда ҳосилага эга бўлган функциялар C -дифференциаланувчи функциялар дейилади.

Кўп ҳолларда $f(z) = u(x, y) + iv(x, y)$ функциянинг дифференциаланувчи бўлиши шартларини кутб координаталарида ифодалаш лозим бўлади.

Равшанки, кутб координаталарида

$$x = \rho \cos \varphi, \quad y = \rho \sin \varphi$$

$$|z| = \rho, \quad \arg z = \varphi \quad (0 < \rho < +\infty, 0 \leq \varphi \leq 2\pi)$$

бўлади.

7 - т е о р е м а. $f(z)$ функциянинг z_0 нуқтада $f'(z_0)$ ҳосилага эга бўлиши учун

1) u ва v функцияларнинг ρ ва φ ўзгарувчиларнинг функцияси сифатида z_0 нуқтада дифференциаланувчи бўлиши ва

2) ушбу

$$\frac{\partial u}{\partial \rho} = \frac{1}{\rho} \frac{\partial v}{\partial \varphi}, \quad \frac{\partial v}{\partial \rho} = -\frac{1}{\rho} \frac{\partial u}{\partial \varphi}$$

тенгликларнинг бажарилиши зарур ва етарли.

Фараз қилайлик, $w = f(z)$ функция бирор D соҳада ($D \subset C$) берилган бўлсин.

13-т а ь р и ф. Агар $f(z)$ функция z_0 ($z_0 \in D$) нуқтанинг бирор $U(z_0, \varepsilon)$ атрофида ($U(z_0, \varepsilon) \subset D$) C -дифференциаланувчи бўлса, $f(z)$ нуқтада голоморф (ёки аналитик) деб аталади.

14-т а ь р и ф. Агар $f(z)$ функция D соҳанинг ҳар бир нуқтасида голоморф бўлса, функция D соҳада голоморф дейилади.

Одатда D соҳада голоморф бўлган функциялар синфи $V(D)$ каби белгиланади.

15-т а ь р и ф. Агар $g(z) = f\left(\frac{1}{z}\right)$ функция $z=0$ нуқтада голоморф бўлса, $f(z)$ функция « ∞ » нуқтада голоморф дейилади.

16-т а ь р и ф. Агар $\overline{f(z)}$ функция z_0 ($z_0 \in D$) нуқтада голоморф бўлса, $f(z)$ функция z_0 нуқтада антиголоморф дейилади.

Айтайлик, \mathbb{R}^2 фазодаги E соҳада ($E \subset \mathbb{R}^2$) $F = F(x, y)$ функция берилган бўлиб, у шу соҳада иккинчи тартибли узлуксиз хусусий ҳосилаларга

$$\frac{\partial^2 F(x, y)}{\partial x^2}, \quad \frac{\partial^2 F(x, y)}{\partial y^2}$$

эга бўлсин.

17-т а ь р и ф. Агар E соҳанинг ҳар бир нуқтасида

$$\frac{\partial^2 F}{\partial x^2} + \frac{\partial^2 F}{\partial y^2} = 0 \quad (12)$$

тенглик бажарилса, $F(x, y)$ функция E соҳада гармоник функция дейилади.

Одатда, (12) Лаплас тенгламаси дейилади. Бу тенглама ушбу

$$\Delta = \frac{\partial^2}{\partial x^2} + \frac{\partial^2}{\partial y^2}$$

Лаплас оператори ёрдамида қуйидагича ёзилади:

$$\Delta F = 0$$

Лаплас оператори учун

$$\Delta = \frac{\partial^2}{\partial x^2} + \frac{\partial^2}{\partial y^2} = \left(\frac{\partial}{\partial x} - i \frac{\partial}{\partial y} \right) \left(\frac{\partial}{\partial x} + i \frac{\partial}{\partial y} \right) = 4 \frac{\partial^2}{\partial z \partial \bar{z}}$$

бўлишини эътиборга олсак, унда (12) тенгликни қуйидагича

$$\frac{\partial^2 F}{\partial z \partial \bar{z}} = 0$$

ёзиш мумкин.

Қуйида голоморф функция билан гармоник функциялар орасидаги муносабатни ифодаладиган теоремани келтирамиз.

8-теорема. D соҳада ($D \subset C$) голоморф бўлган ҳар қандай $f(z)$ функциянинг ҳақиқий ҳамда маъхум қисмлари $u(x, y)$ ва $v(x, y)$ функциялар шу соҳада гармоник бўлади.

И с б о т. Айтайлик, $f(z) = u(x, y) + iv(x, y)$ функция D соҳада голоморф бўлсин. Унда

$$\frac{\partial u}{\partial x} = \frac{\partial v}{\partial y},$$

$$\frac{\partial u}{\partial y} = -\frac{\partial v}{\partial x}$$

тенгликлар бажарилади.

Бу тенгликлардан фойдаланиб топамиз:

$$\frac{\partial^2 u}{\partial x^2} = \frac{\partial^2 v}{\partial y \partial x}, \quad \frac{\partial^2 u}{\partial y^2} = -\frac{\partial^2 v}{\partial x \partial y}$$

Агар

$$\frac{\partial^2 v}{\partial y \partial x} = \frac{\partial^2 v}{\partial x \partial y}$$

бўлишини эътиборга олсак, у ҳолда юқоридаги тенгликлардан

$$\frac{\partial^2 u}{\partial x^2} + \frac{\partial^2 u}{\partial y^2} = 0$$

бўлиши келиб чиқади. Бу эса $u(x, y)$ функциянинг гармоник (функция эканлигини билдиради.

Худди шунга ўхшаш $v(x, y)$ функциянинг гармоник функция бўлиши кўрсатилади. Теорема исбот бўлди.

3-§. Ҳосила модули ва аргументининг геометрик маъноси. Конформ акслантиришлар

Фараз қилайлик,

$$w = f(z)$$

функция бирор D соҳада ($D \subset C_z$) берилган бўлсин. Уни (z) текисликнинг нуқталарини (w) текислик нуқталарига акслантириш деб қараймиз.

Бу $w = f(z)$ функция $z_0 \in D$ нуқтада $f'(z_0)$ ($f'(z_0) \neq 0$) ҳосилага эга бўлсин. Ҳосила таърифидан фойдаланиб, топамиз:

$$|f'(z_0)| = \lim_{z \rightarrow z_0} \frac{|f(z) - f(z_0)|}{|z - z_0|} = \lim_{z \rightarrow z_0} \frac{|w - w_0|}{|z - z_0|}$$

($w_0 = f(z_0)$). Равшанки, бу тенгликдан

$$|w - w_0| = |f'(z_0)| \cdot |z - z_0| + o(|z - z_0|)$$

бўлиши келиб чиқади.

Демак, $|z - z_0|$ етарлича кичик бўлганда $|z - z_0|$ ҳамда

$|w - w_0|$ миқдорлар пропорционал бўлиб, $|f'(z_0)|$ эса шу пропорционалликнинг коэффициентини ифодалайди.

$w = f(z)$ акслантириш ёрдамида $|z - z_0| = r$ айлана, чексиз кичик миқдор $o(|z - z_0|)$ аниқлигида

$$|w - w_0| = |f'(z_0)| \cdot r$$

айланага аксланади. Агар $|f'(z_0)| < 1$ бўлса, унда $|z - z_0| = r$

айлана сиқилади, $|f'(z_0)| > 1$ бўлганда эса чўзилади.

Демак, функция ҳосиласининг модули $w = f(z)$ акслантиришда «чўзилиш» коэффициенти билдиради экан (чўзилишнинг сақланиши).

Энди ҳосила аргументининг геометрик маъносига тўхталамиз.

Фараз қилайлик, $w = f(z)$ акслантириши z_0 нуктанинг бирор атрофида ҳосилага эга бўлиб, $f'(z_0) \neq 0$ бўлсин.

z_0 нуктадан ўтувчи силлиқ

$$\gamma = \{z \in C_z: z = z(t), \alpha \leq t \leq \beta\}$$

эгри чизиқни олиб, унинг йўналиши бўйича шу эгри чизиққа z_0 нуктада уринма ўтказамиз. Бу уринманинг ҳақиқий ўқнинг мусбат қисми билан ташкил этган бурчаги φ бўлсин:

$$\varphi = \arg z'(t_0)$$

$w = f(z)$ акслантириш эса γ эгри чизиқни C_w текисликда

Γ эгри чизиққа ўтказсин.

$$\Gamma = \{w \in C_w: w = w(t) = f[z(t)], \alpha \leq t \leq \beta\}$$

Мураккаб функциянинг ҳосиласини ҳисоблаш қондасига биноан

$$w'(t) = f'(z) \cdot z'(t)$$

бўлиб, $t = t_0$ да

$$w'(t_0) = f'(z_0) \cdot z'(t_0) \quad (z_0 = z(t_0), \alpha \leq t_0 \leq \beta) \quad (13)$$

бўлади. Шартга кўра $f'(z_0) \neq 0$ ва $z'(t_0) \neq 0$ (γ нинг силлиқлигидан) бўлгани учун $w'(t_0) \neq 0$ бўлади. Бинобарин, $w_0 = f(z_0)$ нуктада Γ эгри чизиқнинг уринмаси мавжуд. Бу уринманинг бурчак коэффициентини ψ билан белгилаймиз: $\psi = \arg w'(t_0)$.

Юқоридаги (13) тенгликдан


$$\arg w'(t_0) = \arg f'(z_0) + \arg z'(t_0)$$

яъни

$$\psi = \arg f'(z_0) + \varphi \quad (14)$$

келиб чиқади.

Агар $\theta = \psi - \varphi$ микдорнинг $w = f(z)$ акслантириш натижасида γ эгри чизиқнинг z_0 нуктадаги бурилиш бурчаги эканлигини эътиборга олсак, у ҳолда (14) тенгликдан z_0 нуктадан ўтувчи барча силлиқ эгри чизиқлар бир ҳил $\theta = \arg f'(z_0)$ бурчакка бурилишини кўрамиз (11-чизма) (бурчакнинг сақланиши).



11-чизма

18 - т а ь р и ф. Агар $w = f(z)$ акслантириш z_0 нуктада чўзилиш ва бурчак сақланиш хоссаларига эга бўлса, бундай акслантиришга z_0 нуктада конформ акслантириш дейилади.

Юқоридагиларидан кўринадики, агар $w = f(z)$ функция z_0 нуктанинг бирор атрофида голоморф бўлиб, $f'(z_0) \neq 0$ бўлса, $w = f(z)$ акслантириш z_0 нуктада конформ бўлади.

Агар $w = f(z)$ акслантириш D соҳада бир япроқли бўлиб, соҳанинг ҳар бир нуктасида конформ бўлса, у D соҳада конформ акслантириш дейилади.

Конформ акслантиришлар назариясида асосан куйидаги икки масала ўрганилади:

1) E соҳада ($E \subset C_z$) $w = f(z)$ акслантириш берилган ҳолда E нинг аксини, яъни $f(E)$ ни топиш;

2) иккита E ($E \subset C_z$) ҳамда F ($F \subset C_w$) соҳалар берилган ҳолда E ни F га конформ акслантирадиган $w = f(z)$ ни топиш.

Бу масалаларни ҳал қилишда куйидаги теоремалардан фойдаланилади.

9 - т е о р е м а (Риман теоремаси). Агар E ($E \subset \bar{C}_z$) ва F ($F \subset \bar{C}_w$) соҳалар чегараси 2 та нуктадан кам бўлмаган (континуум бўлган) бир боғламли соҳалар бўлса, E соҳани F соҳага конформ акслантирувчи $w = f(z)$ функция мавжуд.

10 - т е о р е м а (соҳанинг сақланиш принципи). Агар $f(z)$ функция E соҳада голоморф бўлиб, $f(z) \neq \text{const}$ бўлса, $f(E)$ ҳам соҳа бўлади.

3-БОБ

ЭЛЕМЕНТАР ФУНКЦИЯЛАР ВА УЛАР ЁРДАМИДА БАЖАРИЛАДИГАН КОНФОРМ АКСЛАНТИРИШЛАР

Мазкур бобда элементар функциялар ва улар ёрдамида ба-
жариладиган конформ акслантиришлар билан шугулланамиз.

1-§. Чизиқли функция

Ушбу

$$w = az + b \quad (1)$$

кўринишдаги функция чизиқли функция (чизиқли акслантириш)
дейлади, бунда a, b лар ўзгармас комплекс сонлар ва $a \neq 0$.

Бу функция \bar{C}_z тўғламда аниқланган, унга тескари функ-
циялар ҳам чизиқли функция бўлиб, у қуйидаги

$$z = \frac{1}{a}w - \frac{b}{a} \quad (2)$$

кўринишга эга.

(1) ва (2) акслантиришлардан \bar{C}_z ва \bar{C}_w текислик нуқталари
ўзаро бир қийматли мосликда эканлиги келиб чиқади. Бунда
 $z = \infty$ да $w = \infty$ бўлади ва аксинча.

Равшанки,

$$w' = (az + b)' = a.$$

Демак,

$$w = az + b$$

акслантириш \bar{C}_z текисликни \bar{C}_w текисликка конформ акслан-
тиради.


Ихтиёрий $z \in \bar{C}_z$ нуқтани олайлик. Бу z нуқта (1) аксланти-
риш ёрдамида w нуқтага ($w \in \bar{C}_w$) ўтади.

Чизиқли функция ёрдамида бажариладиган акслантиришни
аниқлаш учун аввало унинг хусусий ҳолларини қараймиз.

1°. Айтайлик,

$$w = z + b \quad (3)$$

бўлсин. Агар комплекс сон вектор орқали ифодаланишини
эътиборга олсак, унда (3) акслантириш z ва b векторлар йиғин-
диси орқали топилишини кўрамиз. Демак, бу ҳолда z га кўра
унинг акси w параллел кўчириш орқали топилар экан. Бу жара-
ён 12-чизмада тасвирланган.



12-чизма

2°. Айтайлик,

$$w = e^{i\alpha}z \quad (\alpha \in \mathbb{R})$$

бўлсин. Аввало

$$e^{i\alpha} = \cos\alpha + i\sin\alpha$$

эканини эътиборга олиб, сўнг

$$z = |z|(\cos\varphi + i\sin\varphi)$$


тенгликдан фойдаланиб топамиз:

$$\begin{aligned} w &= e^{i\alpha}z = (\cos\alpha + i\sin\alpha) \cdot |z| \cdot (\cos\varphi + i\sin\varphi) = \\ &= |z| \cdot [\cos(\varphi + \alpha) + i\sin(\varphi + \alpha)] \end{aligned}$$

Демак,

$$|w| = |z|, \quad \arg w = \varphi + \alpha = \arg z + \alpha$$

бўлади. Бу ҳолда z га кўра унинг акси w , z векторни α бурчакка
буриш билан топилар экан. Бу жараён 13- чизмада тасвирлан-
ган.



13-чизма

3°. Айтайлик,

$$w = kz \quad (k > 0)$$

бўлсин. У ҳолда z га кўра унинг акси w , z векторни чўзиш ($k > 1$) ёки сиқиш ($k < 1$) билан топилади.

Юқорида келтирилган ҳоллардан кўринадики,

$$w = az + b$$

чизиқли функция ёрдамида акслантириш $\overline{C_z}$ текисликдаги соҳани «параллел кўчириш», «бурчакка буриш» ҳамда «чўзиш ёки сиқиш»ни амалга оширади экан.

М и с о л л а р. 1. Учлари

$$A = 1+i, \quad B = 1+3i, \quad C = 2+i$$

нуқталарда бўлган ABC учбурчакни

$$w = iz + 1$$

чизиқли функция ёрдамида акслантиринг.


Равшанки, бу $w = iz + 1$ чизиқли функция C_z текисликдаги ABC учбурчакни C_w текисликдаги $A_1B_1C_1$ учбурчакка акслантиради. Унинг A_1, B_1, C_1 учлари мос равишда A, B, C нуқталарнинг акси бўлади:

$$A_1 = w(A) = i(1+i) + 1 = i,$$

$$B_1 = w(B) = i(1+3i) + 1 = i - 2,$$

$$C_1 = w(C) = i(2+i) + 1 = 2i.$$

Демак, $w = iz + 1$ функция учлари $1+i$; $1+3i$; $2+i$ нуқталарда бўлган ABC учбурчакни учлари i ; $i-2$; $2i$ нуқталарда бўлган $A_1B_1C_1$ учбурчакка акслантиради (14-чизма).



14-чизма

2. C_z текисликдаги

$$D = \{z \in C_z : |z - z_0| < r\}$$

доирани C_w текисликдаги

$$\{w \in C_w : |w| < 1\}$$

бирлик доирага акслантирувчи чизиқли функцияни топинг.

Ушбу

$$w_1 = z - z_0$$

чизиқли функцияни қарайлик. Равшанки, бу функция C_z текисликдаги

$$D = \{z \in C_z : |z - z_0| < r\}$$

доирани C_w текисликдаги

$$\{w_1 \in C_w : |w_1| < r\}$$

доирага акслантиради.

Куйидаги

$$w = \frac{1}{r} w_1$$

чизиқли функция эса,

$$\{w_1 \in C_w : |w_1| < r\}$$

доирани


$$\{w \in C_w : |w| < 1\}$$

бирлик доирага акслантиради.

Шундай қилиб, берилган D соҳани C_w текисликдаги бирлик доирага акслантирувчи чизиқли акслантириш

$$w = \frac{1}{r}(z - z_0)$$

кўринишга эга бўлади (15-чизма).



15-чизма

Фараз қилайлик, $w = f(z)$ функция бирор E соҳада ($E \subset \overline{C}$) берилган бўлсин.

Агар $a \in E$ нуқтада

$$f(a) = a$$

тенглик бажарилса, $z = a$ нукта $w = f(z)$ акслантиришнинг кўзгалмас нуктаси дейилади.

Юқорида келтирилган

$$w = az + b$$

чизикли акслантириш:

1) $a = 1$ бўлганда $z = \infty$ кўзгалмас нуктага,

2) $a \neq 1$ бўлганда иккита $z_1 = \infty, z_2 = \frac{b}{1-a}$ кўзгалмас нукталарга эга бўлади.

Мисол. C_z текисликдаги $z_0 = 1+i$ нуктани кўзгалмас қолдириб, $z_1 = 2+i$ нуктани эса $w_1 = 4-3i$ нуктага ўтказадиган чизикли акслантиришни топинг.

Топилиши лозим бўлган чизикли акслантиришни куйидаги

$$w = az + b \quad (4)$$

кўринишда излаймиз.

$z_0 = 1+i$ нукта кўзгалмас бўлганлиги сабабли

$$az_0 + b = z_0 \quad (5)$$

бўлади. (4) ва (5) муносабатлардан

$$w - z_0 = a(z - z_0)$$

бўлиши келиб чиқади.

z_1 нукта акслантириш натижасида w_1 нуктага ўтишидан фойдаланиб

$$w_1 - z_0 = a(z_1 - z_0)$$

яъни

$$4 - 3i - (1+i) = a[2+i - (1+i)]$$

бўлишини топамиз. Бу тенгликдан

$$a = 3-4i$$

бўлиши келиб чиқади.

Шундай қилиб, изланаётган чизикли акслантириш

$$w = z_0 + a(z - z_0) = 1+i + (3-4i) \cdot [z - (1+i)] = (3-4i)z - 6 + 2i.$$

бўлади.

2-§. Каср-чизикли функция

Ушбу

$$w = \frac{az + b}{cz + d} \quad (6)$$

кўринишдаги функция каср-чизикли функция (каср-чизикли акслантириш) дейилади, бунда a, b, c, d лар ўзгармас комплекс сонлар ва

$$ad - bc \neq 0. \quad (7)$$

(7) шартнинг бажарилмаслиги w функциянинг ўзгармас бўлиб қолишига олиб келади.

Ҳақиқатан ҳам,

$$ad - bc = 0$$

бўлса, $\frac{a}{b} = \frac{c}{d}$ ($b \neq 0, d \neq 0$) бўлиб,

$$w = \frac{az + b}{cz + d} = \frac{b(\frac{a}{b}z + 1)}{d(\frac{c}{d}z + 1)} = \frac{b}{d} = \text{const.}$$

бўлади.

Биз $c \neq 0$ бўлганда

$$w(\infty) = \frac{a}{c}, \quad w(-\frac{d}{c}) = \infty, \quad (8)$$

$$c = 0 \quad \text{бўлганда} \quad w(\infty) = \infty$$

деб қараймиз.

(6) муносабатни z га нисбатан ечиш натижасида берилган каср чизикли функцияга нисбатан тескари бўлган

$$z = \frac{-dw + b}{cw - a} \quad (9)$$

функцияга келамиз. Бу ерда ҳам

$$c \neq 0 \quad \text{бўлганда,} \quad z(\infty) = -\frac{d}{c}, \quad z(\frac{a}{c}) = \infty,$$

$$c = 0 \quad \text{бўлганда,} \quad z(\infty) = \infty$$

деб қараймиз.

Демак,

$$w = \frac{az + b}{cz + d}$$

функция \bar{C}_z тўғламда

$$z = \frac{-dw + b}{cw - a}$$

функция эса \bar{C}_w тўғламда аниқланган.

Айни пайтда (6) функция \bar{C}_z тўғлам нукталарини \bar{C}_w тўғлам нукталарига ўзаро бир қийматли акслантиради.

Равшанки,

$$w' = \left(\frac{az + b}{cz + d} \right)' = \frac{(cz + d)a - (az + b)c}{(cz + d)^2} = \frac{ad - bc}{(cz + d)^2}$$

бўлиб, бу ҳосила

$$\bar{C}_z \setminus \{z \in \bar{C}_z: z = -\frac{d}{c}, z = \infty\}$$

тўпلامда чекли ҳамда (8) шартга биноан $w' \neq 0$.

Демак,

$$w = \frac{az + b}{cz + d}$$

акслантириш

$$\bar{C}_z \setminus \{z \in \bar{C}_z: z = -\frac{d}{c}, z = \infty\}$$

тўпلامда конформ акслантириш бўлади.

Энди

$$w = \frac{az + b}{cz + d} \quad (6)$$

акслантиришнинг $z = -\frac{d}{c}$ ва $z = \infty$ нуқталарда конформ бўлишини кўрсатамиз.

1) $c \neq 0$ бўлсин. Бу ҳолда (6) акслантиришнинг $z = -\frac{d}{c}$ нуқтада конформ бўлишини кўрсатиш учун

$$w = \frac{1}{w_1}$$

ни қараймиз.

Равшанки;

$$w_1 = \frac{cz + d}{az + b},$$

$$w_1' = \frac{bc - ad}{(az + b)^2}$$

бўлиб,

$$w_1'(-\frac{d}{c}) = \frac{c^2}{bc - ad} \neq 0$$

бўлади. Демак, қаралаётган акслантириш $z = -\frac{d}{c}$ нуқтада конформ бўлади.

(6) акслантиришнинг $z = \infty$ нуқтада конформ бўлишини кўрсатиш учун

$$z = \frac{1}{z_1}$$

ни қараймиз. Унда

$$w = \frac{az + b}{cz + d} = \frac{a + bz_1}{c + dz_1},$$

$$w' = \frac{bc - ad}{(c - dz_1)^2}$$

бўлиб, $z_1 = 0$ бўлганда

$$w' = \frac{bc - ad}{c^2} \neq 0$$

бўлади. Демак, (6) акслантириш $z = \infty$ нуқтада конформ бўлади. 2) $c = 0$ бўлсин. Бу ҳолда

$$w = \frac{a}{d}z + \frac{b}{d}$$

бўлиб, $z = \infty$ нуқта $w = \infty$ нуқтага аксланади.

Агар $z = \frac{1}{z_1}$, $w = \frac{1}{w_1}$ дейилса, унда

$$w_1 = \frac{dz_1}{a + bz_1},$$

$$w_1' = \frac{ad}{(a + bz_1)^2}$$

бўлиб, $z_1 = 0$ нуқтада

$$w_1' = \frac{d}{a} \neq 0$$

бўлади. Демак, (6) акслантириш $z = \infty$ нуқтада конформ акслантириш бўлади.

Шундай қилиб,

$$w = \frac{az + b}{cz + d}$$

акслантириш \bar{C}_z текислик нуқталарини \bar{C}_w текислик нуқталарига конформ акслантирар экан.

Қаср чизиқли акслантириш ёрдамида \bar{C}_z даги соҳанинг аксини аниқлаш учун аввал (6) нинг хусусий ҳолларини қараймиз:

1^o. (6) да

$$a = 0, b = 1, c = 1, d = 0$$

бўлсин. Бу ҳолда қаср чизиқли функция ушбу

$$w = \frac{1}{z}$$

кўринишга келади.

кенгайтирилган комплекс текислик \bar{C}_2 да конформ акслантириш эканлигини кўрдик.

Энди каср-чизикли акслантиришнинг хоссаларини келтирамиз.

1°. Каср-чизикли акслантиришга тескари бўлган акслантириш каср-чизикли бўлади, каср чизикли акслантиришнинг суперпозицияси ҳам каср-чизикли бўлади.

(6) ва (9) муносабатлардан (6) каср-чизикли акслантиришга тескари акслантириш каср чизикли бўлиши келиб чиқади.

Айтайлик, иккита

$$w_1 = w_1(z) = \frac{a_1 z + b_1}{c_1 z + d_1} \quad (a_1 d_1 - b_1 c_1 \neq 0),$$

$$w = w(w_1) = \frac{a_2 w_1 + b_2}{c_2 w_1 + d_2} \quad (a_2 d_2 - b_2 c_2 \neq 0)$$

каср-чизикли акслантиришлар берилган бўлсин. Бу акслантиришнинг суперпозициясини қараймиз:

$$\begin{aligned} w(w_1) &= w(w_1(z)) = \frac{a_2 \frac{a_1 z + b_1}{c_1 z + d_1} + b_2}{c_2 \frac{a_1 z + b_1}{c_1 z + d_1} + d_2} = \\ &= \frac{(a_1 a_2 + c_1 b_2)z + a_2 b_1 + b_2 d_1}{(a_1 c_2 + c_1 d_2)z + c_2 b_1 + d_1 d_2} = \frac{az + b}{cz + d} \end{aligned}$$

бунда

$$\begin{aligned} a &= a_1 a_2 + c_1 b_2, \\ b &= a_2 b_1 + b_2 d_1, \\ c &= a_1 c_2 + c_1 d_2, \\ d &= c_2 b_1 + d_1 d_2. \end{aligned}$$

бўлиб,

$$\begin{aligned} ad - bc &= (a_1 a_2 + c_1 b_2)(c_2 b_1 + d_1 d_2) - \\ &- (a_2 b_1 + b_2 d_1)(a_1 c_2 + c_1 d_2) = \\ &= (a_1 d_1 - b_1 c_1)(a_2 d_2 - b_2 c_2) \neq 0 \end{aligned}$$

бўлади. Демак, $w(w_1(z))$ каср-чизикли акслантириш бўлади.

2°. Каср-чизикли акслантириш

$$w = \frac{az + b}{cz + d}$$

\bar{C}_2 текисликдаги айланани ёки тўғри чизикни \bar{C}_w текисликдаги айлана ёки тўғри чизикқа акслантиради.

Маълумки, $w = az + b$ ҳамда $w = \frac{1}{z}$ кўринишдаги акслантиришларнинг ҳар бири \bar{C}_2 текисликдаги айланани ёки тўғри чизикни \bar{C}_w текисликдаги айланага ёки тўғри чизикқа акслантиради.

Каср чизикли акслантириш эса чизикли ҳамда $w = \frac{1}{z}$ кўринишдаги акслантиришларнинг бирин-кетин бажарилишидан иборат. Динобарин, каср чизикли акслантириш \bar{C}_2 текисликдаги айлана ёки тўғри чизикни \bar{C}_w текисликдаги айлана ёки тўғри чизикқа акслантиради.

Удатда, бу хосса каср-чизикли акслантиришнинг доиравийлиги хоссаси дейилади.


Каср-чизикли акслантиришнинг кейинги хоссаларини келтиришдан аввал баъзи тушунчалар билан танишамиз.

Фараз қилайлик, комплекс текисликда

$$\Gamma = \{z \in \mathbb{C} : |z - z_0| = r\}$$

айлана берилган бўлсин.

1 - г а ь р и ф. Агар z ва z^* нуқталар Γ айлана марказидан чиққан битта нурда ётиб, бу нуқталардан айлана марказигача бўлган масофалар кўпайтмаси айлана радиуси квадратига тенг бўлса, z ва z^* нуқталар Γ айланага нисбатан симметрик нуқталар дейилади (16-чизма).



16-чизма

Равшанки, бу ҳолда

$$\begin{aligned} \arg(z^* - z_0) &= \arg(z - z_0), \\ |z^* - z_0| \cdot |z - z_0| &= r^2 \end{aligned}$$

бўлиб,


$$z^* - z_0 = \frac{r^2}{z - z_0}$$

бўлади.

2 - л е м м а. Берилган z ва z^* нуқталарнинг Γ айланага нисбатан симметрик бўлиши учун шу z ва z^* нуқталар орқали ўтувчи ҳар қандай γ айлананинг ($\gamma \subset \bar{C}_z$) Γ айланага ортогонал бўлиши зарур ва етарли.

И с б о т. З а р у р л и г и. Айтайлик, z ва z^* нуқталар Γ айланага нисбатан симметрик бўлсин. Демак,

$$\begin{aligned} \arg(z^* - z_0) &= \arg(z - z_0), \\ |z^* - z_0| \cdot |z - z_0| &= r^2. \end{aligned} \quad (16)$$



17-чизма

Шу z ва z^* нуқталар орқали ўтувчи γ айланани қараймиз. z_0 нуқтадан γ айланага уринма ўтказамиз. Уриниш нуқтаси a бўлсин. Унда геометрия курсидан маълум бўлган тасдиққа кўра

$$|z_0 - a|^2 = |z_0 - z^*| \cdot |z_0 - z| \quad (17)$$

бўлади. (16) ва (17) муносабатлардан

$$|z_0 - a|^2 = r^2$$

бўлиши келиб чиқади.

Демак, z_0 нуқтадан γ айланага ўтказилган уринманинг z_0a қисми Γ айлананинг радиуси экан (17-чизма).

$$|z_0 - a| = r$$

Бу эса Γ ва γ айланаларнинг ортогонал бўлишини билдиради.

Е т а р л и л и г и. Фараз қилайлик, z ва z^* нуқталардан ўтувчи ҳар қандай γ айлана ($\gamma \subset \bar{C}_z$) Γ айланага ортогонал

бўлсин. Хусусан, бу айлана z ва z^* нуқталардан ўтувчи zz^* тўғри чизиқ бўлиши ҳам мумкин. Унда zz^* тўғри чизиқ Γ айланага ортогонал бўлганли учун у z_0 нуқтадан ўтади, яъни

$$\arg(z - z_0) = \arg(z^* - z_0)$$

бўлади.

Иккинчи томондан, геометрия курсидан маълум бўлган теорема кўра

$$|z - z_0| \cdot |z^* - z_0| = r^2$$

бўлади. Демак, z ва z^* нуқталар Γ айланага нисбатан симметрик

бўлади. Лемма исбот бўлди.

3°. Ҳар қандай

$$w = \frac{az + b}{cz + d}$$

каср чизиқли акслантириш \bar{C}_z текисликдаги Γ айланага нисбатан симметрик бўлган z ва z^* нуқталарни \bar{C}_w текисликдаги Γ айлананинг акси $w(\Gamma)$ айланага нисбатан симметрик бўлган $w(z)$ ва $w(z^*)$ нуқталарга ўтказилади.

Каср чизиқли акслантиришнинг 2°-хоссасига кўра Γ айлананинг \bar{C}_w текисликдаги акси $w(\Gamma)$ ҳам айлана бўлади.

z ва z^* нуқталарнинг акси $w(z)$ ва $w(z^*)$ бўлсин. Бу $w(z)$ ва $w(z^*)$ нуқталарнинг $w(\Gamma)$ айланага нисбатан симметрик бўлишини кўрсатамиз.

z ва z^* нуқталар орқали ўтувчи ихтиёрий γ айланани олайлик. z ва z^* нуқталар Γ айланага нисбатан симметрик нуқталар бўлгани учун исбот этилган леммага биноан Γ ва γ айланалар ортогонал бўлади.

Каср чизиқли акслантириш конформ бўлгани сабабли $w(\Gamma)$ ҳамда $w(\gamma)$ айланалар ортогонал бўлади. Унда леммага кўра $w(z)$ ва $w(z^*)$ нуқталар $w(\Gamma)$ айланага нисбатан симметрик бўлади. Хосса исбот бўлди.

4°. \bar{C}_z текисликда берилган турли z_1, z_2, z_3 нуқталарни \bar{C}_w текисликда берилган турли w_1, w_2, w_3 нуқталарга ўтказувчи каср чизиқли акслантириш мавжуд ва у ягонадир.

Айтайлик,

$$w = w(z) = \frac{az + b}{cz + d}$$

каср чизиқли акслантириш z_1, z_2, z_3 текисликдаги турли \bar{C}_z нуқталарни \bar{C}_w текисликдаги турли w_1, w_2, w_3 нуқталарга акслантирсин. Унда

$$w_1 = w(z_1) = \frac{az_1 + b}{cz_1 + d},$$

$$w_2 = w(z_2) = \frac{az_2 + b}{cz_2 + d},$$

$$w_3 = w(z_3) = \frac{az_3 + b}{cz_3 + d}.$$

бўлади.

Куйидаги айирмаларни ҳисоблаймиз:

$$w - w_1 = \frac{az + b}{cz + d} - \frac{az_1 + b}{cz_1 + d} = \frac{(ad - bc)(z - z_1)}{(cz + d)(cz_1 + d)},$$

$$w_3 - w_1 = \frac{az_3 + b}{cz_3 + d} - \frac{az_1 + b}{cz_1 + d} = \frac{(ad - bc)(z_3 - z_1)}{(cz_3 + d)(cz_1 + d)},$$

$$w - w_2 = \frac{az + b}{cz + d} - \frac{az_2 + b}{cz_2 + d} = \frac{(ad - bc)(z - z_2)}{(cz + d)(cz_2 + d)},$$

$$w_3 - w_2 = \frac{az_3 + b}{cz_3 + d} - \frac{az_2 + b}{cz_2 + d} = \frac{(ad - bc)(z_3 - z_2)}{(cz_3 + d)(cz_2 + d)}.$$

Бу айирмалардан фойдаланиб топамиз:

$$\frac{w - w_1}{w - w_2} \cdot \frac{w_3 - w_1}{w_3 - w_2} = \frac{(ad - bc)(z - z_1)}{(cz + d)(cz_1 + d)} \cdot \frac{(cz + d)(cz_2 + d)}{(ad - bc)(z - z_2)} \cdot \frac{(ad - bc)(z_3 - z_1)}{(cz_3 + d)(cz_1 + d)} \cdot \frac{(cz_3 + d)(cz_2 + d)}{(ad - bc)(z_3 - z_2)}$$

$$= \frac{(z - z_1)(z_3 - z_1)}{(z - z_2)(z_3 - z_2)}.$$

Демак,


$$\frac{w - w_1}{w - w_2} \cdot \frac{w_3 - w_1}{w_3 - w_2} = \frac{z - z_1}{z - z_2} \cdot \frac{z_3 - z_1}{z_3 - z_2}.$$

Бу изланаётган каср чизикли аксланишдир.

5°. Юқори ярим текислик $\{z \in C_z: \text{Im}z > 0\}$ ни C_w текисликдаги бирлик доира $\{w \in C_w: |w| < 1\}$ га акслантирувчи каср чизикли функция ушбу

$$w = e^{i\varphi} \frac{z - a}{z - \bar{a}} \quad (\varphi \in \mathbb{R}; \text{Im}a > 0)$$

кўринишда бўлади (18-чизма).



18-чизма

Ҳақиқатан, юқори ярим текисликда a нуқтани ($a \in \{z \in C_z: \text{Im}z > 0\}$) олайлик. Равшанки, бу a нуқтага ох ўқига нисбатан симметрик бўлган нуқта \bar{a} бўлади.

Изланаётган акслантириш $z = a$ нуқтани C_w текисликдаги бирлик доира маркази $w = 0$ нуқтага ўтказадиган бўлса, каср чизикли акслантиришнинг 3°-хоссасига кўра $z = \bar{a}$ нуқта $w = 0$ нуқтага бирлик айланага нисбатан симметрик бўлган $w = \infty$ нуқтага ўтказиши лозим. Демак, бундай акслантиришни бажа-рувчи функция

$$w = \alpha \frac{z - a}{z - \bar{a}}$$

кўринишда бўлади. Аини пайтда бу акслантириш ҳақиқий ўқда жойлашган $z = x$ нуқтани C_w текисликдаги $|w| = 1$ бирлик айлана нуқтасига ўтказиши керак. Бинобарин

$$|w| = 1 \quad (18)$$

бўлади. Демак,

$$|w| = |\alpha| \left| \frac{z - a}{z - \bar{a}} \right| \quad (19)$$

(18) ва (19) тенгликлардан (z - ҳақиқий бўлгани учун)

$$|z - a| = |z - \bar{a}|$$

бўлиши келиб чиқади. Натюжада

$$|\alpha| = 1,$$

яъни

$$\alpha = e^{i\varphi} \quad (\varphi \in \mathbb{R})$$

бўлади.

Шундай қилиб, юқори ярим текисликни бирлик доирага акслантирувчи каср чизикли функция

$$w = e^{i\varphi} \frac{z - a}{z - \bar{a}}$$

кўринишда бўлар экан.

6°. Комплекс текислик C_z даги бирлик доира

$$\{z \in C_z: |z| < 1\}$$


ни C_w текисликдаги бирлик доира

$$\{w \in C_w: |w| < 1\}$$

га акслантирувчи каср чизиқли функция ушбу

$$w = e^{i\varphi} \frac{z-a}{1-\bar{a}z} \quad (\varphi \in \mathbb{R}, |a| < 1)$$

кўринишда бўлади (19-чизма).



19-чизма

Бирор $a \in \{z \in C_z: |z| < 1\}$ нуқтани олиб, уни

$$a = re^{i\varphi}$$

кўринишда ифодалаймиз. Унда a нуқтага бирлик айланага нисбатан симметрик бўлган нуқта

$$a^* = \frac{1}{r} e^{-i\varphi} = \frac{1}{re^{i\varphi}} = \frac{1}{a}$$

бўлади. Изланаётган акслантириш $z=a$ нуқтани C_w текисликдаги бирлик доира маркази $w=0$ га ўтказадиган бўлса, каср чизиқли акслантиришнинг 3°-хоссасига кўра, $z = \frac{1}{a}$ нуқта $w=0$ нуқтага $|w|=1$ айланага нисбатан симметрик бўлган $w=\infty$ нуқтага ўтказиши лозим.

Демак, бундай акслантиришни бажарувчи функция

$$w = \alpha_1 \frac{z-a}{z-\frac{1}{\bar{\alpha}_1}} = \alpha \frac{z-a}{1-\bar{a}z} \quad (\alpha = -\alpha_1)$$

кўринишда бўлади.

Энди $|z|=1$ бўлганда $|w|=1$ бўлишидан фойдаланиб, қуйидагиларни топамиз:

$$|w| = |\alpha| \cdot \frac{|z-a|}{|1-\bar{a}z|}$$

$$1 = |\alpha| \cdot \frac{|z-a|}{\left|z\left(\frac{1}{z}-\bar{a}\right)\right|} = |\alpha| \cdot \frac{|z-a|}{|z-a|}$$

(чунки, $z = e^{i\varphi} \Rightarrow \frac{1}{z} = e^{-i\varphi} = \bar{z}$).

Демак,

$$|z-a| = |z-\bar{a}|$$

Демак, $|\alpha|=1$, яъни $\alpha = e^{i\varphi}$ бўлади.

Шундай қилиб, C_z текисликдаги бирлик доирани C_w текисликдаги бирлик доирага акслантирувчи каср чизиқли функция ушбу

$$w = e^{i\varphi} \frac{z-a}{1-\bar{a}z}$$

кўринишда бўлар экан.

Мисоллар. 1. C_z текисликдаги $1; i; -1$ нуқталарни мос равишда C_w текисликдаги $-1; 0; 1$ нуқталарга акслантирувчи каср чизиқли функцияни топинг.

Каср чизиқли акслантиришнинг 4°-хоссасида келтирилган

$$\frac{w-w_1}{w-w_2} \cdot \frac{w_3-w_2}{w_3-w_1} = \frac{z-z_1}{z-z_2} \cdot \frac{z_3-z_2}{z_3-z_1}$$

тўғлиқда

$$z_1=1, z_2=i, z_3=-1 \\ w_1=-1, w_2=0, w_3=1.$$

Доб топамиз:

$$\frac{w-(-1)}{w-0} \cdot \frac{1-0}{1-(-1)} = \frac{z-1}{z-i} \cdot \frac{-1-i}{-1-1} \Rightarrow \\ \Rightarrow w = \frac{z-i}{zi-1}$$

Демак, изланаётган каср чизиқли функция

$$w = \frac{z-i}{zi-1}$$

бўлади.

2. Комплекс текислик C_z да $z_1=1+i$ нуқта учун ушбу $\{z \in C_z: |z|=1\}$ айланага нисбатан симметрик бўлган нуқтани топинг.

Изланаётган нуқтани z_1^* дейлик. Бу нуқтани топишда

$$z_1^* - z_0 = \frac{r^2}{z_1 - z_0}$$

формуладан фойдаданамиз. $z_0 = 0$, $r = 1$ эканлигини эътиборга олиб

$$z_1^* = \frac{1}{z_1}$$

бўлишини топамиз. Демак,

$$z_1^* = \frac{1}{z_1} = \frac{1}{1+i} = \frac{1}{1-i} = \frac{1}{2} + \frac{1}{2}i$$

экан.

3-§. Даражали функция

Ушбу

$$w = z^n \quad (20)$$

кўринишдаги функция даражали функция (акслантириш) дейилади, бунда n - натурал сон.

Бу функция бутун комплекс текислик C_z да аниқланган бўлиб, унинг ҳосиласи

$$w' = n \cdot z^{n-1}$$

га тенг.

Демак, (20) функция бутун текислик C да голоморф, $n > 1$ ва $z \neq 0$ бўлганда унинг ёрдамида бажариладиган акслантириш $C \setminus \{0\}$ тўғламнинг ҳар бир нуқтасида конформ акслантириш бўлади.

C_z ва C_w текисликларда қутб координаталарини киритамиз:

$$z = r e^{i\varphi}, \quad (r = |z|, \varphi = \arg z)$$

$$w = \rho e^{i\psi}, \quad (\rho = |w|, \psi = \arg w)$$

Натижада (20) акслантириш ушбу

$$\rho e^{i\psi} = r^n e^{i n \varphi}$$

кўринишга эга бўлади. Ундан эса,

$$\rho = r^n, \psi = n\varphi$$

бўлиши келиб чиқади.

Демак,

$$w = z^n$$


акслантириш қутб координаталар системасида ушбу

$$\left. \begin{aligned} \rho &= r^n \\ \psi &= n\varphi \end{aligned} \right\} \quad (21)$$

акслантиришга ўтади. Бинобарин, (20) акслантиришни ўрганиш (21) акслантиришни ўрганишга келади.

(21) акслантиришдан топамиз:

1) $r = \text{const}$ бўлганда $\rho = \text{const}$ бўлади. Демак, (20) акслантириш C_z текисликдаги маркази $z=0$ нуқтада бўлган айланаларни C_w текисликдаги маркази $w=0$ нуқтада бўлган айланаларга акслантиради (20-чизма).



20-чизма

2) $\varphi = \text{const}$ бўлганда $\psi = \text{const}$ бўлади. Демак, (20) акслантириш C_z текисликдаги $z=0$ нуқтадан чиққан нурларни, C_w текисликдаги $w=0$ нуқтадан чиққан нурларга акслантиради (20-чизма).

Айни пайтда (20) акслантириш $\varphi = 0$ нурни (ҳақиқий мусбат йўналиш бўйича олинган нурни), $\psi = 0$ нурга, C_z текисликдаги $\varphi = \alpha$ нурни эса, C_w текисликдаги $\psi = n \cdot \alpha$ нурга акслантиради (20-чизма).

Юқорида келтирилган тасдиқлардан

$$w = z^n$$

акслантириш C_z текисликдаги

$$D = \{z \in C_z : 0 < \arg z < \alpha\} \quad \left(\alpha < \frac{2\pi}{n} \right)$$

соҳани (учи $z=0$ нуқтада бўлган бурчакни - секторни) C_w текисликдаги

$$w(D) = \{w \in C_w : 0 < \arg w < n\alpha\}$$

соҳага (учи $w=0$ нуқтада бўлган бурчакка - секторга) акслантириши келиб чиқади.

деб оламиз. Унда (26) акслантириш ушбу

$$u + iv = \frac{1}{2} \left(r e^{i\varphi} + \frac{1}{r} e^{-i\varphi} \right)$$

кўринишга келади.

Равшанки,

$$r e^{i\varphi} + \frac{1}{r} e^{-i\varphi} = \left(r + \frac{1}{r} \right) \cos\varphi + i \left(r - \frac{1}{r} \right) \sin\varphi$$

Натижада

$$u + iv = \frac{1}{2} \left[\left(r + \frac{1}{r} \right) \cos\varphi + i \left(r - \frac{1}{r} \right) \sin\varphi \right]$$

бўлиб, ундан

$$u = \frac{1}{2} \left(r + \frac{1}{r} \right) \cos\varphi,$$

$$v = \frac{1}{2} \left(r - \frac{1}{r} \right) \sin\varphi$$

бўлиши келиб чиқади.

Демак,

$$w = \frac{1}{2} \left(z + \frac{1}{z} \right)$$

акслантириш ушбу

$$u = \frac{1}{2} \left(r + \frac{1}{r} \right) \cos\varphi,$$

$$v = \frac{1}{2} \left(r - \frac{1}{r} \right) \sin\varphi$$

(27)

акслантиришга келади. (27) муносабатдан фойдаланиб, куйидагиларни топамиз:

1) C_z текисликда радиуси ρ га ($0 < \rho < 1$) тенг бўлган

$$z = \rho e^{i\varphi}, \quad (0 \leq \varphi \leq 2\pi)$$

айланани олайлик. Жуковский функцияси ёрдамида бу айлана C_w текисликдаги

$$u = \frac{1}{2} \left(\rho + \frac{1}{\rho} \right) \cos\varphi,$$

$$v = \frac{1}{2} \left(\rho - \frac{1}{\rho} \right) \sin\varphi$$

($0 \leq \varphi \leq 2\pi$)

чизиққа аксланади.

Агар

$$a_\rho = \frac{1}{2} \left(\rho + \frac{1}{\rho} \right), \quad b_\rho = \frac{1}{2} \left(\rho - \frac{1}{\rho} \right)$$

дўйилса, унда

$$u = a_\rho \cos\varphi,$$

$$v = b_\rho \sin\varphi$$

бўлиб,

$$\frac{u^2}{a_\rho^2} + \frac{v^2}{b_\rho^2} = 1$$

бўлади. Бу C_w текисликда фокуслари ± 1 нуқтада, ярим ўқлари a_ρ ва b_ρ бўлган эллипсни ифодалайди.

Демак, Жуковский функцияси

$$w = \frac{1}{2} \left(z + \frac{1}{z} \right)$$


C_z текисликдаги радиуси ρ ($0 < \rho < 1$) бўлган

$$z = \rho e^{i\varphi} \quad (28)$$

айланани, C_w текисликдаги

$$\frac{u^2}{a_\rho^2} + \frac{v^2}{b_\rho^2} = 1 \quad (29)$$

эллипсга акслантиради (23-чизма).



23-чизма

2) C_z текисликда радиуси ρ га ($\rho > 1$) тенг бўлган ушбу

$$z = \rho e^{i\varphi}, \quad (0 \leq \varphi \leq 2\pi) \quad (30)$$


айланани олайлик. Жуковский функцияси

$$w = \frac{1}{2} \left(z + \frac{1}{z} \right)$$

бу айланани ҳам

$$\frac{u^2}{a_p^2} + \frac{v^2}{b_p^2} = 1 \quad (31)$$

эллипсга акслантиради (24-чизма).



24-чизма

3) C_z текисликда радиуси $\rho=1$ бўлган

$$z = e^{i\varphi}, \quad (0 \leq \varphi \leq 2\pi)$$


айланани олайлик. Жуковский функцияси ёрдамида бу айлана C_w текисликдаги

$$\begin{aligned} u &= \cos \varphi, \\ v &= 0 \end{aligned} \quad (0 \leq \varphi \leq 2\pi)$$

чизикқа аксланади.

Равшанки, бу чизик C_w текисликдаги $[-1,1] \in \mathbb{R}$ кесмани ифодалайди.

Демак, Жуковский функцияси C_z текисликдаги $\rho=1$ радиусли айланани C_w текисликдаги $[-1,1] \in \mathbb{R}$ кесмага акслантиради. (25-чизма).



25-чизма

4) C_z текисликда

$$z = \rho e^{i\alpha}, \quad (0 \leq \rho \leq +\infty)$$

яъни

$$\{z \in C_z : \arg z = \alpha\}$$

нурни олайлик. (26) акслантириш бу нурни C_w текисликдаги

$$u = \frac{1}{2} \left(\rho + \frac{1}{\rho} \right) \cos \alpha, \quad (0 \leq \rho \leq +\infty) \quad (32)$$

$$v = \frac{1}{2} \left(\rho - \frac{1}{\rho} \right) \sin \alpha$$

чизикқа акслантиради. (32) муносабатдан топамиз:

$$\frac{u^2}{\cos^2 \alpha} - \frac{v^2}{\sin^2 \alpha} = 1 \quad \left(\alpha \neq \frac{k\pi}{2}, k=0, \pm 1, \dots \right) \quad (33)$$

Равшанки, бу чизик фокуслари ± 1 нуқтада бўлган гипербола бўлиб, $0 < \alpha < \frac{\pi}{2}$ бўлганда (33) чизик гиперболанинг ўнг тармоғининг юқори қисмини, $\frac{\pi}{2} < \alpha < \pi$ бўлганда эса чап тармоғининг юқори қисмини ифодалайди.

Демак, Жуковский функцияси

$$w = \frac{1}{2} \left(z + \frac{1}{z} \right)$$


C_z текисликдаги

$$\{z \in C_z : \arg z = \alpha\}$$

нурни C_w текисликдаги

$$\frac{u^2}{\cos^2 \alpha} - \frac{v^2}{\sin^2 \alpha} = 1$$

гиперболанинг қисмига акслантиради (26-чизма).



26-чизма

Жумладан, $w = \frac{1}{2} \left(z + \frac{1}{z} \right)$ функция ёрдамида қуйидаги акслантиришлар

$$\left\{ z \in C_z : \arg z = \frac{\pi}{2} \right\} \rightarrow \{ w \in C_w : \operatorname{Re} w = 0 \},$$

$$\left\{ z \in C_z : \arg z = \frac{3\pi}{2} \right\} \rightarrow \{ w \in C_w : \operatorname{Re} w = 0 \},$$

$$\{ z \in C_z : \arg z = 0 \} \rightarrow \{ w \in C_w : \operatorname{Re} w = [1, +\infty) \},$$

$$\{ z \in C_z : \arg z = \pi \} \rightarrow \{ w \in C_w : \operatorname{Re} w = [-\infty, -1] \}.$$

бажарилади.

Фараз қилайлик, Жуковский функцияси

$$w = \frac{1}{2} \left(z + \frac{1}{z} \right)$$

C_z текисликдаги турли z_1 ва z_2 нуқталарни C_w текисликдаги битта нуқтага акслантирсин.

Унда

$$z_1 + \frac{1}{z_1} = z_2 + \frac{1}{z_2} \quad (z_1 \neq z_2)$$

яъни

$$z_1 + \frac{1}{z_1} - \left(z_2 + \frac{1}{z_2} \right) = (z_1 - z_2) \left(1 - \frac{1}{z_1 \cdot z_2} \right) = 0$$

бўлади. Кейинги тенгликдан

$$z_1 \cdot z_2 = 1 \quad (34)$$

бўлиши келиб чиқади.

Демак, Жуковский функцияси бирор соҳада ўзаро бир қийматли бўлиши учун шу соҳанинг ихтиёрий турли икки z_1 ва z_2 нуқталарида $z_1 \cdot z_2 = 1$ шартнинг бажармаслиги зарур ва етарли бўлади.

Куйидаги

$$D_1 = \{ z \in C_z : |z| > 1 \},$$

$$D_2 = \{ z \in C_z : |z| < 1 \},$$

$$D_3 = \{ z \in C_z : \operatorname{Im} z > 0 \},$$

$$D_4 = \{ z \in C_z : \operatorname{Im} z < 0 \}$$

соҳаларнинг ҳар биридан олинган ихтиёрий иккита турли z_1 ва z_2 нуқталар (34) шартнинг бажармаслигини кўрсатиш қийин эмас. Бинобарин, Жуковский функцияси бу соҳаларда ўзаро бир қийматли функция бўлади.

Энди C_z текисликдаги бу D_1, D_2, D_3, D_4 соҳаларни Жуковский функцияси C_w текисликдаги қандай соҳаларга акслантиришини топамиз.

1) Айтайлик, C_z текисликда

$$D_1 = \{ z \in C_z : |z| > 1 \}$$

соҳа - бирлик доиранинг ташқариси берилган бўлсин. Равшанки, Жуковский функцияси бу соҳада конформ акслантириш бўлади.

D_1 соҳада ихтиёрий

$$\{ z \in C_z : |z| = \rho, \rho > 1 \}$$

айланани олайлик. Маълумки, бундай айлана Жуковский функцияси

$$w = \frac{1}{2} \left(z + \frac{1}{z} \right) \quad (26)$$

ёрдамида C_w текисликдаги эллипсга аксланади.

Агар айлана радиуси $\rho (1, +\infty)$ ораликда ўзгара борса, улارга мос эллипслар C_w текисликдаги

$$C_w \setminus \{ w \in C_w : w \in [-1, 1] \}$$

соҳани ҳосил қилади.


Демак, (26) акслантириш C_z текисликдаги бирлик доира ташқариси D_1 соҳани C_w текисликдаги

$$C_w \setminus \{ w \in C_w : w \in [-1, 1] \}$$

соҳага конформ акслантиради:

$$w(D_1) = C_w \setminus \{ w \in C_w : w \in [-1, 1] \}$$

(27-чизма).



27-чизма

2) C_z текисликда ушбу

$$D_2 = \{ z \in C_z : |z| < 1 \}$$


соҳани - бирлик доирани олайлик. Юқоридагидек кўрсатиш мумкинки, (26) акслантириш D_2 соҳани C_w текисликдаги

$$C_w \setminus \{w \in C_w : w \in [-1, 1]\}$$

соҳага конформ акслантиради:

$$w(D_2) = C_w \setminus \{w \in C_w : w \in [-1, 1]\}$$

(28-чизма).



28-чизма

3) C_z текисликда

$$D_3 = \{z \in C_z : \text{Im} z > 0\}$$

соҳани - юқори ярим текисликни қарайлик. (26) акслантириш бу D_3 соҳани C_w текисликдаги

$$C_w \setminus \{w \in C_w : w \in [-\infty, -1] \cup [1, +\infty]\}$$

соҳага конформ акслантиради:

$$w(D_3) = C_w \setminus \{w \in C_w : w \in [-\infty, -1] \cup [1, +\infty]\}$$

(29-чизма).



29-чизма

4) C_z текисликда

$$D_4 = \{z \in C_z : \text{Im} z < 0\}$$


пастки ярим текисликни қарайлик. (26) акслантириш бу D_4 соҳани C_w текисликдаги

$$C_w \setminus \{w \in C_w : w \in [-\infty, -1] \cup [1, +\infty]\}$$

соҳага конформ акслантиради:

$$w(D_4) = C_w \setminus \{w \in C_w : w \in [-\infty, -1] \cup [1, +\infty]\}$$

(30-чизма).



30-чизма

Мисоллар. 1. Жуковский функцияси ёрдамида C_z текисликдаги

$$l = \left\{ z \in C_z : |z| = 1, \frac{5\pi}{4} < \arg z < \frac{7\pi}{4} \right\}$$

ёйнинг аксини топинг.

Равшанки,

$$l = \left\{ z \in C_z : |z| = 1, \frac{5\pi}{4} < \arg z < \frac{7\pi}{4} \right\} = \left\{ r = 1, \frac{5\pi}{4} < \varphi < \frac{7\pi}{4} \right\}.$$

(27) муносабатга кўра

$$u = \frac{1}{2} \left(r + \frac{1}{r} \right) \cos \varphi = \cos \varphi,$$

$$v = \frac{1}{2} \left(r - \frac{1}{r} \right) \sin \varphi = 0$$

бўлади.


Агар $\frac{5\pi}{4} < \varphi < \frac{7\pi}{4}$ бўлганда

$$-\frac{\sqrt{2}}{2} < \cos \varphi < \frac{\sqrt{2}}{2}$$

бўлишини эътиборга олсак,

$$w(l) = \left\{ -\frac{\sqrt{2}}{2} < u < \frac{\sqrt{2}}{2}, v = 0 \right\} = \left(-\frac{\sqrt{2}}{2}, \frac{\sqrt{2}}{2} \right)$$

эканини топамиз (31-чизма).



31-чизма

2. Ушбу

$$w = \frac{z}{z^2 + 1}$$

акслантириш ёрдамида C_z текисликдаги

$$D = \{z \in C_z : |z| < 1\}$$

соҳанинг (бирлик доиранинг) C_w текисликдаги аксини топинг.

Авалло берилган

$$w = \frac{z}{z^2 + 1}$$

функцияни қуйидаги

$$w = \frac{1}{2 \cdot \frac{1}{2} \left(z + \frac{1}{z} \right)}$$

кўринишда ёзиб оламиз. Агар

$$w_1 = \frac{1}{2} \cdot \left(z + \frac{1}{z} \right)$$

десак, унда

$$w = \frac{1}{2 \cdot w_1}$$

бўлади.

Маълумки, $w_1 = \frac{1}{2} \cdot \left(z + \frac{1}{z} \right)$ Жуковский функцияси бирлик доира

$$D = \{z \in C_z : |z| < 1\}$$

ни

$$C_{w_1} \setminus \{w_1 \in C_{w_1} : w_1 \in [-1, 1]\}$$

(тўпламга) соҳага $[-1, 1]$ кесманинг ташқарисига) акслантиради.

Қаср чизиқли

$$w = \frac{1}{2 \cdot w_1}$$

функция $[0, 1]$ кесмани $\left[\frac{1}{2}, +\infty \right)$ нурга, $[-1, 0]$ кесмани эса

$\left(-\infty, -\frac{1}{2} \right)$ нурга акслантиради.

Демак, берилган D соҳанинг акси

$$w(D) = C_w \setminus \left\{ w \in C_w : w \in \left(-\infty, -\frac{1}{2} \right) \cup \left(\frac{1}{2}, +\infty \right) \right\}$$

бўлади.

5-§. Кўрсаткичли функция

Комплекс сонлар текислиги C да ихтиёрый z ни олиб, қуйидаги

$$z_n = \left(1 + \frac{z}{n} \right)^n \quad (n = 1, 2, 3, \dots)$$

кетма-кетликни қараймиз. Бу комплекс сонлар кетма-кетлиги $n \rightarrow \infty$ да лимитга эга бўлишини кўрсатамиз.

Агар $z = x + iy$ десак, унда

$$z_n = \left(1 + \frac{x + iy}{n} \right)^n = \left(1 + \frac{x}{n} + i \frac{y}{n} \right)^n$$

бўлади.

Энди z_n нинг модули ва аргументини топамиз:

$$\begin{aligned} |z_n| &= \left| 1 + \frac{x + iy}{n} \right|^n = \left| 1 + \frac{x}{n} + i \frac{y}{n} \right|^n = \left(\sqrt{\left(1 + \frac{x}{n} \right)^2 + \left(\frac{y}{n} \right)^2} \right)^n = \\ &= \left[\left(1 + \frac{2x}{n} \right) + \frac{x^2 + y^2}{n^2} \right]^{\frac{n}{2}}. \end{aligned}$$

$$\arg z_n = \arg \left(1 + \frac{x}{n} + i \frac{y}{n} \right)^n = n \arg \left(1 + \frac{x}{n} + i \frac{y}{n} \right) = n \cdot \operatorname{arctg} \frac{\frac{y}{n}}{1 + \frac{x}{n}}$$

Агар

$$\left[\left(1 + \frac{2x}{n} \right) + \frac{x^2 + y^2}{n^2} \right]^{\frac{n}{2}} = \left(1 + \frac{2x}{n} \right)^{\frac{n}{2}} + \alpha_n,$$

$$n \cdot \operatorname{arctg} \frac{\frac{y}{n}}{1 + \frac{x}{n}} = n \cdot \frac{y}{n + x} + \beta_n.$$

бўлишини эътиборга олсак, бундан

$$\lim_{n \rightarrow \infty} \alpha_n = 0, \quad \lim_{n \rightarrow \infty} \beta_n = 0$$

бўлиб,

$$\lim_{n \rightarrow \infty} |z_n| = \lim_{n \rightarrow \infty} \left(1 + \frac{2x}{n} \right)^{\frac{n}{2}} = e^x, \quad ($$

$$\lim_{n \rightarrow \infty} \arg z_n = \lim_{n \rightarrow \infty} \frac{y}{1 + \frac{x}{n}} = y \quad (36)$$

бўлиши келиб чиқади.

Модомики, z_n кетма-кетликнинг модули $|z_n|$ нинг ҳамда аргументи $\arg z_n$ нинг лимити мавжуд экан, унда z_n кетма-кетликнинг ҳам лимити мавжуд бўлади. Равшанки, бу лимит z ўзгарувчига боғлиқ бўлади.

2 - т а ь р и ф. Ушбу

$$z_n = \left(1 + \frac{z}{n}\right)^n \quad (n = 1, 2, 3, \dots)$$

кетма-кетликнинг лимити e^z функция дейилади.

Демак,

$$e^z = \lim_{n \rightarrow \infty} \left(1 + \frac{z}{n}\right)^n \quad (z \in \mathbb{C})$$

Одатда

$$w = e^z \quad (37)$$

функцияни кўрсаткичли функция дейилади.

Келтирилган таъриф ҳамда (35) ва (36) муносабатлардан кўринадикки,

$$\begin{aligned} |e^z| &= e^x, \quad \arg e^z = y, \\ e^z &= e^{x+iy} = e^x (\cos y + i \sin y) \end{aligned} \quad (38)$$

бўлади.

Энди $w = e^z$ функциянинг асосий хоссаларини келтирамиз.

1°. Кўрсаткичли $w = e^z$ функция бутун комплекс текисликда голоморф функция бўлади.

Ҳақиқатан ҳам,

$$w = e^z = u + iv$$

деб, (38) муносабатдан фойдаланиб

$$u = e^x \cos y, \quad v = e^x \sin y$$

бўлишини топамиз. Равшанки, бу функциялар \mathbb{R}^2 маънода дифференциалланувчи. Айни пайтда бу функция учун

$$\frac{\partial u}{\partial x} = e^x \cos y, \quad \frac{\partial u}{\partial y} = -e^x \sin y$$

$$\frac{\partial v}{\partial x} = e^x \sin y, \quad \frac{\partial v}{\partial y} = e^x \cos y$$

бўлиб,

$$\frac{\partial u}{\partial x} = \frac{\partial v}{\partial y}, \quad \frac{\partial u}{\partial y} = -\frac{\partial v}{\partial x}$$

бўлади (Коши-Риман шarti бажарилади).

2-боб, 2-параграфда келтирилган теоремага кўра $w = e^z$ функция \mathbb{C} да голоморф бўлади.

2°. $w = e^z$ функция комплекс текислик \mathbb{C} нинг ҳар бир нуқтасида ҳосилага эга ва

$$w' = (e^z)' = e^z$$

бўлади.

2-бобнинг 2-параграфиди келтирилган формуладан фойдаланиб топамиз:

$$(e^z)' = \frac{\partial}{\partial x} [e^x (\cos y + i \sin y)] = e^x (\cos y + i \sin y) = e^z$$

3°. Кўрсаткичли функция учун ушбу

$$e^{z_1+z_2} = e^{z_1} \cdot e^{z_2}$$

формула ўринли бўлади.

Айтайлик, $z_1 = x_1 + iy_1$, $z_2 = x_2 + iy_2$ бўлсин. Унда

$$e^{z_1} = e^{x_1} (\cos y_1 + i \sin y_1), \quad e^{z_2} = e^{x_2} (\cos y_2 + i \sin y_2)$$

бўлади.

Комплекс сонларни кўпайтириш қондасидан фойдаланиб топамиз:

$$\begin{aligned} e^{z_1} \cdot e^{z_2} &= e^{x_1} (\cos y_1 + i \sin y_1) \cdot e^{x_2} (\cos y_2 + i \sin y_2) = \\ &= e^{x_1+x_2} [(\cos y_1 + i \sin y_1)(\cos y_2 + i \sin y_2)] = \\ &= e^{x_1+x_2} [(\cos y_1 \cdot \cos y_2 - \sin y_1 \cdot \sin y_2) + i(\sin y_1 \cdot \cos y_2 + \cos y_1 \cdot \sin y_2)] = \\ &= e^{x_1+x_2} [\cos(y_1 + y_2) + i \sin(y_1 + y_2)] = e^{z_1+z_2} \end{aligned}$$

Демак,

$$e^{z_1} \cdot e^{z_2} = e^{z_1+z_2}$$

4°. Кўрсаткичли функция

$$w(z) = e^z$$

даврий функция бўлиб, унинг даври $T = 2\pi i$ га тенг.

Эйлер формуласига кўра

$$e^{2\pi i} = \cos 2\pi + i \sin 2\pi = 1$$

бўлишини эътиборга олиб, ҳамда кўрсаткичли функциянинг 3°-хоссасидан фойдаланиб $\forall z \in \mathbb{C}$ учун

$$w(z + 2\pi i) = e^{z+2\pi i} = e^z$$

бўлишини топамиз. Демак,

$$w(z + 2\pi i) = w(z).$$

Бу эса $w(z) = e^z$ функциянинг даврий функция эканини, унинг даври $T = 2\pi i$ га тенглигини билдиради.

Энди $w = e^z$ функция ёрдамида бажариладиган акслантиришни ўрганамиз.

Кўрсаткичли функциянинг ҳосиласи учун

$$w' = e^z \neq 0 \quad (z \in \mathbb{C})$$

бўлганлиги сабабли, бу функция ёрдамида бажариладиган акслантириш \mathbb{C} текисликнинг ҳар бир нуқтасида конформ акслантириш бўлади.

Айтайлик, $w = e^z$ функция \mathbb{C} текисликнинг ихтиёрий турли z_1 ва z_2 нуқталарини \mathbb{C}_w текисликдаги битта нуқтасига акслантирсин. Унда

$$e^{z_1} = e^{z_2},$$

яъни

$$e^{z_1 - z_2} = 1$$

бўлиб,

$$z_1 - z_2 = 2k\pi i \quad (k = 0, \pm 1, \pm 2, \dots) \quad (39)$$

бўлиши келиб чиқади.

Демак, $w = e^z$ функция \mathbb{C}_z текисликдаги бирор соҳада ўзаро бир қийматли функция бўлиши учун шу соҳага тегишли бўлган турли z_1 ва z_2 нуқталарда (39) шартни бажармаслиги зарур ва етарли.

Масалан, бундай соҳа сифатида

$$D = \{z \in \mathbb{C}: 0 < \text{Im}z < 2\pi\}$$

соҳани олиш мумкин.

Демак, $w = e^z$ функция ёрдамида бажариладиган акслантириш бу D соҳанинг ҳар бир нуқтасида конформ бўлиб, функция шу соҳада ўзаро бир қийматли экан. Бинобарин, $w = e^z$ функция ёрдамида бажариладиган акслантириш D соҳада конформ акслантириш бўлади.

Энди D соҳанинг акси $w(D)$ ни топамиз.

Ушбу

$$z = x + it \quad (z \in \mathbb{C}_z)$$

тўғри чизиқни олайлик. Бунда $-\infty < x < +\infty$ ва t тайинланган бўлиб, $0 < t < 2\pi$. Равшанки, бу тўғри чизиқ ох ўқига параллел бўлиб, D соҳага тегишли бўлади.


$w = e^z$ функция ёрдамида бу тўғри чизиқ \mathbb{C}_w текисликдаги

$$w = e^{x+it} = e^x \cdot e^{it} \quad (40)$$

га аксланади. (40)- \mathbb{C}_w текисликдаги 0 нуқтадан чиққан

$$\{w \in \mathbb{C}_w: \arg w = t\}$$

нурни ифодалайди (32-чизма).



32-чизма

t параметр 0 дан 2π гача ўзгара борса, унда

$$z = x + it \quad -\infty < x < +\infty,$$

тўғри чизиқлар

$$D = \{z \in \mathbb{C}_z: 0 < \text{Im}z < 2\pi\}$$

соҳани ҳосил қилиб, бу чизиқларнинг $w = e^z$ функция ёрдамидаги акслари

$$\{w \in \mathbb{C}_w: \arg w = t\}$$

нурлар эса соат стрелкасига қарши ҳаракатлана бориб, \mathbb{C}_w текисликни тўлдира боради.

Бунда

$$z = x, \quad z = x + i2\pi \quad -\infty < x < +\infty.$$

тўғри чизиқларнинг акси мос равишда

$$\{w \in \mathbb{C}_w: \arg z = 0\}, \quad \{w \in \mathbb{C}_w: \arg w = 2\pi\}$$

бўлиб, улар \mathbb{C}_w текисликда

$$\{w \in \mathbb{C}_w: w \in [0, +\infty)\}$$

нурни ифодалайди.

Шундай қилиб


$$w = e^z$$

функция ёрдамида бажариладиган акслантириш \mathbb{C}_z текисликдаги

$$D = \{z \in \mathbb{C}_z: 0 < \text{Im}z < 2\pi\}$$

соҳани, \mathbb{C}_w текисликдаги

$C_w \setminus \{w \in C_w : w \in [0, +\infty)\}$
соҳага конформ акслантирар экан (33-чизма).



33-чизма

Энди C_z текисликда


$$z = t + iy, \quad (41)$$

бунда $0 < y < 2\pi$ ва t тайинланган бўлиб, $-\infty < t < +\infty$, тўғри чизиқ қисмини олайлик. Равшанки, y мавҳум ўққа параллел бўлиб, D соҳага тегишли бўлади.

$w = e^z$ функция ёрдамида (41) C_w текисликдаги

$$w = e^{t+iy} = e^t \cdot e^{iy} \quad (|w| = e^t, \arg w = y) \quad (0 < y < 2\pi) \quad (42)$$

га аксланади. (42)-маркази 0 нуқтада, радиуси e^t га тенг ва $(e^t, 0)$ нуқтага эга бўлмаган айланани ифодалайди: (34-чизма).



34-чизма

Демак,

$$w(t + iy) = \{w \in C_w : |w| = e^t\} \setminus \{u = e^t\}$$

Мисоллар. 1. Кўрсаткичли $w = e^z$ функция C_z текисликдаги

$$D = \left\{ z \in C_z : 0 < \operatorname{Re} z < 1, 0 < \operatorname{Im} z < \frac{\pi}{2} \right\}$$

соҳани, C_w текисликдаги қандай соҳага акслантиради ?

$z = x + iy, w = \rho e^{i\varphi}$ деб олайлик. Унда

$$\rho \cdot e^{i\varphi} = e^{x+iy}$$

бўлиб, D соҳада


$$e^0 < \rho < e^1$$

$$0 < \varphi < \frac{\pi}{2}$$

бўлади. Шуларни эътиборга олиб топамиз:

$$w(D) = \left\{ w \in C_w : w = \rho e^{i\varphi}; 1 < \rho < e, 0 < \varphi < \frac{\pi}{2} \right\}$$

(35-чизма).



35-чизма

2. Ушбу

$$w = e^z$$

функция ёрдамида C_z текисликдаги

$$D = \{z \in C_z : \operatorname{Re} z > 0, -\pi < \operatorname{Im} z < \pi\}$$

соҳанинг C_w текисликдаги аксини топинг.

Агар $z = x + iy, w = \rho e^{i\varphi}$ дейилса, унда

$$D = \{(x, y) \in \mathbb{R}^2 : x > 0, -\pi < y < \pi\}$$

бўлиб,

$$\rho > 1, -\pi < \varphi < \pi$$

бўлади. Демак,

$$\begin{aligned} w(D) &= \{w \in C_w : w = \rho e^{i\varphi}; \rho > 1, -\pi < \varphi < \pi\} = \\ &= \{w \in C_w : |w| > 1\} \setminus \{w \in C_w : w \in (-\infty, -1]\}. \end{aligned}$$

6-§. Тригонометрик ва гиперболик функциялар

Тригонометрик ҳамда гиперболик функциялар кўрсаткичли функция орқали киритилади.

3 - т а ь р и ф. Ушбу

$$\cos z = \frac{e^{iz} + e^{-iz}}{2}, \quad \sin z = \frac{e^{iz} - e^{-iz}}{2i},$$

$$\operatorname{tg} z = \frac{\sin z}{\cos z} = -i \frac{e^{iz} - e^{-iz}}{e^{iz} + e^{-iz}}, \quad \operatorname{ctg} z = \frac{\cos z}{\sin z} = i \frac{e^{iz} + e^{-iz}}{e^{iz} - e^{-iz}}$$

кўринишдаги функциялар тригонометрик функциялар дейилади.
 $w = \sin z$ ва $w = \cos z$ функциялар бутун комплекс текис-лик
 C да аниқланган, $w = \operatorname{tg} z$ функция

$$C \setminus \left\{ z \in C: z = k\pi + \frac{\pi}{2}; k = 0, \pm 1, \pm 2, \dots \right\}$$

тўғламда, $w = \operatorname{ctg} z$ функция эса

$$C \setminus \{ z \in C: z = k\pi; k = 0, \pm 1, \pm 2, \dots \}$$

тўғламда аниқланган,
 Куйидагича

$$\operatorname{ch} z = \frac{e^z + e^{-z}}{2}, \quad \operatorname{sh} z = \frac{e^z - e^{-z}}{2} \quad (44)$$

$$\operatorname{th} z = \frac{\operatorname{sh} z}{\operatorname{ch} z} = \frac{e^z - e^{-z}}{e^z + e^{-z}}, \quad \operatorname{cth} z = \frac{\operatorname{ch} z}{\operatorname{sh} z} = \frac{e^z + e^{-z}}{e^z - e^{-z}}$$

аниқланган функциялар гиперболик функциялар дейилади.
 Тригонометрик ҳамда гиперболик функциялар ўзаро куйи-
 даги

$$\cos z = \operatorname{ch} z, \quad \sin z = -i \operatorname{sh} z, \quad \operatorname{th} z = -i \operatorname{tg} z$$

$$\operatorname{ch} z = \cos iz, \quad \operatorname{sh} z = -i \sin iz, \quad \operatorname{cth} z = i \operatorname{ctg} z$$

муносабатлар билан боғланган. Биз улардан бирини, масалан
 $\operatorname{sh} z = -i \sin iz$

бўлишини кўрсатамиз.

(43) ва (44) муносабатлардан фойдаланиб топамиз:

$$\sin iz = \frac{1}{2i} (e^{i(iz)} - e^{-i(iz)}) = \frac{1}{2i} (e^{i^2 z} - e^{-i^2 z}) =$$

$$= \frac{1}{2i} (e^{-z} - e^{z}) = -\frac{1}{i} \frac{e^z - e^{-z}}{2} = -\frac{1}{i} \operatorname{sh} z.$$

Демак,

$$\operatorname{sh} z = -i \sin iz.$$

• Тригонометрик функциялар кўрсаткичли функция орқали таърифлангандан, уларнинг кўрсаткичли функциялар хоссаларига ўхшаш хоссаларга эга бўлиши келиб чиқади. Айни пайтда тригонометрик функциялар орасида ҳақиқий аргументли тригонометрик функциялар орасидаги муносабатлар каби формулар ўринли бўлади.

Биз куйида тригонометрик функцияларнинг баъзи хоссаларини келтираемиз.

1°. Ушбу

- 1) $\sin^2 z + \cos^2 z = 1,$
- 2) $\sin(z_1 + z_2) = \sin z_1 \cdot \cos z_2 + \cos z_1 \cdot \sin z_2,$
- 3) $\cos(z_1 + z_2) = \cos z_1 \cdot \cos z_2 - \sin z_1 \cdot \sin z_2,$
- 4) $\sin\left(z + \frac{\pi}{2}\right) = \cos z, \quad \cos\left(z + \frac{\pi}{2}\right) = -\sin z,$
- 5) $\sin(z + \pi) = -\sin z, \quad \cos(z + \pi) = -\cos z$

формулар ўринли.

Бу формуларнинг ўринли бўлишини кўрсатиш қийин эмас.
 $w = \sin z$ ва $w = \cos z$ функцияларнинг таърифларидан фойдаланиб топамиз:

$$\sin^2 z + \cos^2 z = \left(\frac{e^{iz} - e^{-iz}}{2i} \right)^2 + \left(\frac{e^{iz} + e^{-iz}}{2} \right)^2 =$$

$$= \frac{e^{2iz} - 2 + e^{-2iz}}{-4} + \frac{e^{2iz} + 2 + e^{-2iz}}{4} = 1.$$

Қолган тенгликлар ҳам шунга ўхшаш исботланади.

2°. $w = \sin z$ тоқ функция, $w = \cos z$ эса жуфт функция бўлади.

Бу хоссанинг ўринли бўлиши $w = \sin z$, функцияларнинг таърифларидан бевосита келиб чиқади.

3°. Тригонометрик функциялар даврий бўлиб, $w = \sin z$, $w = \cos z$ функцияларнинг даври 2π га, $w = \operatorname{tg} z$, $w = \operatorname{ctg} z$ функцияларнинг даври эса π га тенг.

Ҳақиқатан, $w = \sin z$ функция таърифи ҳамда

$$e^{2\pi i} = 1$$

бўлишини эътиборга олиб топамиз:

$$w(z + 2\pi) = \sin(z + 2\pi) = \frac{1}{2i} (e^{i(z+2\pi)} - e^{-i(z+2\pi)}) =$$

$$= \frac{1}{2i} (e^{iz} \cdot e^{2\pi i} - e^{-iz} \cdot \frac{1}{e^{2\pi i}}) = \frac{e^{iz} - e^{-iz}}{2i} = \sin z = w(z).$$

Демак,

$$\sin(z + 2\pi) = \sin z.$$

Бу эса $w = \sin z$ даврий функция ва унинг даври 2π га тенг бўлишини билдиради.

$w = \operatorname{tg} z$ функция таърифидан фойдаланиб, ушбу

$$\begin{aligned} \operatorname{tg}(z + \pi) &= -i \frac{e^{i(z+\pi)} - e^{-i(z+\pi)}}{e^{i(z+\pi)} + e^{-i(z+\pi)}} = \frac{e^{i\pi}(e^{iz} - e^{-iz} \cdot e^{-2\pi i})}{e^{i\pi}(e^{iz} + e^{-iz} \cdot e^{-2\pi i})} = \\ &= -i \frac{e^{iz} - e^{-iz}}{e^{iz} + e^{-iz}} = \operatorname{tg}(z) \end{aligned}$$

тенгликка келамиз. Демак, $\operatorname{tg}(z + \pi) = \operatorname{tg}(z)$.

Шунга ўхшаш $w = \cos z$, $w = \operatorname{ctgz}$ функцияларнинг даврий функция эканлигини кўрсатилади.

4°. $w = \sin z$ ва $w = \cos z$ функциялар $\forall z \in \mathbb{C}$ да ҳосилага эга бўлиб, $(\sin z)' = \cos z$, $(\cos z)' = -\sin z$ бўлади.

$w = \operatorname{tgz}$ функция $\forall z \in \mathbb{C} \setminus \left\{ z \in \mathbb{C} : z = k\pi + \frac{\pi}{2}; k = 0, \pm 1, \dots \right\}$ да ҳосилага эга бўлиб,

$$(\operatorname{tgz})' = \frac{1}{\cos^2 z} \quad (45)$$

бўлади.

$w = \operatorname{ctgz}$ функция $\forall z \in \mathbb{C} \setminus \{z \in \mathbb{C} : z = k\pi; k = 0, \pm 1, \dots\}$ да ҳосилага эга бўлиб,

$$(\operatorname{ctgz})' = -\frac{1}{\sin^2 z} \quad (46)$$

бўлади.

Ҳақиқатан ҳам,

$$(\sin z)' = \left(\frac{e^{iz} - e^{-iz}}{2i} \right)' = \frac{1}{2i} (e^{iz} \cdot i + e^{-iz} \cdot (-i)) = \frac{e^{iz} + e^{-iz}}{2} = \cos z$$

$$\left(\frac{e^{iz} - e^{-iz}}{2} \right)' = \frac{1}{2} (e^{iz} \cdot i - e^{-iz} \cdot (-i)) =$$

$$\frac{e^{iz} - e^{-iz}}{2i} = -\sin z$$

5) формулаларнинг тўғрилиги

Тр. таърифлан. рига ўхшаш хо. тригонометрик функ. нометрик функциялар лар ўринли бўлади.

$y = \sin x$, $y = \cos x$ функ. бўлишини биламиз. функцияларнинг қийматлари и мумкин:

66


98

4 - БОБ

КОМПЛЕКС АРГУМЕНТЛИ ФУНКЦИЯЛАРНИНГ ИНТЕГРАЛИ

1 - § . Интеграл тушунчаси

1°. Интеграл таърифи. Комплекс сонлар текислиги \mathbb{C}_z да бирор силлиқ (бўлакли силлиқ) $\gamma = AB$ эгри чизиқни олайлик (36 - чизма).



36-чизма

$\gamma = AB$ эгри чизиқни А дан В га қараб

$z_0, z_1, z_2, \dots, z_n$

нуқталар ёрдамида n та

$\gamma_1, \gamma_2, \dots, \gamma_n$

бўлақларга ажратамиз (бунда AB эгри чизиқнинг боши А нуқта z_0 , охири В нуқта эса z_n бўлсин.

γ_k лар ($k = 1, 2, 3, \dots, n$) узунликлари ℓ_k ларнинг ($k = 1, 2, 3, \dots, n$) энг каттасини λ билан белгилаймиз:

$$\lambda = \max_{1 \leq k \leq n} \ell_k$$

Айтайлик, γ эгри чизиқда $f(z)$ функция берилган бўлсин. Ҳар бир γ_k да ихтиёрий ξ_k нуқта олиб, сўнг $f(z)$ функциянинг шу нуқтадаги $f(\xi_k)$ қийматини $z_k - z_{k-1}$ га кўпайтириб, ушбу

$$\sigma = \sum_{k=1}^n f(\xi_k) \cdot (z_k - z_{k-1})$$

йиғиндини тузамиз. Бу йиғинди $f(z)$ функциянинг интеграл йиғиндиси дейилади.

101

Равшанки, $f(z)$ функциянинг интеграл йиғиндиси γ эгри чизиқнинг бўлинишига ҳамда ҳар бир γ_k да олинган ξ_k нуқталарга боғлиқ бўлади.

1-т а ь р и ф. Агар $\lambda \rightarrow 0$ да $f(z)$ функциянинг интеграл йиғиндиси γ эгри чизиқнинг бўлиниши усулига ҳамда γ_k да ξ_k нуқтанинг танлаб олинишига боғлиқ бўлмаган ҳолда чекли лимитга эга бўлса, бу лимит $f(z)$ функциянинг γ эгри чизиқ бўйича интеграл деб аталади ва

$$\int_{\gamma} f(z) dz$$

каби белгиланади. Демак,

$$\int_{\gamma} f(z) dz = \lim_{\lambda \rightarrow 0} \sum_{k=1}^n f(\xi_k) \cdot (z_k - z_{k-1}) \quad (1)$$

Бу ҳолда $f(z)$ функция γ эгри чизиқ бўйича интегралланувчи дейилади.

М и с о л. $f(z) = 1$ функциянинг боши a ($a \in C_z$) нуқтада, охири b ($b \in C_z$) нуқтада бўлган силлиқ (бўлакли силлиқ) эгри чизиқ бўйича интегрални топамиз.

Равшанки, $f(z) = 1$ функциянинг интеграл йиғиндиси

$$\begin{aligned} \sigma &= \sum_{k=1}^n f(\xi_k) \cdot (z_k - z_{k-1}) = \sum_{k=1}^n (z_k - z_{k-1}) = \\ &= z_1 - z_0 + z_2 - z_1 + \dots + z_n - z_{n-1} = z_n - z_0 \end{aligned}$$

бўлади. Агар

$$\lim_{\lambda \rightarrow 0} \sigma = \int_{\gamma} dz$$

ва $z_0 = a, z_n = b$ эканини эътиборга олсак, унда

$$\int_{\gamma} dz = b - a$$

бўлиши келиб чиқади.

Хусусан, $a = b$ бўлса, яъни γ ёпиқ эгри чизиқ бўлса

$$\int_{\gamma} dz = 0 \quad (2)$$

бўлади.

2°. И н т е г р а л н и н г м а в ж у д л и г и. Энди комплекс аргументли функция интегралнинг мавжудлиги масаласини қараймиз.

Юқорида келтирилган таърифдан кўринадики, (1) интеграл γ эгри чизиққа ҳамда унда берилган $f(z)$ функцияга боғлиқ бўлади.

Фараз қилайлик, $\gamma = AB$ ($\gamma \subset C_z$) эгри чизиқ

$$z = z(t) = x(t) + iy(t)$$

кўринишда берилган бўлсин. Бунда $x(t), y(t)$ функциялар $[\alpha, \beta]$ сегментда аниқланган, узлуксиз ҳамда узлуксиз $x'(t), y'(t)$

ҳосилаларга эга ($x'^2(t) + y'^2(t) > 0$) t параметр α дан β га қараб ўзгарганда $z = z(t)$ нуқта A дан B га қараб $\gamma = AB$ ни чиза боради.

γ эгри чизиқда

$$f(z) = u(x, y) + iv(x, y)$$

функция аниқланган ва узлуксиз бўлсин.

$[\alpha, \beta]$ сегментни

$$t_0, t_1, t_2, \dots, t_n$$

$$(t_0 < t_1 < t_2 < \dots < t_n; t_0 = \alpha, t_n = \beta)$$

нуқталар ёрдамида n та бўлакка ажратамиз.

$z = z(t)$ функция бу нуқталарни γ эгри чизиқ нуқта-ларига акслантиради. t_k ($k = 0, 1, 2, \dots, n$) нуқталарнинг γ эгри чизиқдаги аксларини

$$z_0, z_1, z_2, \dots, z_n \quad (z_0 = A, z_n = B)$$

дейлик.

Натижада бу нуқталар ёрдамида γ эгри чизиқ γ_k бўлақларга ($k = 0, 1, 2, \dots, n$) ажралади, ҳар бир γ_k да ихтиёрий ζ_k ($\zeta_k = \xi_k + i\eta_k$) нуқтани оламиз. Равшанки,

$$\zeta_k = z(\tau_k) \quad (t_{k-1} \leq \tau_k \leq t_k)$$

бўлади.

Энди ушбу

$$\sigma = \sum_{k=1}^n f(\zeta_k) \cdot (z_k - z_{k-1})$$

йиғиндини қараймиз. Бу йиғиндида

$$f(\zeta_k) = u(\xi_k, \eta_k) + iv(\xi_k, \eta_k),$$

$$z_k - z_{k-1} = (x_k + iy_k) - (x_{k-1} + iy_{k-1}) =$$

$$= (x_k - x_{k-1}) + i(y_k - y_{k-1}) = \Delta x_k + i\Delta y_k$$

бўлишини эътиборга олиб топамиз:

$$\sigma = \sum_{k=1}^n [u(\xi_k, \eta_k) + iv(\xi_k, \eta_k)] \cdot (\Delta x_k + i\Delta y_k) =$$

$$= \sum_{k=1}^n [u(\xi_k, \eta_k) \cdot \Delta x_k - v(\xi_k, \eta_k) \cdot \Delta y_k] + \quad (3)$$

$$+ i \sum_{k=1}^n [v(\xi_k, \eta_k) \cdot \Delta x_k + u(\xi_k, \eta_k) \cdot \Delta y_k]$$

Бу тенгликнинг ўнг томонидаги ҳар бир йиғинди $u(x, y)$ ва $v(x, y)$ функцияларнинг эгри чизиқли интеграллари учун интеграл йиғиндилардир. Қаралаётган $f(z) = u(x, y) + iv(x, y)$ функция γ эгри чизиқда узлуксиз. Бинобарин, $u(x, y)$ ва $v(x, y)$ функциялар ҳам γ да узлуксиз. Демак, бу функцияларнинг γ эгри чизиқ бўйича интеграллари мавжуд ва

$$\lim_{\lambda \rightarrow 0} \sum_{k=1}^n [u(\xi_k, \eta_k) \Delta x_k - v(\xi_k, \eta_k) \Delta y_k] = \int_{\gamma} u(x, y) dx - v(x, y) dy$$

$$\lim_{\lambda \rightarrow 0} \sum_{k=1}^n [v(\xi_k, \eta_k) \Delta x_k + u(\xi_k, \eta_k) \Delta y_k] = \int_{\gamma} v(x, y) dx + u(x, y) dy$$

бўлади.

(3) тенгликда $\lambda \rightarrow 0$ да лимитга ўтиб топамиз:

$$\lim_{\lambda \rightarrow 0} \sigma = \lim_{\lambda \rightarrow 0} \sum_{k=1}^n f(\xi_k) \cdot (z_k - z_{k-1}) =$$

$$= \int_{\gamma} u(x, y) dx - v(x, y) dy + i \int_{\gamma} v(x, y) dx + u(x, y) dy$$

Бундан эса $\lambda \rightarrow 0$ да σ йиғинди чекли лимитга эга ва

$$\int_{\gamma} f(z) dz = \int_{\gamma} u(x, y) dx - v(x, y) dy + i \int_{\gamma} v(x, y) dx + u(x, y) dy$$

бўлиши келиб чиқади. Натижада куйидаги теоремага келамиз.

1 - теорема. Агар $f(z)$ функция γ эгри чизиқда узлуксиз бўлса, у ҳолда бу функциянинг γ эгри чизиқ бўйича интеграллари мавжуд ва

$$\int_{\gamma} f(z) dz = \int_{\gamma} u(x, y) dx - v(x, y) dy + i \int_{\gamma} v(x, y) dx + u(x, y) dy$$

бўлади.

Бу теорема, бир томондан узлуксиз функция интеграллининг мавжудлигини ифодаласа, иккинчи томондан комплекс аргументли функция интеграллини эгри чизиқли интеграллар орқали ифодаланишини кўрсатади.

Мисол. Ушбу

$$\int_{\gamma} z dz$$

интегрални қарайлик, бунда γ - боши $a (a \in C_2)$ нуқтада, охири $b (b \in C_2)$ нуқтада бўлган силлиқ (бўлакли силлиқ) эгри чизиқ.

Равшанки, $f(z) = z$ функция γ эгри чизиқда узлуксиз. Бинобарин, бу функциянинг интегралли мавжуд. $f(z) = z$ функциянинг γ эгри чизиқ бўйича интеграллини таърифга кўра топишда ζ_k ва z_n нуқталарни интеграл йиғинди ва унинг лимитини ҳисоблашга қулай қилиб олиш мумкин. Шунини эътиборга олиб $f(z) = z$ функция интеграл йиғиндисини

$$\sigma = \sum_{k=1}^n f(\zeta_k) \cdot (z_k - z_{k-1})$$

да ζ_k нуқта сифатида

$$\zeta_k = \frac{1}{2}(z_k + z_{k-1})$$

ни оламиз. Унда

$$\sigma = \sum_{k=1}^n \frac{1}{2}(z_k + z_{k-1})(z_k - z_{k-1}) = \frac{1}{2} \sum_{k=1}^n (z_k^2 - z_{k-1}^2) =$$

$$= \frac{1}{2}(z_n^2 - z_0^2) = \frac{1}{2}(b^2 - a^2)$$

бўлиб,

$$\lim_{\lambda \rightarrow 0} \sigma = \frac{1}{2}(b^2 - a^2)$$

бўлади. Демак,

$$\int_{\gamma} z dz = \frac{1}{2}(b^2 - a^2).$$

Хусусан, $b = a$ бўлса, яъни γ ёпиқ чизиқ бўлса,

$$\int_{\gamma} z dz = 0 \quad (4)$$

бўлади.

3^o. Интегралнинг хоссалари. Юқорида кўрдикки, узлуксиз $f(z)$ комплекс ўзгарувчи функциянинг γ эгри чизик бўйича интеграллари эгри чизикли интегралларга келар экан. Бинобарин, комплекс аргументли функция интеграллари ҳам эгри чизикли интеграллар хоссалари каби хоссаларга эга бўлади. Уларни асосан исботсиз келтирамиз.

1) Агар $f(z)$ функция γ эгри чизик бўйича интегралланувчи бўлса, у ҳолда $a \cdot f(z)$ функция (a ўзгармас комплекс сон) ҳам γ эгри чизик бўйича интегралланувчи ва ушбу

$$\int_{\gamma} a f(z) dz = a \int_{\gamma} f(z) dz$$

формула ўринли бўлади.

2) Агар $f(z)$ ва $g(z)$ функцияларнинг ҳар бири γ эгри чизик бўйича интегралланувчи бўлса, у ҳолда $f(z) \pm g(z)$ функция ҳам шу γ эгри чизик бўйича интегралланувчи ва ушбу

$$\int_{\gamma} [f(z) \pm g(z)] dz = \int_{\gamma} f(z) dz \pm \int_{\gamma} g(z) dz$$

формула ўринли бўлади.

3) Агар $f(z)$ функция γ эгри чизик бўйича интегралланувчи бўлиб,

$$\gamma = \gamma_1 \cup \gamma_2 \quad (\gamma_1 \cap \gamma_2 = \emptyset)$$

бўлса, у ҳолда

$$\int_{\gamma} f(z) dz = \int_{\gamma_1} f(z) dz + \int_{\gamma_2} f(z) dz$$

бўлади.

4) Агар $f(z)$ функция γ эгри чизик бўйича интегралланувчи бўлса, у ҳолда

$$\int_{\gamma^-} f(z) dz = - \int_{\gamma} f(z) dz$$

бўлади, яъни γ эгри чизикда йўналиш ўзгартирилса, интеграл ишорасини ўзгартиради.

5) Агар $f(z)$ функция γ эгри чизикда узлуксиз бўлса, у ҳолда

$$\left| \int_{\gamma} f(z) dz \right| \leq \int_{\gamma} |f(z)| \cdot |dz| \quad (5)$$

бўлади, бунда $|dz| = \sqrt{dx^2 + dy^2}$.

Интеграл таърифига кўра

$$\int_{\gamma} f(z) dz = \lim_{\lambda \rightarrow 0} \sum_{k=1}^n f(\zeta_k) \cdot (z_k - z_{k-1}),$$

$$\int_{\gamma} |f(z)| \cdot |dz| = \lim_{\lambda \rightarrow 0} \sum_{k=1}^n |f(\zeta_k)| \cdot |z_k - z_{k-1}| \quad (6)$$

бўлади.

Маълумки,

$$\left| \sum_{k=1}^n f(\zeta_k) \cdot (z_k - z_{k-1}) \right| \leq \sum_{k=1}^n |f(\zeta_k)| \cdot |z_k - z_{k-1}|$$

Бу тенгсизликда $\lambda \rightarrow 0$ да лимитга ўтиб, юқоридаги (6) муносабатни эътиборга олсак,

$$\left| \int_{\gamma} f(z) dz \right| \leq \int_{\gamma} |f(z)| \cdot |dz|$$

бўлиши келиб чиқади.

Жумладан,

$$M = \max_{\gamma} |f(z)|$$

бўлганда (5) тенгсизликдан

$$\left| \int_{\gamma} f(z) dz \right| \leq M \cdot \ell(\gamma) \quad (7)$$

бўлиши келиб чиқади, бунда $\ell(\gamma)$ — γ эгри чизик узунлиги.

Комплекс аргументли функция интегралнинг кейинги хоссаси функциянинг эгри чизик бўйича интегралнинг синик чизик бўйича интеграл билан яқинлаштириш мумкинлигини кўрсатади.

6) Фараз қилайлик $f(z)$ функция D соҳада ($D \subset C_2$) узлуксиз бўлиб, γ шу соҳага тегишли бўлган бўлакли- силлик эгри чизик бўлсин. У ҳолда $\forall \varepsilon > 0$ сон олинганда ҳам D соҳага тегишли бўлган шундай P синик чизик топилдики,

$$\left| \int_{\gamma} f(z) dz - \int_P f(z) dz \right| < \varepsilon$$

бўлади.

4^o. Интегрални ҳисоблаш. Айтайлик, комплекс сонлар текислиги C_z да γ эгри чизиқ ушбу

$$z = z(t) = x(t) + iy(t) \quad (\alpha \leq t \leq \beta)$$

тенглама билан берилган бўлиб, $x(t)$, $y(t)$ функциялар 2^o - пункт-да келтирилган барча шартларни қаноатлантирсин. Бу эгри чизиқда $f(z)$ функция берилган ва узлуксиз бўлсин. γ ҳолда 1-теоремага кўра

$$\int_{\gamma} f(z) dz = \int_{\gamma} u(x,y) dx - v(x,y) dy + i \int_{\gamma} v(x,y) dx + u(x,y) dy$$

бўлади.

Энди бу тенгликнинг ўнг томонидаги эгри чизиқли интегралларни [2], 19-боб, 2- § да келтирилган формулалардан фойдаланиб, Риман интеграллари орқали ёзамиз:

$$\int_{\gamma} u(x,y) dx - v(x,y) dy = \int_{\alpha}^{\beta} [u(x(t),y(t)) \cdot x'(t) - v(x(t),y(t)) \cdot y'(t)] dt,$$

$$\int_{\gamma} v(x,y) dx + u(x,y) dy = \int_{\alpha}^{\beta} [v(x(t),y(t)) \cdot x'(t) + u(x(t),y(t)) \cdot y'(t)] dt.$$

Натижада

$$\begin{aligned} \int_{\gamma} f(z) dz &= \int_{\alpha}^{\beta} [u(x(t),y(t)) \cdot x'(t) - v(x(t),y(t)) \cdot y'(t)] dt + \\ &+ i \int_{\alpha}^{\beta} [v(x(t),y(t)) \cdot x'(t) + u(x(t),y(t)) \cdot y'(t)] dt = \\ &= \int_{\alpha}^{\beta} [u(x(t),y(t)) + iv(x(t),y(t))] \cdot [x'(t) + iy'(t)] dt = \int_{\alpha}^{\beta} f(z(t)) \cdot z'(t) dt \end{aligned}$$

бўлади. Демак,

$$\int_{\gamma} f(z) dz = \int_{\alpha}^{\beta} f(z(t)) \cdot z'(t) dt \quad (8)$$

Шундай қилиб, комплекс аргументли функциянинг интегралли Риман интегралли орқали (8) формула ёрдамида ҳисобланар экан.

Изоҳ. (8) тенглик билан аниқланган интегрални комплекс аргументли функция интегралли таърифи сифатида қараш мумкин.

Мисол. Ушбу

$$I_n = \int_{\gamma} (z-a)^n dz \quad (n\text{-бутун сон})$$

интегрални ҳисобланг, бунда

$$\gamma = \{z \in C_z : |z-a| = \rho, \rho > 0\}$$

айланадан иборат (йўналиш соат стрелкасига қарама-қарши олинган)

γ айлананинг тенгламасини қуйидаги

$$z = z(t) = a + \rho e^{it} \quad (0 \leq t \leq 2\pi)$$

кўринишда ёзиб оламиз. Унда

$$dz = d(a + \rho e^{it}) = i\rho e^{it} dt$$

бўлиб, (8) формулага кўра

$$I_n = \int_{\gamma} (z-a)^n dz = i\rho^{n+1} \int_0^{2\pi} e^{i(n+1)t} dt$$

бўлади.

Агар $n \neq -1$ бўлса,

$$I_n = i\rho^{n+1} \int_0^{2\pi} e^{i(n+1)t} dt = i\rho^{n+1} \frac{e^{i(n+1)t}}{i(n+1)} \Big|_0^{2\pi} = 0$$

бўлади.

Агар $n = -1$ бўлса,

$$I_{-1} = i \int_0^{2\pi} e^{i \cdot 0} dt = 2\pi i$$

бўлади. Демак,

$$\int_{\gamma} (z-a)^n dz = \int_{|z-a|=\rho} (z-a)^n dz = \begin{cases} 0, & n \neq -1, \\ 2\pi i, & n = -1 \end{cases}$$

2-§. Коши теоремаси

1°. Коши теоремаси комплекс ўзгарувчи функциялар назариясининг фундаментал теоремаси ҳисобланади.

Биз ушбу параграфда мазкур теоремани ўрганамиз.


2-теорема (Коши теоремаси). Агар $f(z)$ функция бир боғламли D соҳада ($D \subset C_2$) голоморф бўлса, у ҳолда $f(z)$ функциянинг D соҳада ётувчи ҳар қандай силлик (булакли силлик) γ ёпиқ чизиқ (ёпиқ контур) бўйича интеграл нолга тенг бўлади:

$$\int_{\gamma} f(z) dz = 0.$$

И с б о т. Теореманинг исботини бир нечта босқичда келтирамеиз.

а) γ эгри чизиқ учбурчак контуридан иборат бўлсин:

$\gamma = \Delta$ (37-чизма).



37-чизма

Бу учбурчакнинг периметри l га тенг бўлсин. Бу ҳолда теоремани исботлаш учун тескарасини фараз қиламеиз, яъни $f(z)$ функция бир боғламли D соҳада голоморф бўлса ҳам бу функциянинг D соҳада ётувчи ABC учбурчак контури Δ бўйича интеграл нолга тенг бўлмасин:

$$\int_{\Delta} f(z) dz \neq 0.$$

Айтайлик,

$$\left| \int_{\Delta} f(z) dz \right| = M > 0$$

бўлсин.

$\Delta = ABC$ учбурчакни, унинг томонлари ўрталарини бирлаштирувчи тўғри чизиқ кесмалари ёрдамида 4 та

$$\Delta^{(1)}, \Delta^{(2)}, \Delta^{(3)}, \Delta^{(4)}$$

учбурчакларга ажратамеиз. Равшанки, бу учбурчак контурлари учун

$$\Delta^{(1)} = aB + Bc + ca,$$

$$\Delta^{(2)} = cA + Ab + bc,$$

$$\Delta^{(3)} = bC + Ca + ab,$$

$$\Delta^{(4)} = ac + cb + ba$$

бўлиб,

$$\int_{\Delta^{(1)}} f(z) dz = \int_{aB} f(z) dz + \int_{Bc} f(z) dz + \int_{ca} f(z) dz,$$

$$\int_{\Delta^{(2)}} f(z) dz = \int_{cA} f(z) dz + \int_{Ab} f(z) dz + \int_{bc} f(z) dz,$$

$$\int_{\Delta^{(3)}} f(z) dz = \int_{bC} f(z) dz + \int_{Ca} f(z) dz + \int_{ab} f(z) dz,$$

$$\int_{\Delta^{(4)}} f(z) dz = \int_{ac} f(z) dz + \int_{cb} f(z) dz + \int_{ba} f(z) dz$$

бўлади. Кейинги тенгликларни ҳадлаб қўшиб топамеиз:

$$\begin{aligned} & \int_{\Delta^{(1)}} f(z) dz + \int_{\Delta^{(2)}} f(z) dz + \int_{\Delta^{(3)}} f(z) dz + \int_{\Delta^{(4)}} f(z) dz = \\ & = \left[\int_{aB} f(z) dz + \int_{Bc} f(z) dz + \int_{ca} f(z) dz + \int_{bC} f(z) dz + \int_{Ca} f(z) dz \right] + \\ & + \left(\int_{ca} f(z) dz + \int_{ac} f(z) dz \right) + \left(\int_{bc} f(z) dz + \int_{ac} f(z) dz \right) + \\ & + \left(\int_{ab} f(z) dz + \int_{ba} f(z) dz \right). \end{aligned} \quad (9)$$

Агар

$$\begin{aligned} & \int_{aB} f(z)dz + \int_{Bc} f(z)dz + \int_{cA} f(z)dz + \\ & + \int_{Ab} f(z)dz + \int_{bC} f(z)dz + \int_{Ca} f(z)dz = \int_{\Delta} f(z)dz, \\ & \int_{ca} f(z)dz + \int_{ac} f(z)dz = 0, \quad \int_{bc} f(z)dz + \int_{cb} f(z)dz = 0, \\ & \int_{ab} f(z)dz + \int_{ba} f(z)dz = 0, \end{aligned}$$

бўлишини эътиборга олсак, унда (9) муносабатдан

$$\int_{\Delta} f(z)dz = \int_{\Delta^{(1)}} f(z)dz + \int_{\Delta^{(2)}} f(z)dz + \int_{\Delta^{(3)}} f(z)dz + \int_{\Delta^{(4)}} f(z)dz$$

эканлиги келиб чиқади.

Равшанки,

$$M = \left| \int_{\Delta} f(z)dz \right| \leq \left| \int_{\Delta^{(1)}} f(z)dz \right| + \left| \int_{\Delta^{(2)}} f(z)dz \right| + \left| \int_{\Delta^{(3)}} f(z)dz \right| + \left| \int_{\Delta^{(4)}} f(z)dz \right|$$

Бу тенгсизликнинг ўнг томонидаги қўшилувчилардан камида биттаси $\frac{M}{4}$ дан кичик бўлмайди (акс ҳолда

$$M = \left| \int_{\Delta} f(z)dz \right| < 4 \cdot \frac{M}{4} = M$$

бўлиб, $M < M$ каби маъносиз тенгсизликка келиб қолади). Айтайлик,

$$\left| \int_{\Delta_1} f(z)dz \right| \geq \frac{M}{4}$$

бўлсин, бунда Δ_1 учбурчак $\Delta^{(1)}, \Delta^{(2)}, \Delta^{(3)}, \Delta^{(4)}$ учбурчаклардан

бири ва унинг периметри $\frac{1}{2^n}$ га тенг.

Энди Δ_1 учбурчакни юқоридаги усул билан 4 та $\Delta_1^{(1)}, \Delta_1^{(2)}, \Delta_1^{(3)}, \Delta_1^{(4)}$ учбурчакларга ажратамиз. Бу учбурчаклар орасида шундай Δ_2 учбурчак топиладики,

$$\left| \int_{\Delta_2} f(z)dz \right| \geq \frac{M}{4^2}$$

бўлади. Δ_2 учбурчакнинг периметри $\frac{1}{2^2}$ га тенг.

Бу жараёни чексиз давом эттира борамиз. Натижада

$$\Delta_1, \Delta_2, \Delta_3, \dots, \Delta_n, \dots \quad (10)$$

учбурчаклар кетма-кетлиги ҳосил бўлади. (10) учбурчаклар кетма-кетлиги учун:

1) $\Delta_1 \supset \Delta_2 \supset \Delta_3 \supset \dots \supset \Delta_n \supset \dots;$

2) Δ_n учбурчакнинг периметри $\frac{1}{2^n}$ га тенг ва $n \rightarrow \infty$ да

$\frac{1}{2^n} \rightarrow 0;$

3) ҳар бир Δ_n ($n = 1, 2, 3, \dots$) учбурчак учун

$$\left| \int_{\Delta_n} f(z)dz \right| \geq \frac{M}{4^n} \quad (11)$$

бўлади.

1) ва 2) тасдиқлардан барча $\Delta_1, \Delta_2, \Delta_3, \dots, \Delta_n, \dots$ учбурчакларга тегишли бўлган ягона z_0 нуқта ($z_0 \in D$) мавжуд бўлиши келиб чиқади.

Шартга кўра $f(z)$ функция z_0 нуқтада голоморф. Демак, $\forall \epsilon > 0$ сон олинганда ҳам шундай $\delta = \delta(\epsilon)$ сон топиладики,

$$|z - z_0| < \delta \quad (12)$$

тенгсизликни қаноатлантирувчи барча z лар учун

$$\left| \frac{f(z) - f(z_0)}{z - z_0} - f'(z_0) \right| < \epsilon,$$

яъни

$$|f(z) - f(z_0) - f'(z_0)(z - z_0)| < \epsilon \cdot |z - z_0| \quad (13)$$

бўлади.

Энди (2) ва (4) формулаларга кўра

$$\int_{\Delta_n} dz = 0, \quad \int_{\Delta_n} z dz = 0$$

ва n нинг етарлича катта қийматида

$$\Delta_n \subset \{z \in C_z : |z - z_0| < \delta\}$$

бўлишини ҳамда (13) тенгсизликни эътиборга олиб топамиз:

$$\left| \int_{\Delta_n} f(z) dz \right| = \left| \int_{\Delta_n} [f(z) - f(z_0) - f'(z)(z - z_0)] dz \right| \leq$$

$$\leq \int_{\Delta_n} |f(z) - f(z_0) - f'(z)(z - z_0)| dz < \quad (14)$$

$$< \varepsilon \cdot \int_{\Delta_n} |z - z_0| |dz| \leq \varepsilon \cdot \frac{\rho^2}{4^n}$$

(11) ва (14) муносабатлардан

$$\frac{M}{4^n} \leq \left| \int_{\Delta_n} f(z) dz \right| < \varepsilon \cdot \frac{\rho^2}{4^n}$$

бўлиши келиб чиқади. Демак,

$$M < \varepsilon \cdot \rho^2.$$

Бу тенгсизлик $M > 0$ деб қилинган фаразга зид (чунки, ε - ихтиёрий мусбат сон). Зиддиятлик бўлмаслиги учун $M = 0$ бўлиши керак. Шундай қилиб $M = 0$, яъни

$$\int_{\Delta} f(z) dz = 0$$

бўлади.

б) γ эгри чизиқ кўпбурчак контуридан иборат бўлсин:

$$\gamma = P.$$

Равшанки, кўпбурчак чекли сондаги учбурчакларга ажралади ва

$$\int_P f(z) dz$$

интеграл эса бу учбурчаклар бўйича олинган интеграллар йиғиндисига тенг бўлади. Учбурчаклар бўйича олинган интегралларнинг ҳар бири а) ҳолга биноан нолга тенг бўлади. Бинобарин, $f(z)$ функциянинг кўпбурчак контури бўйича олинган интеграл ҳам нолга тенг бўлади:

$$\int_P f(z) dz = 0$$

в) γ эгри чизиқ ихтиёрий силлиқ (бўлакли силлиқ) ёпик эгри чизиқ бўлсин. Интегралнинг в-хоссасига кўра D соҳага тегишли бўлган шундай P кўпбурчак топиладики,

$$\left| \int_{\gamma} f(z) dz - \int_P f(z) dz \right| < \varepsilon$$

бўлади, бунда ε - ихтиёрий мусбат сон. б) ҳолга биноан

$$\int_P f(z) dz = 0$$

Демак,

$$\left| \int_{\gamma} f(z) dz \right| < \varepsilon$$

Бундан эса

$$\int_{\gamma} f(z) dz = 0$$


бўлиши келиб чиқади. Теорема тўлиқ исбот бўлди.

1 - н а т и ж а . Агар $f(z)$ функция бир боғламли D соҳада ($D \subset C_2$) голоморф бўлса, у ҳолда $f(z)$ функциянинг интегралли интеграллаш эгри чизигига (интеграллаш йўлига) боғлиқ бўлмайди, яъни бошланғич ва охириги нуқталари умумий ҳамда D соҳада ётувчи γ_1 ва γ_2 эгри чизиқлар учун

$$\int_{\gamma_1} f(z) dz = \int_{\gamma_2} f(z) dz$$

бўлади.

И с б о т . D соҳанинг z_0 ва z_1 нуқталарини бирлаштирувчи ва шу соҳага тегишли бўлган ихтиёрий $\gamma_1 = z_0 a z_1$ ҳамда $\gamma_2 = z_0 b z_1$ силлиқ (бўлакли силлиқ) эгри чизиқларни олайлик (38-чизма).



38-чизма

Бу ҳолда $z_0 a z_1$ ва $z_0 b z_1$ эгри чизиқлар биргаликда D соҳага тегишли бўлган γ ёпик чизиқни ташкил этади:

$$\gamma = \gamma_1 \bar{\cup} \gamma_2.$$

Унда Коши теоремасига мувофиқ

$$\int_{\gamma} f(z) dz = 0 \quad (15)$$

бўлади. Интегралнинг хоссаларидан фойдаланиб, топамиз:

$$\begin{aligned} \int_{\gamma} f(z) dz &= \int_{\gamma_1} f(z) dz + \int_{\gamma_2} f(z) dz = \\ &= \int_{\gamma_2} f(z) dz - \int_{\gamma_1} f(z) dz \end{aligned} \quad (16)$$

(15) ва (16) муносабатлардан

$$\int_{\gamma_1} f(z) dz = \int_{\gamma_2} f(z) dz$$

бўлиши келиб чиқади.

Энди Коши теоремасининг умумлашишини ифодаловчи теоремаларни исботсиз келтирамиз.


Айтайлик, D ($D \subset C_2$) чегараланган бир боғламли соҳа бўлиб, унинг чегараси ∂D силлиқ (бўлакли силлиқ) ёпиқ эгри чизиқдан иборат бўлсин.

3-теорема. Агар $f(z)$ функция бир боғламли D соҳада голоморф бўлиб, ∂D да узлуксиз бўлса, у ҳолда

$$\int_{\partial D} f(z) dz = 0$$

бўлади. Бу ерда ∂D нинг йўналиши мусбат йўналиш.

Фараз қилайлик, D ($D \subset C_2$) ва ўзаро кесишмайдиган $\gamma_1, \gamma_2, \dots, \gamma_n$, силлиқ (бўлакли силлиқ) ёпиқ эгри чизиқлар билан чегараланган кўп боғламли соҳа бўлсин (39-чизма)



39-чизма

Равшанки, D соҳанинг чегараси

$$\gamma_0 \cup \gamma_1 \cup \gamma_2 \cup \dots \cup \gamma_n$$

бўлади. Бунда γ_0 ёпиқ чизиқда йўналиш соат стрелкаси йўналишга қарши, $\gamma_1, \gamma_2, \dots, \gamma_n$, ёпиқ чизиқларда эса йўналиш соат стрелкаси йўналиши бўйича олинади (39-чизма).

Одатда бундай йўналишда олинган чегара ориентирланган чегара дейилади. Уни ∂D дейлик.

4-теорема. Агар $f(z)$ функция D соҳада голоморф ва ∂D да узлуксиз бўлса, у ҳолда $f(z)$ функциянинг ∂D бўйича интегрални нолга тенг бўлади:

$$\int_{\partial D} f(z) dz = 0$$

Бу кўп боғламли соҳа учун Коши теоремасидир.

Мисол. Ушбу

$$\int_{\gamma} \frac{z^2}{z-2i} dz$$

интегралнинг нолга тенг бўлишини кўрсатинг, бунда

$$\gamma = \{z \in C_2 : |z|=1\}$$

Агар D ($D \subset C_2$) деб қуйидаги

$$D = \left\{ z \in C_2 : |z| < \frac{3}{2} \right\}$$

соҳа олинса, унда биринчидан

$$f(z) = \frac{z^2}{z-2i}$$

функция D да голоморф бўлади, иккинчидан қаралаётган γ ёпиқ чизиқ D соҳага тегишли бўлади: $\gamma \subset D$.

Унда Коши теоремасига кўра

$$\int_{\gamma} f(z) dz = \int_{\gamma} \frac{z^2}{z-2i} dz = 0$$

бўлади.

2^o. Бошланғич функция тушунчаси. Фараз қилайлик, $f(z)$ функция D соҳада ($D \subset C_2$) аниқланган бўлсин.

2-таъриф. Агар D соҳада $f(z)$ функция шу соҳада голоморф бўлган $F(z)$ функциянинг ҳосиласига тенг бўлса, яъни

$$F'(z) = f(z) \quad (z \in D)$$

бўлса, у ҳолда $F(z)$ функция D соҳада $f(z)$ функциянинг бошланғич функцияси дейилади.

Агар D соҳада $F(z)$ функция $f(z)$ функциянинг бошланғич функцияси бўлса $F(z)+C$ ҳам (C -ихтиёрий ўзгармас комплекс сон) $f(z)$ функциянинг бошланғич функцияси бўлади.

Ҳақиқатан ҳам,

$$(F(z)+C)' = F'(z) = f(z).$$

Энди бошланғич функциянинг мавжудлиги ҳақидаги теоремани келтирамиз.

5-теорема. Агар $f(z)$ функция бир боғламли D соҳада ($D \subset C_z$) голоморф бўлса, у ҳолда $f(z)$ функция шу соҳада бошланғич функцияга эга бўлади.

Исбот. D соҳада z_0 ва ихтиёрий z нуқталарни олиб, уларни шу соҳада ётувчи силлиқ (бўлакли силлиқ) чизик билан бирлаштирамиз. Унда

$$\int_{z_0}^z f(\zeta) d\zeta$$

интеграл z га боғлиқ бўлади. Уни $F(z)$ орқали белгилаймиз:

$$F(z) = \int_{z_0}^z f(\zeta) d\zeta. \quad (17)$$

Коши теоремасининг натижасига кўра бу интеграл интеграллаш йўлига боғлиқ бўлмайди. Бинобарин, $F(z)$ функция D соҳада бир қийматда аниқланади.

Энди (17) функцияни D соҳада берилган $f(z)$ функциянинг бошланғич функцияси бўлишини кўрсатамиз.

z нуқтага шундай Δz орттирма берайликки, $z+\Delta z$ нуқта z нуқтанинг D соҳага тегишли етарлича кичик атрофида ётсин. У ҳолда $F(z)$ функциянинг орттирмаси учун куйидагига

$$F(z+\Delta z) - F(z) = \int_{z_0}^{z+\Delta z} f(\zeta) d\zeta - \int_{z_0}^z f(\zeta) d\zeta = \int_z^{z+\Delta z} f(\zeta) d\zeta \quad (\zeta \in D)$$

эга бўламиз. Бу тенгликнинг ҳар икки томонини Δz га бўламиз:

$$\frac{F(z+\Delta z) - F(z)}{\Delta z} = \frac{1}{\Delta z} \int_z^{z+\Delta z} f(\zeta) d\zeta. \quad (18)$$

Равшанки,

$$\int_z^{z+\Delta z} f(\zeta) d\zeta = f(z) \cdot \Delta z,$$

яъни

$$\frac{1}{\Delta z} \int_z^{z+\Delta z} f(\zeta) d\zeta = f(z) \quad (19)$$

бўлади.

(18) ва (19) муносабатлардан фойдаланиб

$$\frac{F(z+\Delta z) - F(z)}{\Delta z} - f(z) = \frac{1}{\Delta z} \int_z^{z+\Delta z} f(\zeta) d\zeta - \frac{1}{\Delta z} \int_z^{z+\Delta z} f(z) d\zeta = \frac{1}{\Delta z} \int_z^{z+\Delta z} [f(\zeta) - f(z)] d\zeta$$

ифодани топамиз.

Кейинги тенгликдан

$$\left| \frac{F(z+\Delta z) - F(z)}{\Delta z} - f(z) \right| \leq \frac{1}{|\Delta z|} \int_z^{z+\Delta z} |f(\zeta) - f(z)| |d\zeta| \quad (20)$$

бўлиши келиб чиқади.

Яна Коши теоремасининг натижасидан фойдаланиб, z ва $z+\Delta z$ нуқталарини бирлаштирувчи ва D соҳада ётувчи чизик сифатида шу нуқталарни бирлаштирувчи кесмани оламиз. Унда ζ нинг $[z, z+\Delta z]$ кесмага тегишли бўлишидан ушбу

$$|z - \zeta| \leq |\Delta z|$$

тенгсизликка эга бўламиз.

$f(z)$ функция z нуқтада узлуксиз. Демак, $\forall \varepsilon > 0$ сон олинганда ҳам шундай $\delta > 0$ сон топиладики, $|\Delta z| < \delta$ бўлганда

$$|f(\zeta) - f(z)| < \varepsilon$$

бўлади. Шунинг эътиборга олиб, (20) муносабатдан топамиз:

$$\begin{aligned} \left| \frac{F(z+\Delta z) - F(z)}{\Delta z} - f(z) \right| &\leq \frac{1}{|\Delta z|} \int_z^{z+\Delta z} |f(\zeta) - f(z)| |d\zeta| < \\ &< \frac{1}{|\Delta z|} \cdot \varepsilon \int_z^{z+\Delta z} |d\zeta| = \frac{\varepsilon}{|\Delta z|} \cdot |\Delta z| = \varepsilon \end{aligned}$$

Демак,

$$\left| \frac{F(z+\Delta z) - F(z)}{\Delta z} - f(z) \right| < \varepsilon$$

Бундан эса

$$\lim_{\Delta z \rightarrow 0} \frac{F(z + \Delta z) - F(z)}{\Delta z} = f(z),$$

яъни

$$F'(z) = f(z)$$

бўлиши келиб чиқади. Теорема исбот бўлди.

Айтайлик $F_1(z)$ ва $F_2(z)$ функцияларнинг ҳар бири D соҳада битта $f(z)$ функция учун бошланғич функция бўлсин. Унда $F_1(z)$ ва $F_2(z)$ функциялар D соҳада бир-биридан ўзгармас сонга фарқ қилади. Ҳақиқатан ҳам,

$$F_1'(z) = f(z), \quad F_2'(z) = f(z)$$

бўлганлигидан

$$\Phi(z) = F_1(z) - F_2(z)$$

функция учун

$$\Phi'(z) = 0 \quad (z \in D)$$

бўлади. Агар $\Phi(z) = u(x, y) + iv(x, y)$ дейилса, унда

$$\frac{\partial u}{\partial x} = \frac{\partial u}{\partial y} = \frac{\partial v}{\partial x} = \frac{\partial v}{\partial y} = 0$$

бўлиб, $\Phi(z)$ функциянинг ўзгармас эканлиги келиб чиқади. Демак,

$$\Phi(z) = F_1(z) - F_2(z) = C \quad (C = \text{const})$$

яъни

$$F_1(z) = F_2(z) + C \quad \text{бўлади.}$$

Юқорида айтилганлардан қуйидаги натижа келиб чиқади.

2 - н а т и ж а. Фараз қилайлик, $f(z)$ функция бир боғламли D соҳада ($D \subset C_z$) голоморф бўлсин. У ҳолда

$$\Phi(z) = \int_{z_0}^z f(\zeta) d\zeta + C \quad (21)$$

функция D соҳада $f(z)$ нинг бошланғич функцияси бўлади, бунда C -ихтиёрий комплекс сон.

(21) формула бошланғич функциянинг умумий кўринишини ифодалайди.

(21) тенгликдан, аввал $z = z_0$ деб

$$\Phi(z_0) = C$$

сўнгра $z = z_1$ деб

$$\Phi(z_1) = \int_{z_0}^{z_1} f(\zeta) d\zeta + C = \int_{z_0}^{z_1} f(\zeta) d\zeta + \Phi(z_0)$$

тенгликларни топамиз. Охири тенгликдан эса

$$\int_{z_0}^{z_1} f(\zeta) d\zeta = \Phi(z_1) - \Phi(z_0) \quad (22)$$

бўлиши келиб чиқади. Одатда (22) формула Ньютон-Лейбниц формуласи дейилади.

Айтайлик, $f(z)$ ва $g(z)$ функциялари D соҳада голоморф бўлсин.

Маълумки,

$$[f(z) \cdot g(z)]' = f'(z) \cdot g(z) + f(z) \cdot g'(z).$$

Бу тенгликни интеграллаб, топамиз:

$$\int_{z_0}^{z_1} [f(z) \cdot g(z)]' dz = \int_{z_0}^{z_1} f'(z) \cdot g(z) dz + \int_{z_0}^{z_1} f(z) \cdot g'(z) dz \quad (23)$$

Агар

$$\int_{z_0}^{z_1} [f(z) \cdot g(z)]' dz = f(z_1) \cdot g(z_1) - f(z_0) \cdot g(z_0) = [f(\zeta) \cdot g(\zeta)]_{z_0}^{z_1}$$

бўлишини эътиборга олсак, унда (23) тенглик ушбу

$$\int_{z_0}^{z_1} f(z) \cdot g'(z) dz = [f(z) \cdot g(z)]_{z_0}^{z_1} - \int_{z_0}^{z_1} f'(z) \cdot g(z) dz$$

тенгликка келади. Бу бўлаклар интеграллаш формуласидир.

М и с о л. Ушбу

$$\int_1^{1+i} z^2 dz$$

интегрални ҳисобланг.

Равшанки, $f(z) = z^2$ функция бутун комплекс текислик C_z да голоморф. Берилган интеграл $z_0 = 1$, $z_1 = 1+i$ нуқталарни бирлаштирувчи йўлга боғлиқ бўлмайди. Шунини эътиборга олиб интеграллаш чизиғи γ сифатида

$$\gamma = \{z = x + iy \in C_z : x = 1, 0 \leq y \leq 1\}$$

тўғри чизик кесмасини оламиз.

Бу γ чизикда

$$z = 1 + iy, \quad dz = idy$$

бўлишидан фойдаланиб топамиз:

$$\begin{aligned} \int_1^{1+i} z^2 dz &= \int_{\gamma} z^2 dz = \int_0^1 (1 + iy)^2 \cdot idy = i \int_0^1 (1 + 2iy - y^2) dy = \\ &= i \left(y + iy^2 - \frac{y^3}{3} \right) \Big|_0^1 = -1 + \frac{2}{3}i \end{aligned}$$

Демак,

$$\int_1^{1+i} z^2 dz = -1 + \frac{2}{3}i$$

3-§. Кошининг интеграл формуласи

Мазкур бобнинг аввалги параграфида Коши теоремасини ўрганган эдик. Ушбу параграфда эса Коши теоремасидан фойдаланиб комплекс ўзгарувчи функциялар назариясида муҳим бўлган Кошининг интеграл формуласини келтираемиз.

Комплекс сонлар текислиги C_z да чегараланган D соҳани қарайлик. Унинг чегараси ∂D силлиқ (бўлакли силлиқ) чизикдан иборат. Бу ёпиқ эгри чизик мусбат йўналишда олинган бўлсин.

Айтайлик,

$$\bar{D} = D \cup \partial D$$

тўпلامда $f(z)$ функция аниқланган бўлсин.

6 - т е о р е м а . Агар $f(z)$ функция D соҳада голоморф бўлиб, \bar{D} да узлуксиз бўлса, у ҳолда $\forall z \in D$ нукта учун

$$f(z) = \frac{1}{2\pi i} \int_{\partial D} \frac{f(t) dt}{t-z} \quad (23)$$

тенглик ўринли бўлади.


И с б о т. D соҳада ихтиёрий z нукта олиб, унинг шундай

$$B_\rho = \{t : |t-z| < \rho : \rho > 0\}$$

атрофини қараймизки,

$$\bar{B}_\rho \subset D$$

бўлсин (40-чизма).



40-чизма

Бу соҳанинг чегараси

$$\partial B_\rho = \{t : |t-z| = \rho, \rho > 0\}$$

бўлади. Энди чегараси

$$\gamma = \partial D \cup \partial \bar{B}_\rho$$

бўлган ушбу

$$D_\rho = D \setminus \bar{B}_\rho$$

соҳани қараймиз.

Равшанки, бу соҳада

$$\frac{f(t)}{t-z}$$

функция t ўзгарувчининг функцияси сифатида голоморф бўлиб, унинг чегарасида узлуксиз бўлади. Унда Коши теоремасига биноан

$$\int_{\gamma} \frac{f(t) dt}{t-z} = 0,$$

яъни

$$\int_{\partial D} \frac{f(t) dt}{t-z} + \int_{\partial \bar{B}_\rho} \frac{f(t) dt}{t-z} = 0 \quad (24)$$

бўлади. Агар

$$\int_{\partial D} \frac{f(t) dt}{t-z} = - \int_{\partial \bar{B}_\rho} \frac{f(t) dt}{t-z}$$

эканлигини эътиборга олсак, унда (24) тенгликдан

$$\int_{\partial D} \frac{f(t) dt}{t-z} = \int_{\partial B_\rho} \frac{f(t) dt}{t-z} \quad (25)$$

бўлиши келиб чиқади.

Маълумки,

$$\int_{\partial B_\rho} \frac{dt}{t-z}$$

интегралда ∂B_ρ айлана учун $t = z + \rho \cdot e^{i\varphi}$ ($0 \leq \varphi \leq 2\pi$) бўлганлиги сабабли

$$\int_{\partial B_\rho} \frac{1}{t-z} dt = \int_0^{2\pi} \frac{i\rho \cdot e^{i\varphi}}{\rho \cdot e^{i\varphi}} d\varphi$$

бўлиб,

$$\frac{1}{2\pi i} \int_{\partial B_\rho} \frac{1}{t-z} dt = 1$$

бўлади. Бу тенгликнинг ҳар икки томонини $f(z)$ га кўпайтирамиз:

$$\frac{1}{2\pi i} \int_{\partial B_\rho} \frac{f(z)}{t-z} dt = f(z) \quad (26)$$

Сўнг ушбу

$$\frac{1}{2\pi i} \int_{\partial D} \frac{f(z)}{t-z} dt - f(z)$$

айирмани қараймиз. Бу айирмани, (25) ва (26) тенгликлардан фойдаланиб, куйидагича ёзиш мумкин

$$\frac{1}{2\pi i} \int_{\partial D} \frac{f(z)}{t-z} dt - f(z) = \frac{1}{2\pi i} \int_{\partial B_\rho} \frac{f(t) - f(z)}{t-z} dt \quad (27)$$

Шартга кўра $f(z)$ функция z нуқтада ($z \in D$) голоморф. Бинобарин, функция шу нуқтада узлуксиз. Унда $\forall \varepsilon > 0$ сон олинганда ҳам шундай $\delta > 0$ сон топиладики, $\rho < \delta$ тенгсизликни қаноатлантирувчи B_ρ айлананинг ихтиёрий t нуқтаси учун

$$|f(t) - f(z)| < \varepsilon$$

тенгсизлик бажарилади. Шунини эътиборга олиб топамиз:

$$\begin{aligned} \left| \frac{1}{2\pi i} \int_{\partial D} \frac{f(t)}{t-z} dt - f(z) \right| &= \left| \frac{1}{2\pi i} \int_{\partial B_\rho} \frac{f(t) - f(z)}{t-z} dt \right| \leq \\ &\leq \frac{1}{2\pi i} \int_{\partial B_\rho} |f(t) - f(z)| |dt| < \frac{\varepsilon}{2\pi\rho} \cdot \int_{\partial B_\rho} |dt| = \frac{\varepsilon}{2\pi\rho} \cdot 2\pi\rho = \varepsilon. \end{aligned}$$

Демак,

$$\left| \frac{1}{2\pi i} \int_{\partial D} \frac{f(t)}{t-z} dt - f(z) \right| = \varepsilon. \quad (28)$$

Шундай қилиб, ρ нолга интила борганда (27) айирманинг модули етарлича кичик бўлар экан.

Айни пайтда,

$$\frac{1}{2\pi i} \int_{\partial D} \frac{f(z)}{t-z} dt$$

ифода ρ га боғлиқ эмас. Унда (28) муносабатдан

$$\frac{1}{2\pi i} \int_{\partial D} \frac{f(z)}{t-z} dt - f(z) = 0,$$

яъни

$$f(z) = \frac{1}{2\pi i} \int_{\partial D} \frac{f(t)}{t-z} dt \quad (23)$$

бўлиши келиб чиқади. Бу эса теоремани исботлайди.

Одатда (23) формула Кошининг интеграл формуласи дейилади.

Кошининг интеграл формуласи $f(z)$ голоморф функциянинг D соҳадаги қийматларини унинг чегараси ∂D даги қийматлари орқали ифодалайди.

Энди Кошининг интеграл формуласини хусусий ҳолда, чегараси айланадан иборат соҳа учун келтирамиз.

Комплекс текислик C_z да ушбу

$$D = \{z \in C_z : |z - z_0| < r, r > 0\}$$

доирани ($z_0 \in C_z$) қарайлик. Равшанки, бу доиранинг чегараси

$$\partial D = \{z \in C_z : |z - z_0| = r, r > 0\}$$

айлана бўлади.

Айтайлик, $f(z)$ функция

$$\bar{D} = D \cup \partial D$$

тўпдамда берилган бўлсин.

7 - теорема. Агар $f(z)$ функция D доирада голоморф

бўлиб, \bar{D} да узлуксиз бўлса, у ҳолда

$$f(z_0) = \frac{1}{2\pi} \int_0^{2\pi} f(z_0 + z e^{i\varphi}) d\varphi \quad (29)$$

И с б о т. Кошининг интеграл формуласига кўра

$$f(z_0) = \frac{1}{2\pi i} \int_{\partial D} \frac{f(t)}{t-z_0} dt \quad (30)$$

бўлади.

Равшанки, маркази z_0 нуқтада ($z_0 \in \mathbb{C}_2$) радиуси r бўлган ∂D айланада

$$t = z_0 + re^{i\varphi} \quad (0 \leq \varphi \leq 2\pi)$$

бўлиб, $dt = ire^{i\varphi} d\varphi$ бўлади. Унда

$$\int_{\partial D} \frac{f(t)}{t - z_0} dt = \int_0^{2\pi} \frac{f(z_0 + re^{i\varphi}) \cdot ire^{i\varphi}}{re^{i\varphi}} d\varphi = \quad (31)$$

$$= i \int_0^{2\pi} f(z_0 + re^{i\varphi}) d\varphi$$

бўлади.

(30) ва (31) муносабатлардан

$$f(z_0) = \frac{1}{2\pi} \int_0^{2\pi} f(z_0 + re^{i\varphi}) d\varphi$$

бўлиши келиб чиқади. Теорема исбот бўлди.

Бу теорема ўрта қиймат ҳақидаги теорема деб юритилади.

М и с о л. Ушбу

$$\int_{\gamma} \frac{\sin z}{z^2 + 4} dz$$

интегрални ҳисобланг, бунда

$$\gamma = \{z = x + iy \in \mathbb{C}_2 : x^2 + y^2 + 6y = 0\}$$

ёпиқ чизиқдан иборат.

Равшанки,

$$x^2 + y^2 + 6y = 0 \Rightarrow x^2 + y^2 + 2 \cdot 3y + 9 - 9 = 0$$

$$\Rightarrow x^2 + (y+3)^2 = 3^2 \Rightarrow |z+3i| = 3$$

Демак,

$$\gamma = \{z \in \mathbb{C}_2 : |z+3i| = 3\}.$$

Бу айлана билан чегараланган соҳани - доирани D дейлик:

$$D = \{z \in \mathbb{C}_2 : |z+3i| < 3\}.$$

Агар

$$f(z) = \frac{\sin z}{z-2i}$$

дейилса, унда берилган интеграл куйдагича

$$\int_{\gamma} \frac{\sin z}{z^2 + 4} dz = \int_{\gamma} \frac{f(z)}{z+2i} dz$$

бўлади.

$f(z)$ функция \bar{D} да голоморф бўлгани учун Кошининг интеграл формуласига мувофиқ

$$\frac{1}{2\pi i} \int_{\gamma} \frac{f(z)}{z+2i} dz = f(-2i).$$

бўлади. Кейинги тенгликдан топамиз:

$$\int_{\gamma} \frac{f(z)}{z+2i} dz = -2\pi i \cdot f(-2i) = 2\pi i \cdot \frac{\sin(-2i)}{-2i-2i} =$$

$$= \frac{\pi}{2} \sin(2i) = \frac{\pi}{2} i \cdot \text{sh} 2.$$

Демак

$$\int_{\gamma} \frac{\sin z}{z^2 + 4} dz = \frac{\pi}{2} i \cdot \text{sh} 2.$$

5-БОБ

ҚАТОРЛАР

1-§. Сонли ва функционал қаторлар

Математик анализ курсида ҳадлари ҳақиқий сонлардан иборат бўлган сонли қаторларни, шунингдек ҳадлари ҳақиқий ўзгарувчи функциялардан иборат бўлган функционал қаторларни батафсил ўрганган эдик.

Ушбу параграфда ҳадлари комплекс сонлар ҳамда комплекс ўзгарувчи функциялар бўлган қаторларни қараймиз. Бу ҳолда ҳам қаторларнинг яқинлашувчилиги, узоқлашувчилиги, яқинлашувчи қаторларнинг хоссалари, текис яқинлашувчилик, ҳадлаб дифференциаллаш ва интеграллаш каби масалалар ўрганилади. Бу ерда келтирилиши лозим бўлган маълумотлар аввалгиларига ўхшаш бўлганлиги учун биз куйида ҳадлари комплекс сонлар ҳамда комплекс ўзгарувчи функциялар бўлган қаторларга доир асосий тушунча ва тасдиқларни келтириш билан кифояланамиз.

1⁰. Сонли қаторлар. Бирор

$$z_1, z_2, z_3, \dots, z_n, \dots$$

комплекс сонлар кетма-кетлиги берилган бўлсин. Бу кетма-кетлик ҳадларидан тузилган ушбу

$$z_1 + z_2 + z_3 + \dots + z_n + \dots$$

ифода қатор (сонли қатор) дейилади ва $\sum_{n=1}^{\infty} z_n$ каби

белгиланади:

$$\sum_{n=1}^{\infty} z_n = z_1 + z_2 + z_3 + \dots + z_n + \dots \quad (1)$$

бунда $z_1, z_2, z_3, \dots, z_n, \dots$ комплекс сонлар қаторининг ҳадлари дейилади. (1) қатор ҳадларидан ташкил топган куйидаги

$$S_1 = z_1,$$

$$S_2 = z_1 + z_2,$$

$$S_3 = z_1 + z_2 + z_3,$$

$$\dots$$

$$S_n = z_1 + z_2 + z_3 + \dots + z_n,$$

йиғиндилар (1) қаторнинг қисмий йиғиндилари дейилади.

1-таъриф. Агар (1) қаторнинг қисмий йиғиндиларидан иборат $\{S_n\}$ кетма-кетлик яқинлашувчи бўлиб,

$$\lim_{n \rightarrow \infty} S_n = S$$

бўлса, у ҳолда (1) яқинлашувчи қатор дейилади, S эса қатор йиғиндиси дейилади ва

$$\sum_{n=1}^{\infty} z_n = S.$$

каби ёзилади.

Агар $\{S_n\}$ кетма-кетлик узоқлашувчи бўлса, у ҳолда (1) қатор узоқлашувчи дейилади.

Айтайлик,

$$z_n = x_n + iy_n \quad (x_n \in \mathbb{R}, y_n \in \mathbb{R}, n=1, 2, \dots)$$

бўлсин. У ҳолда

$$S_n = \sum_{k=1}^n z_k = \sum_{k=1}^n (x_k + iy_k) = \sum_{k=1}^n x_k + i \sum_{k=1}^n y_k$$

бўлади.

1-теорема. Ушбу

$$\sum_{n=1}^{\infty} z_n = z_1 + z_2 + z_3 + \dots + z_n + \dots$$

қаторнинг яқинлашувчи бўлиши учун

$$\sum_{n=1}^{\infty} x_n = x_1 + x_2 + x_3 + \dots + x_n + \dots,$$

$$\sum_{n=1}^{\infty} y_n = y_1 + y_2 + y_3 + \dots + y_n + \dots,$$

қаторларнинг яқинлашувчи бўлиши зарур ва етарли. Бунда

$$\sum_{n=1}^{\infty} z_n = \sum_{n=1}^{\infty} x_n + i \sum_{n=1}^{\infty} y_n$$

бўлади.

Бу теоремадан математик анализ курсида ўрганилган қаторлар ва улар ҳақидаги маълумотлар ҳадлари комплекс сонлардан иборат бўлган қаторлар учун ҳам ўринли бўлиши келиб чиқади.

Жумладан куйидаги тасдиқлар ўринли бўлади:

1) Агар

$$\sum_{n=1}^{\infty} z_n = z_1 + z_2 + z_3 + \dots + z_n + \dots$$

қатор яқинлашувчи бўлиб, унинг йиғиндиси S бўлса, у ҳолда

$$\sum_{n=1}^{\infty} az_n = az_1 + az_2 + az_3 + \dots + az_n + \dots$$

қатор ҳам яқинлашувчи бўлиб, унинг йиғиндиси aS га тенг бўлади, бунда a - ўзгармас комплекс сон.

2) Агар

$$\sum_{n=1}^{\infty} z_n = z_1 + z_2 + z_3 + \dots + z_n + \dots,$$

$$\sum_{n=1}^{\infty} \xi_n = \xi_1 + \xi_2 + \xi_3 + \dots + \xi_n + \dots$$

қаторлар яқинлашувчи бўлиб, уларнинг йиғиндиси мос равишда S_1 ва S_2 бўлса, у ҳолда

$$\sum_{n=1}^{\infty} (z_n + \xi_n) = (z_1 + \xi_1) + (z_2 + \xi_2) + (z_3 + \xi_3) + \dots + (z_n + \xi_n) + \dots$$

қатор ҳам яқинлашувчи бўлиб, унинг йиғиндиси $S_1 + S_2$ га тенг бўлади.

3) Айтайлик,

$$\sum_{n=1}^{\infty} z_n = z_1 + z_2 + z_3 + \dots + z_n + \dots \quad (1)$$

қатор берилган бўлсин.

Агар

$$\sum_{n=1}^{\infty} |z_n| = |z_1| + |z_2| + |z_3| + \dots + |z_n| + \dots$$

қатор яқинлашувчи бўлса, $\sum_{n=1}^{\infty} z_n$ қатор ҳам яқинлашувчи бўлади.

У ҳолда $\sum_{n=1}^{\infty} z_n$ абсолют яқинлашувчи қатор дейилади

Шунингдек куйидаги теорема ўринли бўлади.

2 - т е о р е м а (К о ш и). Ушбу

$$\sum_{n=1}^{\infty} z_n = z_1 + z_2 + z_3 + \dots + z_n + \dots$$

қаторнинг яқинлашувчи бўлиши учун, $\forall \epsilon > 0$ сон олинганда ҳам шундай натурал n_0 сон топилиб, $\forall n > n_0$ ва $m = 1, 2, 3, \dots$ бўлганда

$$|z_{n+1} + z_{n+2} + \dots + z_{n+m}| < \epsilon$$

тенгсизликнинг бажарилиши зарур ва етарли.

Хусусан, (1) қатор яқинлашувчи бўлса,

$$|z_{n+1}| < \epsilon$$

бўлиб,

$$\lim_{n \rightarrow \infty} z_{n+1} = 0$$

бўлади. Бу (1) қатор яқинлашувчилигининг зарурий шартини ифодалайди.

Мисол. Ушбу

$$\sum_{n=1}^{\infty} \frac{e^{in}}{n}$$

қаторни яқинлашувчиликка текширинг.

Бу қаторнинг умумий ҳади

$$z_n = \frac{e^{in}}{n} = \frac{\cos n + i \sin n}{n} = \frac{\cos n}{n} + i \frac{\sin n}{n}$$

бўлади. Маълумки

$$\sum_{n=1}^{\infty} \frac{\cos n}{n}, \quad \sum_{n=1}^{\infty} \frac{\sin n}{n}$$

қаторлар яқинлашувчи. 2-теоремадан фойдаланиб берилган қаторнинг яқинлашувчи бўлишини топамиз.

2°. Функционал кетма-кетликлар ва қаторлар. $u_k(z)$ функциялар ($k=1, 2, \dots, n, \dots$) $E \subset C$ тўғламда берилган бўлсин.

E тўғламда z_0 нуқтани олиб, $\{u_n(z_0)\}$ комплекс сонлар кетма-кетлигини қараймиз.

Агар бу кетма-кетлик яқинлашувчи бўлса, $\{u_k(z)\}$ функционал кетма-кетлик z_0 нуқтада яқинлашувчи, z_0 нуқта эса яқинлашиш нуқтаси дейилади.

$\{u_k(z)\}$ функционал кетма-кетликнинг барча яқинлашиш нуқталардан иборат тўғлам $\{u_k(z)\}$ функционал кетма-кетликнинг яқинлашиш тўғлами дейилади.

Айтайлик, M тўғлам ($M \subset C_z$) $\{u_k(z)\}$ функционал кетма-кетликнинг яқинлашиш тўғлами бўлсин. Равшанки, бу ҳолда, ҳар бир $z \in M$ да

$$\lim_{n \rightarrow \infty} \{u_n(z)\}$$

маъжуд бўлиб, у z ўзгарувчига боғлиқ бўлади. Уни $\{u_n(z)\}$ функционал кетма-кетликнинг лимит функцияси дейилади:

$$\lim_{n \rightarrow \infty} \{u_n(z)\} = u(z)$$

Фараз қилайлик, E тўғламда ($E \subset C_z$)

$$u_1(z), u_2(z), u_3(z), \dots, u_n(z), \dots$$

функционал кетма-кетлик берилган бўлсин. Бу кетма-кетлик ҳадларидан ташкил топган ушбу

$$u_1(z) + u_2(z) + u_3(z) + \dots + u_n(z) + \dots$$

ифода функционал қатор дейилади ва $\sum_{n=1}^{\infty} u_n(z)$ каби

белгилади:

$$\sum_{n=1}^{\infty} u_n(z) = u_1(z) + u_2(z) + u_3(z) + \dots + u_n(z) + \dots \quad (2)$$

Бу функционал қатор ҳадларидан тузилган куйидаги

$$S_1(z) = u_1(z),$$

$$S_2(z) = u_1(z) + u_2(z),$$

$$S_3(z) = u_1(z) + u_2(z) + u_3(z),$$

$$\dots$$

$$S_n(z) = u_1(z) + u_2(z) + u_3(z) + \dots + u_n(z),$$

$$\dots$$

йиғиндилар (2) функционал қаторнинг қисмий йиғиндилари дейилади.

2 - т а ь р и ф . Агар $n \rightarrow \infty$ да $\{S_n(z)\}$ функционал кетма-кетлик E тўғламда ($E \subset C_z$) яқинлашувчи бўлиб,

$$\lim_{n \rightarrow \infty} S_n(z) = S(z)$$

бўлса, у ҳолда (2) функционал қатор E да яқинлашувчи, $S(z)$ эса унинг йиғиндиси дейилади.

3 - т а ь р и ф . Агар $\forall \epsilon > 0$ сон олинганда ҳам шундай натурал n_0 сон топилсаки, $\forall n > n_0$ ва $\forall z \in E$ учун

$$|S_n(z) - S(z)| < \epsilon$$

тенгсизлик бажарилса, $\sum_{n=1}^{\infty} u_n(z)$ функционал қатор E тўғламда

$S(z)$ йиғиндига текис яқинлашади дейилади.

3 - т е о р е м а . (Вейерштрасс аломати). Агар

$$\sum_{n=1}^{\infty} u_n(z) = u_1(z) + u_2(z) + u_3(z) + \dots + u_n(z) + \dots$$

функционал қаторнинг ҳар бир $u_n(z)$ ($n=1,2,\dots$) ҳади M тўғламда ($M \subset C_z$)

$$|u_n(z)| \leq a_n \quad (n=1,2,\dots)$$

тенгсизликларни қаноатлантириб,

$$\sum_{n=1}^{\infty} a_n = a_1 + a_2 + a_3 + \dots + a_n + \dots$$

сонли қатор яқинлашувчи бўлса, у ҳолда $\sum_{n=1}^{\infty} u_n(z)$ функционал

қатор M тўғламда текис яқинлашувчи бўлади.

М и с о л . Ушбу

$$\sum_{n=1}^{\infty} \frac{\sin nz}{n^2}$$

функционал қаторни қарайлик.

Бу қаторнинг умумий ҳадини куйидагича ёзиб оламиз:

$$u_n(z) = \frac{\sin nz}{n^2} = \frac{e^{inz} - e^{-inz}}{2in^2} =$$

$$= \frac{e^{in(x+iy)} - e^{-in(x+iy)}}{2in^2} = \frac{e^{inx} \cdot e^{-ny} - e^{-inx} \cdot e^{ny}}{2in^2}$$

Агар $y \neq 0$ бўлса, у ҳолда

$$|u_n(z)| = \left| \frac{\sin nz}{n^2} \right| \geq \frac{1}{2n^2} \left| e^{-ny} - e^{ny} \right| =$$

$$= \frac{1}{2n^2} \left| e^{-ny} - e^{ny} \right|$$

бўлиб,

$$\lim_{n \rightarrow \infty} |u_n(z)| = \infty$$

бўлади. Демак, берилган функционал қатор

$$E_1 = \{z \in C_z : z = x + iy, y \neq 0\}$$

тўғламда узоқлашувчи.

Агар $y = 0$ бўлса, у ҳолда

$$|u_n(z)| = \frac{\sin nz}{n^2}$$

бўлади. Аммо

$$\sum_{n=1}^{\infty} \frac{\sin nz}{n^2}$$

қаторнинг ҳадлари учун

$$\left| \frac{\sin nz}{n^2} \right| \leq \frac{1}{n^2}$$

бўлганлиги ва

$$\sum_{n=1}^{\infty} \frac{1}{n^2}$$

сонли қаторнинг яқинлашувчилиги сабабли берилган функционал қатор Вейерштрасс аломатига кўра $\{z: \operatorname{Im} z = 0\}$ тўғламда текис яқинлашувчи бўлади.

Энди текис яқинлашувчи функционал қаторнинг баъзи хоссаларини келтирамиз:

1) Агар $\sum_{n=1}^{\infty} u_n(z)$ функционал қаторнинг ҳар бир ҳади $u_n(z)$

($n=1,2,3,\dots$) M тўғламда ($M \subset C_z$) узлуксиз бўлиб, бу функционал қатор M да текис яқинлашувчи бўлса, у ҳолда қатор йиғиндиси $S(z)$ ҳам M тўғламда узлуксиз бўлади.

2) Агар $\sum_{n=1}^{\infty} u_n(z)$ функционал қаторнинг ҳар бир ҳади $u_n(z)$

($n=1,2,3,\dots$) D соҳада ($D \subset C_z$) узлуксиз бўлиб, бу функционал қатор D да текис яқинлашувчи бўлса, у ҳолда D соҳада ётувчи ҳар қандай силлиқ (бўлакли силлиқ) γ чизиқ бўйича

$$\int_{\gamma} u_n(z) dz \quad (n=1,2,3,\dots)$$

интеграллардан тузилган

$$\int_{\gamma} u_1(z) dz + \int_{\gamma} u_2(z) dz + \dots + \int_{\gamma} u_n(z) dz + \dots$$

қатор яқинлашувчи, унинг йиғиндиси

$$\int_{\gamma} S_n(z) dz$$

га тенг бўлади:

$$\sum_{n=1}^{\infty} \int_{\gamma} u_n(z) dz = \int_{\gamma} \sum_{n=1}^{\infty} u_n(z) dz$$

2-§. Даражали қаторлар

1°. Д а р а ж а л и қ а т о р . Функционал қаторлар орасида, уларнинг хусусий ҳоли бўлган ушбу

$$\sum_{n=0}^{\infty} c_n z^n = c_0 + c_1 z + c_2 z^2 + \dots + c_n z^n + \dots \quad (3)$$

ёки

$$\sum_{n=0}^{\infty} c_n (z - z_0)^n = c_0 + c_1 (z - z_0) + \dots + c_n (z - z_0)^n + \dots \quad (4)$$

қаторлар (бунда $c_0, c_1, c_2, \dots, c_n, \dots$ ҳамда z_0 комплекс сонлар) математика ва унинг татбиқларида муҳим рол ўйнайди.

(3) ва (4) қаторлар даражали қаторлар дейилади.

c_0, c_1, c_2, \dots комплекс сонлар даражали қаторнинг коэффицентлари дейилади.

Агар (4) қаторда $z - z_0 = \zeta$ дейилса, у ҳолда (4) қатор ζ ўзгарувчига нисбатан (3) кўринишдаги қаторга келади. Бинобарин, (3) кўринишдаги қаторларни ўрганиш етарли бўлади.

Равшанки, ҳар қандай даражали қатор $z=0$ нуқтада яқинлашувчи бўлади.

4 - т е о р е м а (А б е л ь т е о р е м а с и). Агар

$$\sum_{n=0}^{\infty} c_n z^n = c_0 + c_1 z + c_2 z^2 + \dots + c_n z^n + \dots \quad (3)$$

даражали қатор z нинг $z = z_0$ ($z_0 \neq 0$) қийматида яқинлашувчи бўлса, у ҳолда бу қатор

$$\{z \in C : |z| < |z_0|\}$$

доирада абсолют яқинлашувчи бўлади.

И с б о т . Шартга кўра

$$\sum_{n=0}^{\infty} c_n z_0^n = c_0 + c_1 z_0 + c_2 z_0^2 + \dots + c_n z_0^n + \dots$$

қатор (сонли қатор) яқинлашувчи. қатор яқинлашувчининг зарурий шартига биноан

$$\lim_{n \rightarrow \infty} c_n z_0^n = 0$$

бўлади. Модомики, $\{c_n z_0^n\}$ кетма-кетлик чекли лимитга эга экан,

унда бу кетма-кетлик чегараланган, яъни шундай ўзгармас $M > 0$ сон мавжудки, $\forall n \in \mathbb{N}$ учун

$$|c_n z_0^n| \leq M$$

бўлади. Бу тенгсизликни эътиборга олиб топамиз:

$$|c_n z^n| = |c_n z_0^n| \cdot \left| \frac{z}{z_0} \right|^n \leq M \cdot \left| \frac{z}{z_0} \right|^n \quad (5)$$

Энди ушбу

$$\sum_{n=0}^{\infty} |c_n z^n| = |c_0| + |c_1 z| + |c_2 z^2| + \dots + |c_n z^n| + \dots$$

қатор билан бирга куйидаги

$$\sum_{n=0}^{\infty} M \cdot \left| \frac{z}{z_0} \right|^n = M + M \cdot \left| \frac{z}{z_0} \right| + M \cdot \left| \frac{z}{z_0} \right|^2 + \dots + M \cdot \left| \frac{z}{z_0} \right|^n + \dots$$

қаторни қарайлик.

Равшанки, $\sum_{n=0}^{\infty} M \cdot \left| \frac{z}{z_0} \right|^n$ қатор яқинлашувчи бўлади (чунки бу

геометрик қатор бўлиб, $q = \left| \frac{z}{z_0} \right| < 1$).

Юқорида келтирилган (5) тенгсизликдан фойдаланиб

$$\sum_{n=0}^{\infty} |c_n z^n|$$

қаторнинг $\{z \in \mathbb{C} : |z| < |z_0|\}$ доирада яқинлашувчи бўлишини топамиз.

Демак, берилган

$$\sum_{n=0}^{\infty} c_n z^n$$

қатор $\{z \in \mathbb{C} : |z| < |z_0|\}$ доирада абсолют яқинлашувчи. Теорема исбот бўлди.

1 - н а т и ж а . Агар

$$\sum_{n=0}^{\infty} c_n z^n = c_0 + c_1 z + c_2 z^2 + \dots + c_n z^n + \dots$$

даражали қатор z нинг $z = z_1$ қийматида узоқлашувчи бўлса, у ҳолда бу қатор

$$\{z \in \mathbb{C} : |z| > |z_1|\}$$

соҳада узоқлашувчи бўлади.

И с б о т . Берилган даражали қатор $z = z_1$ нуқтада узоқлашувчи бўлсин. Унда бу қатор z нинг $\{|z| > |z_1|\}$ тенгсизликни қаноатлантирувчи қийматларида ҳам узоқлашувчи бўлади, чунки

$\sum_{n=0}^{\infty} c_n z^n$ қатор z нинг $\{|z| > |z_1|\}$ тенгсизликни қаноатлантирувчи

бирор $z = z^*$ қийматида яқинлашувчи бўладиган бўлса, Абель теоремасига биноан бу қатор $z = z_1$ нуқтада ($|z_1| < |z^*|$) ҳам

яқинлашувчи бўлиб қолади. Бу эса $\sum_{n=0}^{\infty} c_n z^n$ қаторнинг $z = z_1$

нуқтада узоқлашувчи дейилишига зиддир. Демак, берилган қатор $\{z \in \mathbb{C} : |z| > |z_1|\}$ да узоқлашувчи. Натижа исбот бўлди.

2°. Даражали қаторнинг яқинлашиш радиуси ва яқинлашиш доираси. Бирор

$$\sum_{n=0}^{\infty} c_n z^n = c_0 + c_1 z + c_2 z^2 + \dots + c_n z^n + \dots \quad (3)$$

даражали қатор берилган бўлсин.

5 - т е о р е м а . Агар (3) даражали қатор z нинг баъзи ($z \neq 0$) қийматларида яқинлашувчи, баъзи қийматларида узоқлашувчи бўлса, у ҳолда шундай ягона R сон ($R > 0$) топиладики, (3) даражали қатор

$$\{z \in \mathbb{C} : |z| < R\} \quad (6)$$

доирада яқинлашувчи,

$$\{z \in \mathbb{C} : |z| > R\}$$

соҳада ((6) доира ташқарисиди) эса узоқлашувчи бўлади.

И с б о т . Айтилик, (3) даражали қатор $z = z_0$ ($z_0 \neq 0$) нуқтада яқинлашувчи, $z = z_1$ нуқтада узоқлашувчи бўлиб, бу нуқталар $z = 0$ нуқтадан чикувчи битта нурда жойлашсин. Равшанки,

$$|z_0| < |z_1|$$


бўлади. Унда Абель теоремаси ва унинг натижасига кўра (3) даражали қатор

$$\{z \in \mathbb{C} : |z| < |z_0|\}$$

доирада яқинлашувчи (абсолют яқинлашувчи),

$$\{z \in \mathbb{C} : |z| > |z_1|\}$$

соҳада эса узоқлашувчи бўлади (41-чизма).



41-чизма

Демак, $[z_0, z_1]$ сегментни қарайдиган бўлсак, унда бу сегментнинг чап чеккасида қатор яқинлашувчи, ўнг чеккасида эса қатор узоқлашувчи бўлади. $[z_0, z_1]$ сегментнинг ўртаси

$\frac{z_0 + z_1}{2}$ нуқтани олиб, бу нуқтада (3) қаторни қараймиз. Агар

$\frac{z_0 + z_1}{2}$ нуқтада қатор яқинлашувчи бўлса, унда $\left[\frac{z_0 + z_1}{2}, z_1\right]$

сегментни, $\frac{z_0 + z_1}{2}$ нуқтада қатор узоқлашувчи бўлса,

$\left[z_0, \frac{z_0 + z_1}{2}\right]$ сегментни олиб, уни $[z_0^{(1)}, z_1^{(1)}]$ деймиз. Демак, (3)

қатор $[z_0^{(1)}, z_1^{(1)}]$ сегментнинг чап чеккаси $z_0^{(1)}$ да яқинлашувчи,

ўнг чеккаси $z_1^{(1)}$ да узоқлашувчи ва

$$[z_0^{(1)}, z_1^{(1)}] \subset [z_0, z_1], \quad |z_0^{(1)} - z_1^{(1)}| = \frac{|z_0 - z_1|}{2}$$

бўлади.

Сўнг $[z_0^{(1)}, z_1^{(1)}]$ сегментни ўртаси $\frac{z_0^{(1)} + z_1^{(1)}}{2}$ ни олиб, шу

нуқтада (3) қаторни қараймиз. Агар қатор $\frac{z_0^{(1)} + z_1^{(1)}}{2}$ нуқтада

яқинлашувчи бўлса, унда $\left[\frac{z_0^{(1)} + z_1^{(1)}}{2}, z_1^{(1)}\right]$ сегментни,

узоқлашувчи бўлса, $\left[z_0^{(1)}, \frac{z_0^{(1)} + z_1^{(1)}}{2}\right]$ сегментни олиб уни

$[z_0^{(2)}, z_1^{(2)}]$ деймиз. Демак (3) қатор $[z_0^{(2)}, z_1^{(2)}]$ сегментнинг чап чеккаси $z_0^{(2)}$ нуқтада яқинлашувчи, ўнг чеккаси $z_1^{(2)}$ нуқтада узоқлашувчи ва

$$[z_0^{(2)}, z_1^{(2)}] \supset [z_0^{(1)}, z_1^{(1)}], \quad |z_0^{(2)} - z_1^{(2)}| = \frac{|z_0 - z_1|}{2^2}$$

бўлади. Шу жараёни давом эттириш натижасида

$$[z_0^{(1)}, z_1^{(1)}], [z_0^{(2)}, z_1^{(2)}], \dots, [z_0^{(n)}, z_1^{(n)}], \dots$$

сегментлар кетма-кетлиги ҳосил бўлади.

Равшанки, бу сегментларнинг ҳар бирининг чап чеккаси $z_0^{(n)}$ ($n = 1, 2, 3, \dots$) нуқталарда (3) қатор яқинлашувчи, ўнг чеккаси $z_1^{(n)}$ ($n = 1, 2, 3, \dots$) нуқталарда (3) қатор узоқлашувчи бўлади.

Иккинчи томондан бу сегментлар учун:

$$1) [z_0^{(1)}, z_1^{(1)}] \supset [z_0^{(2)}, z_1^{(2)}] \supset \dots \supset [z_0^{(n)}, z_1^{(n)}] \supset \dots,$$

$$2) |z_0^{(n)} - z_1^{(n)}| = \frac{|z_0 - z_1|}{2^n} \text{ бўлиб, } n \rightarrow \infty \text{ да}$$

$$|z_0^{(n)} - z_1^{(n)}| \rightarrow 0$$

бўлади. У ҳолда барча сегментларга тегишли бўлган ягона z^* нуқта мавжуд бўладики,

$$\lim_{n \rightarrow \infty} z_0^{(n)} = \lim_{n \rightarrow \infty} z_1^{(n)} = z^*$$

бўлади. Бу z^* соннинг модулини R билан белгилайлик:

$$R = |z^*|$$

Энди берилган даражали қатор

$$\{z \in \mathbb{C} : |z| < R\}$$

да яқинлашувчи,

$$\{z \in \mathbb{C} : |z| > R\}$$

да эса узоқлашувчи бўлишини кўрсатамиз.

Юқорида айтилган нурда ихтиёрий

$$z \in \{z \in \mathbb{C} : |z| < R\}$$

нуқтани олайлик. Унда

$$\lim_{n \rightarrow \infty} z_0^{(n)} = z^*$$

бўлганлиги сабабли, шундай натурал n_0 сон топиладики,

$$|z| < |z_0^{(n_0)}| < R$$

бўлади. $z_0^{(n_0)}$ нуқтада қатор яқинлашувчи.

Демак, Абель теоремасига кўра z^* нуқтада ҳам қатор яқинлашувчи бўлади.

Нурда ихтиёрий

$$z'' \in \{z \in \mathbb{C} : |z| > R\}$$

нуқтани олайлик. Унда

$$\lim_{n \rightarrow \infty} z_1^{(n)} = z^*$$

бўлганлиги сабабли, шундай натурал n_1 сон топиладики,

$$|z''| > |z_0^{(n_1)}| > R$$

бўлади. $z_1^{(n_1)}$ нуқтада қатор узоқлашувчи. Унда натижага кўра

z'' нуқтада даражали қатор узоқлашувчи бўлади.

Шундай қилиб, R ($R = |z^*|$) сон топилдики, (3) даражали қатор

$$\{z \in \mathbb{C} : |z| < R\}$$

доирада яқинлашувчи,

$$\{z \in \mathbb{C} : |z| > R\}$$

соҳада (доира ташқарисиди) қатор узоқлашувчи бўлар экан. Теорема исбот бўлди.

4 - т а ь р и ф . Агар (3) даражали қатор $\{z \in \mathbb{C} : |z| < R\}$ да яқинлашувчи, $\{z \in \mathbb{C} : |z| > R\}$ да узоқлашувчи бўлса, R сон (3) даражали қаторнинг яқинлашиш радиуси, $\{z \in \mathbb{C} : |z| < R\}$ доирада эса R сон (3) даражали қаторнинг яқинлашиш доираси дейилади.

Э с л а т м а . (3) даражали қатор

$$\{z \in \mathbb{C}_r : |z| = R\}$$

айлана нуқталарида яқинлашувчи ҳам бўлиши мумкин, узоқлашувчи ҳам бўлиши мумкин.

3°. Коши - Адамар теоремаси. Маълумки, ҳар қандай даражали қатор

$$\sum_{n=0}^{\infty} c_n z^n = c_0 + c_1 z + c_2 z^2 + \dots + c_n z^n + \dots \quad (3)$$

ўзининг коэффицентлари кетма-кетлиги $\{c_n\}$ билан аниқланади.

Берилган (3) даражали қатор коэффицентлари ёрдамида ушбу

$$|c_0|, |c_1|, \sqrt{|c_2|}, \sqrt[3]{|c_3|}, \dots, \sqrt[n]{|c_n|}, \dots \quad (7)$$

сонлар кетма-кетлигини тузамиз.

Ҳар қандай сонлар кетма-кетлигининг юқори лимити мавжуд бўлганлиги сабабли (7) кетма-кетлигининг ҳам юқори лимити мавжуд бўлади. Уни ℓ орқали белгилайлик:

$$\overline{\lim}_{n \rightarrow \infty} \sqrt[n]{|c_n|} = \ell,$$

(3) даражали қаторнинг яқинлашиш радиуси қуйидаги теорема ёрдамида топилади. Бу теремани исботсиз келтирамыз.

6 - теорема (Коши - Адамар теоремаси). Берилган

$$\sum_{n=0}^{\infty} c_n z^n = c_0 + c_1 z + c_2 z^2 + \dots + c_n z^n + \dots$$

даражали қаторнинг яқинлашиш радиуси

$$R = \frac{1}{\ell} = \frac{1}{\overline{\lim}_{n \rightarrow \infty} \sqrt[n]{|c_n|}} \quad (8)$$

бўлади.

(8) формулада $\ell = 0$ бўлганда $R = +\infty$, $\ell = +\infty$ бўлганда эса $R = 0$ деб олинади.

4°. Даражали қаторнинг хоссалари. Даражали қаторнинг баъзи хоссаларини келтирамыз.

Бирор

$$\sum_{n=0}^{\infty} c_n z^n = c_0 + c_1 z + c_2 z^2 + \dots + c_n z^n + \dots \quad (3)$$

даражали қатор берилган бўлсин.

1) Агар (3) даражали қаторнинг яқинлашиш радиуси R ($R > 0$) бўлса, у ҳолда бу қатор

$$\{z \in \mathbb{C} : |z| \leq R_1; R_1 < R\}$$

доирада текис яқинлашувчи бўлади.

И с б о т . Берилган даражали қаторнинг яқинлашиш радиуси R га тенг бўлганлиги сабабли, қатор

$$\{z \in \mathbb{C}: |z| < R\}$$

доирада яқинлашувчи бўлади.

$z_0 \in \{z \in \mathbb{C}: |z| < R_1; R_1 < R\}$ нуқтани олайлик. Равшанки, бу нуқтада даражали қатор абсолют яқинлашувчи, яъни

$$\sum_{n=0}^{\infty} |c_n z_0^n|$$

қатор яқинлашувчи бўлади.

$\forall z \in \{z \in \mathbb{C}: |z| \leq |z_0|\}$ учун ҳар доим

$$|c_n z^n| \leq |c_n| \cdot |z_0^n| = |c_n z_0^n|$$

бўлганлигидан Вейерштрасс аломатига кўра

$$\sum_{n=0}^{\infty} c_n z^n$$

қатор $\{z \in \mathbb{C}: |z| \leq R_1; R_1 < R\}$ да текис яқинлашувчи бўлади.

2 - н а т и ж а . (3) даражали қатор йиғиндиси

$$\{z \in \mathbb{C}: |z| \leq R_1; R_1 < R\}$$

да узлуксиз функция бўлади.

2) Агар (3) даражали қаторнинг яқинлашиш радиуси $R (R > 0)$ бўлса, у ҳолда бу қаторни $\{z \in \mathbb{C}: |z| \leq R_1; R_1 < R\}$ да ҳадлаб дифференциаллаш мумкин.

И с б о т . Айтайлик, (3) даражали қаторнинг яқинлашиш радиуси $R (R > 0)$ бўлиб, унинг йиғиндиси $f(z)$ бўлсин:

$$f(z) = \sum_{n=0}^{\infty} c_n z^n$$

Аввало берилган (3) даражали қатор ҳадларининг ҳосилаларидан тузилган ушбу

$$\sum_{n=1}^{\infty} n c_n z^{n-1} = c_1 + 2c_2 z + 3c_3 z^2 + \dots + n c_n z^{n-1} + \dots \quad (9)$$

даражали қаторнинг ҳам яқинлашиш радиуси R бўлишини кўрсатамиз.

(8) формулага кўра (9) қаторнинг яқинлашиш радиуси

$$\frac{1}{\lim_{n \rightarrow \infty} \sqrt[n]{|c_n|}} = \frac{1}{\lim_{n \rightarrow \infty} (\sqrt[n]{n} \cdot \sqrt[n]{|c_n|})} = \frac{1}{\lim_{n \rightarrow \infty} \sqrt[n]{n}} \cdot \frac{1}{\lim_{n \rightarrow \infty} \sqrt[n]{|c_n|}} = 1 \cdot R = R$$

бўлади. Демак, (9) даражали қаторнинг яқинлашиш радиуси ҳам R га тенг бўлар экан.

(9) қатор

$$D_0 = \{z \in \mathbb{C}: |z| \leq R_1; R_1 < R\}$$

да текис яқинлашувчи бўлади. Бинобарин, унинг йиғиндиси

$$S(z) = \sum_{n=1}^{\infty} n c_n z^{n-1}$$

шу D_0 да узлуксиз бўлади.

Энди

$$S(z) = f'(z)$$

бўлишини кўрсатамиз.

D_0 доирада 0 ва z нуқталарни бирлаштирувчи ва шу D_0 да ётувчи ихтиёрый силлиқ (бўлакли силлиқ) γ эгри чизикни олайлик.

Равшанки,

$$\int_{\gamma} t^n dt = \int_0^z t^n dt = \frac{z^{n+1}}{n+1}, \quad (n = 1, 2, 3, \dots)$$

$$\int_{\gamma} n c_n t^{n-1} dt = n c_n \int_0^z t^{n-1} dt = n c_n \frac{z^n}{n} = c_n z^n.$$

Энди

$$S(z) = \sum_{n=1}^{\infty} n c_n z^{n-1}$$

қаторни ҳадлаб интеграллаб, топамиз:

$$\int_0^z S(z) dz = \int_0^z \sum_{n=1}^{\infty} n c_n t^{n-1} dt = \sum_{n=1}^{\infty} n c_n \int_0^z t^{n-1} dt = \sum_{n=1}^{\infty} c_n z^n$$

Демак,

$$\int_0^z S(z) dz = \sum_{n=1}^{\infty} c_n z^n.$$

Агар

$$f(z) = \sum_{n=0}^{\infty} c_n z^n = c_0 + \sum_{n=1}^{\infty} c_n z^n$$

бўлишини эътиборга олсак, унда кейинги тенгликлардан

$$\int_0^z S(z) dz = f(z) - c_0$$

эканлиги келиб чиқади.

Демак, $\int_0^z s(t) dt$

функция $f(z)$ учун бошланғич функция бўлади:

$$S(z) = f'(z).$$

Шундай қилиб

$$f(z) = \sum_{n=0}^{\infty} c_n z^n$$

бўлганда

$$f'(z) = \left(\sum_{n=0}^{\infty} c_n z^n \right)' = \sum_{n=0}^{\infty} (c_n z^n)' = \sum_{n=1}^{\infty} c_n n z^{n-1}$$

бўлишини, яъни (3) даражали қаторни ҳадлаб дифференциаллаш мумкинлиги кўрсатилди.

Модомики, R_1 ни R га ҳар қанча яқин келтириш мумкин экан, унда (3) қатор, равшанки,

$$\{z \in \mathbb{C}: |z| < R\}$$

да ҳадлаб дифференциалланади.

Худди шу йўл билан даражали қаторни исталган марта ҳадлаб дифференциаллаш мумкинлигини кўрсатиш мумкин.

5^o. Тейлор қатори. Айтайлик,

$$\sum_{n=0}^{\infty} c_n (z - z_0)^n = c_0 + c_1(z - z_0) + c_2(z - z_0)^2 + \dots + c_n(z - z_0)^n + \dots$$

даражали қатор берилган бўлиб, унинг яқинлашиш радиуси R ($R > 0$) бўлсин. Равшанки, бу қатор

$$\{z \in \mathbb{C}: |z - z_0| < R\}$$

доирада яқинлашувчи бўлади. Берилган даражали қаторнинг йиғиндиси $f(z)$ дейлик:

$$f(z) = \sum_{n=0}^{\infty} c_n (z - z_0)^n = \tag{10}$$

$$= c_0 + c_1(z - z_0) + c_2(z - z_0)^2 + \dots + c_n(z - z_0)^n + \dots$$

Юқорида келтирилган даражали қаторнинг 2)-хоссасидан фойдаланиб, (10) қаторни кетма-кет дифференциаллаймиз:

$$f'(z) = c_1 + c_2 \cdot 2(z - z_0) + c_3 \cdot 3(z - z_0)^2 + \dots + c_n n (z - z_0)^{n-1} + \dots,$$

$$f''(z) = c_2 \cdot 2 + c_3 \cdot 3 \cdot 2(z - z_0) + \dots + c_n n(n-1)(z - z_0)^{n-2} + \dots,$$

Бу тенгликларда $z = z_0$ деб оламиз:

$$f(z_0) = c_0,$$

$$f'(z_0) = 1!c_1,$$

$$f''(z_0) = 2!c_2,$$

$$f'''(z_0) = 3!c_3,$$

.....

$$f^{(n)}(z_0) = n!c_n$$

.....

Демак,

$$c_0 = f(z_0), \quad c_1 = \frac{f'(z_0)}{1!}, \quad c_2 = \frac{f''(z_0)}{2!},$$

$$c_3 = \frac{f'''(z_0)}{3!}, \dots, c_n = \frac{f^{(n)}(z_0)}{n!}, \dots$$

бўлади.

Шундай қилиб,

$$\sum_{n=0}^{\infty} c_n (z - z_0)^n$$

даражали қаторнинг коэффициентлари $f(z)$ функция ва унинг ҳосилаларининг z_0 нуқтадаги қийматлари орқали ифодаланади.

Коэффициентларнинг бу қийматларини (10) га қўйсак,

$$\sum_{n=0}^{\infty} \frac{f^{(n)}(z_0)}{n!} (z - z_0)^n \tag{11}$$

бўлади.

Одатда (11) даражали қаторга Тейлор қатори дейилади.

6-БОБ

ГОЛОМОРФ ФУНКЦИЯЛАРНИНГ ХОССАЛАРИ

Комплекс ўзгарувчи функциялар назариясида асосан голоморф функциялар ўрганилади.

Биз мазкур курснинг 2-4 бобларида голоморф функция тушунчаси билан танишдик, уни характерловчи фундаментал теоремаларни (Коши теоремаси, Кошининг интеграл формуласи) келтирдик. Аслида бу теоремалар голоморф функцияларнинг муҳим хоссаларидир.

Ушбу бобда голоморф функцияларнинг ўрганилган муҳим хоссаларини яна бир бор келтириб, кейинги хоссаларини баён этамиз.

1^o. Коши теоремаси. Агар $f(z)$ функция бир боғламли D соҳада ($D \subset C_2$) голоморф бўлса, у ҳолда $f(z)$ функциянинг D соҳада ётувчи ҳар қандай силлик (бўлакли силлик) γ ёпиқ чизиқ (ёпиқ контур) бўйича интеграл нолга тенг бўлади:

$$\int_{\gamma} f(z) dz = 0$$

Бу хосса 4-бобда батафсил ўрганилган эди.

2^o. Кошининг интеграл формуласи. Агар $f(z)$ функция D соҳада ($D \subset C_2$) голоморф бўлиб, \bar{D} да узлуксиз бўлса, у ҳолда $\forall z \in D$ учун

$$f(z) = \frac{1}{2\pi i} \int_{\partial D} \frac{f(t)}{t-z} dt$$

тенглик ўринли бўлади.


Бу хосса ҳам 4-бобда батафсил баён этилган.

3^o. Голоморф функциянинг исталган тартибдаги ҳосилага эга бўлиши. Агар $f(z)$ функция D соҳада ($D \subset C_2$) голоморф бўлса, у ҳолда $f(z)$ функция D да исталган тартибдаги ҳосилага эга бўлиб,

$$f^{(n)}(z) = \frac{n!}{2\pi i} \int_{\gamma} \frac{f(t)}{(t-z)^{n+1}} dt \quad (n=1,2,3,\dots) \quad (1)$$

бўлади.

Бу ерда $\gamma - D$ соҳада ётувчи, (бўлакли силлик) ёпиқ чизиқ бўлиб, z эса γ чизиқ билан чегараланган соҳага тегишли нуқта (42-чизма).



42-чизма

И с б о т. Кошининг интеграл формуласига кўра

$$f(z) = \frac{1}{2\pi i} \int_{\gamma} \frac{f(t)}{t-z} dt$$

бўлади.

z нуқтага Δz орттирма бериб, $f(z)$ функциянинг орттирмасини топамиз:

$$\begin{aligned} f(z+\Delta z) - f(z) &= \frac{1}{2\pi i} \int_{\gamma} \frac{f(t) dt}{t-z-\Delta z} - \frac{1}{2\pi i} \int_{\gamma} \frac{f(t) dt}{t-z} = \\ &= \frac{1}{2\pi i} \int_{\gamma} f(t) \left(\frac{1}{t-z-\Delta z} - \frac{1}{t-z} \right) dt = \\ &= \frac{\Delta z}{2\pi i} \int_{\gamma} \frac{f(t)}{(t-z-\Delta z)(t-z)} dt. \end{aligned}$$

Унда

$$\frac{f(z+\Delta z) - f(z)}{\Delta z} = \frac{1}{2\pi i} \int_{\gamma} \frac{f(t)}{(t-z-\Delta z)(t-z)} dt$$

бўлади. Кейинги тенгликни қуйидагича ёзиб оламиз:

$$\begin{aligned} \frac{f(z+\Delta z) - f(z)}{\Delta z} &= \frac{1}{2\pi i} \int_{\gamma} \frac{f(t)}{(t-z)^2} dt + \frac{1}{2\pi i} \int_{\gamma} \frac{f(t)}{(t-z-\Delta z)(t-z)} dt - \\ &- \frac{1}{2\pi i} \int_{\gamma} \frac{f(t)}{(t-z)^2} dt = \frac{1}{2\pi i} \int_{\gamma} \frac{f(t)}{(t-z)^2} dt + \\ &+ \frac{1}{2\pi i} \int_{\gamma} \frac{\Delta z \cdot f(t)}{(t-z-\Delta z)(t-z)^2} dt. \end{aligned} \quad (2)$$

$$f(z) = \sum_{n=0}^{\infty} c_n (z-a)^n = \sum_{n=0}^{\infty} \frac{f^{(n)}(a)}{n!} (z-a)^n.$$

И с б о т. $U_\rho(a)$ нинг чегарасини γ дейлик:

$$\gamma = \{z \in C_z : |z-a| < \rho, \rho > 0\}$$

Кошининг интеграл формуласига кўра

$$f(z) = \frac{1}{2\pi i} \int_{\gamma} \frac{f(t)}{t-z} dt \quad (5)$$

бўлади.

Аввало $\frac{1}{t-z}$ функцияни қуйидагича

$$\frac{1}{t-z} = \frac{1}{t-a-(z-a)} = \frac{1}{(t-a) \left(1 - \frac{z-a}{t-a}\right)}$$

ёзиб, сўнг

$$\frac{1}{1 - \frac{z-a}{t-a}} = \sum_{n=0}^{\infty} \left(\frac{z-a}{t-a}\right)^n$$

бўлишини эътиборга олиб топамиз:

$$\frac{1}{t-z} = \sum_{n=0}^{\infty} \frac{(z-a)^n}{(t-a)^{n+1}} \quad (6)$$

Бу геометрик қатор бўлиб, унинг махражи

$$\frac{z-a}{t-a}$$

га тенг. Равшанки, $t \in \gamma$ учун қуйидаги тенгсизлик

$$\left| \frac{z-a}{t-a} \right| = \frac{|z-a|}{\rho} = q < 1$$

ўринли. Демак, (4) қатор яқинлашувчи.

(6) тенгликнинг ҳар икки томонини $\frac{1}{2\pi i} f(t)$ га кўпайтириб,

сўнг γ чизик бўйича интеграллаб, ушбу

$$\frac{1}{2\pi i} \int_{\gamma} \frac{f(t)}{t-z} dt = \frac{1}{2\pi i} \int_{\gamma} \sum_{n=0}^{\infty} \frac{f(t)}{(t-a)^{n+1}} (z-a)^n dt$$

тенгликка келамиз.

(5) ва (6) муносабатлардан

$$f(z) = \frac{1}{2\pi i} \int_{\gamma} \sum_{n=0}^{\infty} \frac{f(t)}{(t-a)^{n+1}} (z-a)^n dt \quad (7)$$

бўлиши келиб чиқади.

Интеграл остидаги

$$\sum_{n=0}^{\infty} \frac{f(t)}{(t-a)^{n+1}} (z-a)^n$$

қаторнинг ҳадлари учун

$$\left| \frac{f(t)}{(t-a)^{n+1}} (z-a)^n \right| < \frac{1}{\rho} M q^n \quad (n=1,2,\dots)$$

($M = \max_{\gamma} |f(t)|$) тенгсизлик ўринли бўлади.

Равшанки,

$$\sum_{n=0}^{\infty} \frac{M}{\rho} \cdot q^n \quad (q < 1)$$

қатор яқинлашувчи. Унда Вейерштрасс аломатига кўра

$$\sum_{n=0}^{\infty} \frac{f(t)}{(t-a)^{n+1}} (z-a)^n$$

функционал қатор γ да текис яқинлашувчи бўлади. Бинобарин, бу қаторни ҳадлаб интеграллаш мумкин. Унда (7) тенглик ушбу

$$f(z) = \sum_{n=0}^{\infty} \left[\frac{1}{2\pi i} \int_{\gamma} \frac{f(t)}{(t-a)^{n+1}} dt \right] \cdot (z-a)^n \quad (8)$$

кўринишга келади.

Мазкур бобнинг 3⁰-пунктида келтирилган (1) формуладан фойдаланиб

$$c_n = \frac{1}{2\pi i} \int_{\gamma} \frac{f(t)}{(t-a)^{n+1}} dt = \frac{f^{(n)}(a)}{n!} \quad (9)$$

бўлишини топамиз. Натижада (8) ва (9) тенгликлардан

$$f(z) = \sum_{n=0}^{\infty} \frac{f^{(n)}(a)}{n!} (z-a)^n = \sum_{n=0}^{\infty} c_n (z-a)^n$$

бўлиши келиб чиқади. Бу эса $f(z)$ функциянинг Тейлор қаторига ёйилганлигини билдиради.

Бу хоссадан қуйидаги натижа келиб чиқади.

3 - н а т и ж а . Агар $f(z)$ функция ёпиқ

доирада голоморф бўлиб, бу доиранинг чегараси $\gamma = \partial U_\rho(a)$ айланада

$$|f(z)| \leq M \quad (M = \text{const})$$

бўлса, у ҳолда $f(z)$ функция Тейлор қаторининг c_n коэффициентлари учун

$$|c_n| \leq \frac{M}{\rho^n} \quad (n = 0, 1, 2, \dots) \quad (10)$$

тенгсизлик ўринли бўлади.

Ҳақиқатан ҳам, (9) формуладан

$$\begin{aligned} |c_n| &= \left| \frac{1}{2\pi i} \int_\gamma \frac{f(t)}{(t-a)^{n+1}} dt \right| \leq \frac{1}{2\pi} \int_\gamma \frac{|f(t)|}{|t-a|^{n+1}} dt \leq \\ &\leq \frac{1}{2\pi} \cdot \frac{M}{\rho^{n+1}} \cdot 2\pi\rho = \frac{M}{\rho^n} \end{aligned}$$

бўлиши келиб чиқади

Одатда (10) тенгсизлик Коши тенгсизликлари дейилади.

5^o. Лиувилль теоремаси. Агар $f(z)$ функция комплекс текислик C да (комплекс текисликнинг ҳар бир нуқтасида) голоморф бўлиб, у чегараланган бўлса, $f(z)$ функция C да ўзгармас бўлади.

И с б о т. Голоморф функциянинг 4^o-хоссасига кўра $f(z)$ функция $|z-a| < \rho$ доирада $z-a$ нинг даражалари бўйича Тейлор қаторига ёйилади:

$$f(z) = \sum_{n=0}^{\infty} c_n (z-a)^n,$$

бунда

$$c_n = \frac{1}{2\pi i} \int_\gamma \frac{f(t)}{(t-a)^{n+1}} dt.$$

Коши тенгсизлиги (10) га биноан

$$|f(z)| \leq M \quad (|f(z)| \leq M; n = 0, 1, 2, \dots)$$

бўлади. $f(z)$ функция C да голоморф бўлгани учун бу тенгсизликда ρ ни исталганча катта қилиб олиш мумкин. Шунинг учун $n = 1, 2, 3, \dots$ бўлганда

$$\lim_{\rho \rightarrow \infty} \frac{M}{\rho^n} = 0 \quad (n = 1, 2, 3, \dots)$$

$$\lim_{\rho \rightarrow \infty} \frac{M}{\rho^n} = 0 \quad (n = 1, 2, 3, \dots)$$

бўлади. Айти пайтда (10) тенгсизликнинг чап томони ρ га боғлиқ эмас. Бинобарин, $n = 1, 2, 3, \dots$ бўлганда

$$c_n = 0 \quad (n = 1, 2, 3, \dots)$$

бўлади. Демак, C да $f(z) = c_0$ ($c_0 = \text{const}$).

6^o. Морера теоремаси. Фараз қилайлик, $f(z)$ функция бир боғламли D соҳада $D \subset C_2$ аниқланган ва узлуксиз бўлиб, у эса шу D соҳада ётувчи ихтиёрий силлик (бўлакли силлик) ёпиқ чизиқ бўлсин. Агар

$$\int_\gamma f(z) dz = 0$$

бўлса, у ҳолда $f(z)$ функция D соҳада голоморф бўлади.

И с б о т. Теоремада келтирилган шарт бажарилганда функция D соҳада бошланғич $F(z)$ функцияга эга бўлиб, $F(z)$ функция D соҳада C -дифференциалланувчи, яъни голоморф бўлади.

3^o- хоссанинг 1-натижасига кўра $F'(z)$ ҳам D соҳада голоморф бўлади. Айти пайтда

$$F'(z) = f(z)$$

бўлганлиги сабабли $f(z)$ функция D соҳада голоморф бўлади.

Бу хосса функция голоморфлигининг етарли шартини ифодалайди.

7^o. Ягоналик теоремаси. Фараз қилайлик, $f(z)$ ва $g(z)$ функциялар D соҳада ($D \subset C_2$) голоморф бўлсин. Агар бу функциялар D соҳага тегишли ва ҳеч бўлмаганда битта лимит нуқта z_0 ($z_0 \in D$) га эга бўлган E тўпلامда ($E \subset D$) бир-бирига тенг

$$f(z) = g(z) \quad (z \in E)$$

бўлса, у ҳолда $f(z)$ ва $g(z)$ функциялар D соҳада айнан бир-бирига тенг бўлади:

$$f(z) \equiv g(z) \quad (z \in D).$$

И с б о т. Модомики, z_0 нуқта E тўпلامнинг лимит нуқтаси экан, унда E тўпламга тегишли турли $z_1, z_2, z_3, \dots, z_n, \dots$ $z_n \in E$, $n = 1, 2, 3, \dots$ нуқталардан тузилган ва z_0 га интилувчи

$\forall z \in E$ да $f(z) = g(z)$ бўлгани учун
 $f(z_n) = g(z_n) \quad (n = 1, 2, 3, \dots)$

бўлади.

Энди $f(z)$ ва $g(z)$ функцияларни z_0 нуқтанинг

$$B = \{z \in C_z : |z - z_0| < \rho, \rho > 0\}$$

атрофида (бунда $\rho < d$, d -эса z_0 нуқтадан ∂D гача бўлган масофа) Тейлор қаторига ёйамиз:

$$f(z) = \sum_{k=0}^{\infty} a_k (z - z_0)^k, \quad (11)$$

$$g(z) = \sum_{k=0}^{\infty} b_k (z - z_0)^k.$$

$z_k \rightarrow z_0$ бўлганлиги сабабли k нинг бирор қийматидан бошлаб, кейинги z_k лар

$$B = \{z \in C_z : |z - z_0| < \rho\}$$

доирага тегишли бўлади. Шунинг учун $f(z_k) = g(z_k)$ бўлиб, (11) муносабатлардан

$$\sum_{k=0}^{\infty} a_k (z_k - z_0)^k = \sum_{k=0}^{\infty} b_k (z_k - z_0)^k \quad (12)$$

бўлиши келиб чиқади. Бу тенгликда $z_k \rightarrow z_0$ да лимитга ўтиб

$$a_0 = b_0 \quad (13)$$

бўлишни топамиз.

Бу (13) тенгликни эътиборга олиб, (12) тенгликнинг ҳар икки томонини $z_k - z_0$ га бўлсак, унда

$$\sum_{k=1}^{\infty} a_k (z_k - z_0)^{k-1} = \sum_{k=1}^{\infty} b_k (z_k - z_0)^{k-1} \quad (14)$$

ҳосил бўлади.

Кейинги тенгликда $z_k \rightarrow z_0$ да лимитга ўтиб

$$a_1 = b_1 \quad (15)$$

бўлишни топамиз. Бу (15) тенгликни эътиборга олиб, (14) тенгликнинг ҳар икки томонини $z_k - z_0$ га бўлсак, унда

$$\sum_{k=2}^{\infty} a_k (z_k - z_0)^{k-2} = \sum_{k=2}^{\infty} b_k (z_k - z_0)^{k-2}$$

ҳосил бўлади. Сўнг $z_k \rightarrow z_0$ да лимитга ўтиб

$$a_2 = b_2$$

бўлишни топамиз.

Бу жараённи давом эттира бориб

$$a_k = b_k \quad (k = 3, 4, 5, \dots)$$

бўлишни топамиз.

Шундай қилиб

$$f(z) = \sum_{k=0}^{\infty} a_k (z - z_0)^k.$$

$$g(z) = \sum_{k=0}^{\infty} b_k (z - z_0)^k$$

лар учун

$$a_k = b_k \quad (k = 0, 1, 2, \dots)$$


бўлади. Демак, $B = \{z \in C_z : |z - z_0| < \rho\}$ доирада

$$f(z) = g(z)$$

бўлади.

D соҳада ихтиёрий z^* нуқтани олиб, z_0 ва z^* нуқталарни

D соҳада ётувчи узлуксиз L чизиқ билан бирлаштирамиз. (43-чизма)



43-чизма

В доирада L эгри чизиқ қисмида бирор α ($\alpha \in L$) нуқтани оламиз. Сўнг B да α га интилувчи

$$t_1, t_2, t_3, \dots, t_k, \dots$$

$$(\lim t_k = \alpha)$$

кетма-кетликни қараймиз. Равшанки,

$$f(z_k) = g(z_k) \quad (k = 1, 2, 3, \dots)$$

бўлади.

Энди $f(z)$ ва $g(z)$ функцияларни α нуқтанинг

$$B_1 = \{z \in C_z : |z - \alpha| < \rho_1, \rho_1 > 0\}$$

атрофида (бунда $\rho_1 < d_1$ бўлиб, d_1 -эса L ва ∂D чизиклар орасидаги масофа) Тейлор қаторига ёйамиз:

$$f(z) = \sum_{k=0}^{\infty} a_k (z-z_0)^k,$$

$$g(z) = \sum_{k=0}^{\infty} b_k (z-z_0)^k.$$

Юқорида келтирилган мулоҳазани такрорлаб

$$a_k = b_k \quad (k = 1, 2, 3, \dots)$$

ва, демак, V_1 доирада

$$f(z) = g(z)$$

бўлишини топамиз.

α нуқтани L чизик бўйлаб z^* нуқтага томон силжитиб бориб ва яна юқорида келтирилган мулоҳазаларни такрорлаб

$$f(z^*) = g(z^*)$$

бўлишини топамиз.

z^* нуқта D соҳанинг ихтиёрий нуқтаси бўлганлиги сабабли, D соҳада

$$f(z) = g(z)$$

бўлади.

8°. Вейерштрасс теоремаси. Агар

$$\sum_{k=1}^{\infty} f_n(z) = f_1(z) + f_2(z) + \dots + f_n(z) + \dots \quad (16)$$

функционал қаторнинг ҳар бир $f_n(z)$ ($n = 1, 2, \dots$) ҳади D соҳада ($D \subset C_z$) голоморф бўлиб, бу қатор D соҳада ётувчи ихтиёрий F ёпиқ тўпдамда текис яқинлашувчи бўлса, у ҳолда қатор йиғиндиси

$$f(z) = \sum_{n=1}^{\infty} f_n(z) \quad (17)$$

функция D соҳада голоморф бўлади.

И с б о т. D соҳада ихтиёрий z_0 нуқтани олиб, унинг шундай

$$U_\delta(z_0) = \{z \in C_z : |z - z_0| < \delta, \delta > 0\}$$

атрофини қараймизки, $\bar{U}_\delta(z_0) \subset D$ бўлсин.

Шартга кўра (16) қатор $\bar{U}_\delta(z_0)$ да текис яқинлашувчи. Демак, қатор $U_\delta(z_0)$ да ҳам текис яқинлашувчи бўлади.

$f_n(z)$ ($n = 1, 2, \dots$) функция D соҳада голоморф бўлгани учун у (16) қаторнинг ҳар бир ҳади $U_\delta(z_0)$ да ҳам голоморф бўлади. Бинобарин, $f_n(z)$ ($n = 1, 2, \dots$) функция $U_\delta(z_0)$ да узлуксиз. Унда қатор йиғиндиси $f(z)$ функция ҳам $U_\delta(z_0)$ да узлуксиз бўлади.

Энди $U_\delta(z_0)$ да ётувчи ёпиқ силлиқ (бўлакли силлиқ) γ чизикни олайлик ($\gamma \subset U_\delta(z_0)$). (17) қаторни γ чизик бўйича ҳадлаб интеграллаб, топамиз:

$$\int_{\gamma} f(z) dz = \int_{\gamma} \left(\sum_{n=1}^{\infty} f_n(z) \right) dz = \sum_{n=1}^{\infty} \int_{\gamma} f_n(z) dz. \quad (18)$$

Коши теоремасига кўра

$$\int_{\gamma} f_n(z) dz = 0 \quad (n = 1, 2, 3, \dots) \quad (19)$$

бўлади.

(18) ва (19) муносабатлардан

$$\int_{\gamma} f(z) dz = 0$$

бўлиши келиб чиқади. Морера теоремасидан фойдаланиб, $f(z)$ функцияни $U_\delta(z_0)$ да ва, демак, z_0 нуқтада голоморф бўлишини топамиз.

Қаралаётган z_0 нуқта D соҳанинг ихтиёрий нуқтаси бўлганлигидан $f(z)$ функциянинг D соҳада голоморф бўлиши келиб чиқади.

4 - н а т и ж а . Юқорида келтирилган Вейерштрасс теоремасининг шартин бажарилганда

$$f(z) = \sum_{n=1}^{\infty} f_n(z)$$

қаторни исталган марта ҳадлаб дифференциаллаш мумкин бўлиб,

$$f^{(k)}(z) = \sum_{n=1}^{\infty} f_n^{(k)}(z) \quad (k = 1, 2, \dots)$$

бўлади.

9°. Голоморф функциянинг ноллари. Голоморф функциянинг ноллари ҳақидаги хоссани келтиришдан аввал баъзи тушунчалар ва тасдиқларни баён этамиз.

Фараз қилайлик, бирор $f(z)$ функция кенгайтирилган комплекс текислик \bar{C} да берилган бўлиб, $a \in \bar{C}$ бўлсин.

Агар

$$f(a) = 0$$

бўлса, a комплекс сон $f(z)$ функциянинг ноли дейлади.

Айтайлик, $f(z)$ функция $z=a$ нуктада голоморф бўлсин. Бу функцияни a нукта атрофида даражали қаторга ёйамиз:

$$f(z) = \sum_{n=0}^{\infty} c_n (z-a)^n \quad (20)$$

Агар $z=a$ нукта $f(z)$ функциянинг ноли бўлса, у ҳолда

$$f(a) = c_0 = 0$$

бўлиб, (20) формула ушбу

$$f(z) = \sum_{n=1}^{\infty} c_n (z-a)^n$$

кўринишга келади.

Айтайлик, (20) формулада

$$c_1 = c_2 = \dots = c_{m-1} = 0 \quad (21)$$

бўлиб,

$$c_m \neq 0$$

бўлсин. У ҳолда (20) тенгликдан

$$\begin{aligned} f(z) &= \sum_{n=0}^{\infty} c_n (z-a)^n = c_m (z-a)^m + c_{m+1} (z-a)^{m+1} + \\ &+ c_{m+2} (z-a)^{m+2} + \dots = \\ &= (z-a)^m [c_m + c_{m+1} (z-a) + \dots] \end{aligned}$$

бўлиши келиб чиқади.

Маълумки,

$$c_i = \frac{f^{(i)}(z)}{i!}.$$

Юқоридаги (21) муносабатни эътиборга олиб,

$$f^{(i)}(a) = 0 \quad (i = 1, 2, \dots, m-1)$$

бўлишини топамиз.

Бу ҳолда $z=a$ нукта $f(z)$ функциянинг m каррალი ноли дейлади.

Шундай қилиб, $z=a$ нукта $f(z)$ функциянинг m каррალი ноли бўлса, у ҳолда

$$f(z) = (z-a)^m g(z)$$

бўлиб,

$$g(z) = c_m + c_{m+1}(z-a) + c_{m+2}(z-a)^2 + \dots$$

$(g(a) \neq 0)$ функция $z=a$ нуктада голоморф бўлади.

Аксинча, агар $f(z)$ функция куйидагича

$$f(z) = (z-a)^m g(z)$$

ифодаланиб, $g(z)$ функция $z=a$ нуктада голоморф бўлса, $z=a$ нукта $f(z)$ функциянинг m каррალი ноли бўлади.

$f(z)$ функция $z=\infty$ нуктада голоморф бўлсин. Бу ҳолда $z=\infty$ нукта атрофида $f(z)$ функция ушбу

$$f(z) = c_0 + \sum_{n=1}^{\infty} c_n \frac{1}{z^n} \quad (22)$$

қаторга ёйлади.

$z=\infty$ нукта $f(z)$ функциянинг ноли бўлсин.

Равшанки, бу ҳолда

$$c_0 = f(\infty) = 0$$

бўлиб, (22) формула ушбу

$$f(z) = \sum_{n=1}^{\infty} c_n \frac{1}{z^n} \quad (23)$$

кўринишга келади.

Айтайлик, (23) формулада

$$c_1 = c_2 = \dots = c_{m-1} = 0$$

бўлиб,

$$c_m \neq 0$$

бўлсин. Бу ҳолда $z=\infty$ нукта $f(z)$ функциянинг m каррალი ноли бўлади. У ҳолда (23) формуладан

$$\begin{aligned} f(z) &= \sum_{n=m}^{\infty} c_n \frac{1}{z^n} = c_m \frac{1}{z^m} + c_{m+1} \frac{1}{z^{m+1}} + c_{m+2} \frac{1}{z^{m+2}} + \dots = \\ &= \frac{1}{z^m} \left(c_m + c_{m+1} \frac{1}{z} + c_{m+2} \frac{1}{z^2} + \dots \right) = \frac{1}{z^m} \varphi(z) \end{aligned}$$

бўлишини топамиз. Бу ерда

$$\varphi(z) = c_m + c_{m+1} \frac{1}{z} + c_{m+2} \frac{1}{z^2} + \dots$$

функция учун

$$\varphi(\infty) = c_m \neq 0$$

бўлиб, $\varphi(z)$ функция $z=\infty$ нуктада голоморф бўлади.

Аксинча, агар $f(z)$ функция куйидагича

$$f(z) = \frac{1}{z^m} \varphi(z)$$

ифодаланиб, $f(z)$ функция $z = \infty$ нуктада голоморф бўлса, у ҳолда $z = \infty$ нукта $f(z)$ функциянинг m каррали ноли бўлади.

Энди голоморф функциянинг ноллари ҳақидаги хоссани келтирамиз.

Т е о р е м а . Фараз қилайлик, $f(z)$ функция $z = a$ нуктада голоморф бўлиб, шу $z = a$ нукта $f(z)$ функциянинг ноли бўлсин: $f(a) = 0$. У ҳолда $f(z)$ функция a нуктанинг бирор атрофида айнан нолга тенг: $f(z) \equiv 0$, ёки a нуктанинг шундай атрофи топиладики, бу атрофда $f(z)$ функциянинг $z = a$ нуктадан бошқа ноли бўлмайди.

И с б о т . Шартга кўра $f(z)$ функция $z = a$ нуктада голоморф. Унда функция $z = a$ нукта атрофида қаторга ёйилади:

$$f(z) = \sum_{n=0}^{\infty} c_n (z-a)^n \quad (24)$$

Айтайлик, (24)да барча c_n лар нолга тенг бўлсин:

$$c_0 = c_1 = c_2 = \dots = 0$$

Равшанки, Бу ҳолда функция $z = a$ нукта атрофида $f(z) = 0$ бўлади.

Энди (24) да

$$c_0 = c_1 = c_2 = \dots = c_{m-1} = 0$$

бўлиб,

$$c_m \neq 0$$

бўлсин. Бу ҳолда $z = a$ нукта $f(z)$ функциянинг m каррали ноли бўлиб, у қуйидагича

$$f(z) = (z-a)^m g(z)$$

ифодаланади. Бу ерда $g(z)$ функция $z = a$ нуктада голоморф ва $g(a) \neq 0$. Айни пайтда $g(z)$ функция $z = a$ нуктада узлуксиз ҳам бўлади. Унда $g(a) \neq 0$ бўлганлиги сабабли $z = a$ нуктанинг шундай атрофи топиладики, бу атрофда $g(z) \neq 0$ бўлади. Бинобарин, шу атрофда $f(z)$ функциянинг $z = a$ нуктадан бошқа ноллари бўлмайди.

Бу хосса голоморф функция ноллари яккаланган бўлишини билдиради.

ЛОРАН ҚАТОРЛАРИ. МАХСУС НУҚТАЛАР ВА УЛАРНИНГ ТУРЛАРИ

Биз 6-бобда голоморф функцияларни ўргандик. Жумладан, $f(z)$ функция

$$D = \{z \in C_2 : |z-a| < R\}$$

доирада голоморф бўлса, у Тейлор қатори

$$f(z) = \sum_{n=0}^{\infty} c_n (z-a)^n$$

га ёйилишини кўрдик. Бу ерда

$$c_n = \frac{1}{2\pi i} \int_{\gamma_r} \frac{f(t)}{(t-a)^{n+1}} dt$$

бўлади ($\gamma_r = \{t-a=r\}, 0 < r < R$).


$f(z)$ функция ҳалқада голоморф бўлса, уни шу ҳалқада қаторга ёйиш масаласи комплекс анализ ва унинг татбиқларида муҳим аҳамиятга эга.

1-§. Лоран қаторлари

1°. Лоран қатори тушунчаси. Айтайлик, $f(z)$ функция ушбу

$$K = \{z \in C_2 : r < |z-a| < R\}$$

соҳада (ҳалқада, 44-чизма) голоморф бўлсин, бунда $r \geq 0$, $R \leq +\infty$.



44-чизма


К соҳада ихтиёрий z нуқта олиб, уни тайинланган деб қараймиз. Сўнг шундай

$$K_1 = \{t \in C_2: r_1 < |t-a| < R_1\}$$

соҳани (ҳалқани) оламизки, бунда

$$r < r_1 < R_1 < R$$

бўлиб, $z \in K_1$ бўлсин. Равшанки, бу ҳолда $K_1 \subset K$ бўлади (45-чизма).



45-чизма

Ушбу

$$\{t \in C_2: |t-a| = r_1\}, \quad \{t \in C_2: |t-a| = R_1\}$$

айланаларни мос равишда γ_1, Γ_1 орқали белгилаймиз:

$$\gamma_1 = \{t \in C_2: |t-a| = r_1\},$$

$$\Gamma_1 = \{t \in C_2: |t-a| = R_1\}.$$

Унда K_1 соҳанинг чегараси

$$\partial K_1 = \gamma_1^- \cup \Gamma_1$$

бўлади. Бу ерда γ_1 ва Γ_1 айланаларда йўналиш соат стрелкаси йўналишига қарши қилиб олинган.

Қаралаётган $f(z)$ функция $K(K_1 \subset K)$ соҳада голоморф бўлганлиги сабабли Кошининг интеграл формуласига кўра $\forall z \in K_1$ учун

$$f(z) = \frac{1}{2\pi i} \int_{\partial K_1} \frac{f(t)}{t-z} dt$$

бўлади. Равшанки,

$$\frac{1}{2\pi i} \int_{\partial K_1} \frac{f(t)}{t-z} dt = \frac{1}{2\pi i} \int_{\Gamma_1} \frac{f(t)}{t-z} dt - \frac{1}{2\pi i} \int_{\gamma_1} \frac{f(t)}{t-z} dt.$$

Демак,

$$f(z) = \frac{1}{2\pi i} \int_{\Gamma_1} \frac{f(t)}{t-z} dt - \frac{1}{2\pi i} \int_{\gamma_1} \frac{f(t)}{t-z} dt \quad (1)$$

$\forall t \in \Gamma_1$ учун текис яқинлашувчи $\left(\left| \frac{z-a}{t-a} \right| < 1 \right)$ ушбу

$$\frac{1}{t-z} = \frac{1}{(t-a) \left(1 - \frac{z-a}{t-a} \right)} = \frac{1}{t-a} + \frac{z-a}{(t-a)^2} + \dots + \frac{(z-a)^n}{(t-a)^{n+1}} + \dots$$

қаторни $\frac{1}{2\pi i} f(t)$ га кўпайтириб, сўнг Γ_1 бўйича ҳадлаб интегралласак,

$$\frac{1}{2\pi i} \int_{\Gamma_1} \frac{f(t)}{t-z} dt = \sum_{n=0}^{\infty} c_n (z-a)^n \quad (2)$$

ҳосил бўлади. Бу ерда

$$c_n = \frac{1}{2\pi i} \int_{\Gamma_1} \frac{f(t)}{(t-a)^{n+1}} dt \quad (n = 0, 1, 2, \dots) \quad (3)$$

(Шуни таъкидлаш лозимки, бу ҳолда (3) муносабатдаги c_n коэффицентлар 5-боб, 2-§ да келтирилганидек $\frac{1}{n!} f^{(n)}(a)$ га тенг қилиб олиб бўлмайди. Сабаби, $f(z)$ функция a нуқтада голоморф бўлмаслиги мумкин).

Энди (1) тенгликнинг ўнг томонидаги иккинчи интеграл остидаги $\frac{1}{t-z}$ функцияни $\forall t \in \gamma_1$, учун қуйидагича

$$\frac{1}{t-z} = \frac{1}{z-a} \cdot \frac{1}{1 - \frac{t-a}{z-a}} = \frac{1}{z-a} \frac{t-a}{(z-a)^2} \dots - \frac{(t-a)^n}{(z-a)^{n+1}} \dots \quad (4)$$

ёзиб оламиз. $\forall t \in \gamma_1$ да

$$\left| \frac{t-a}{z-a} \right| = \frac{r_1}{|z-a|} = q < 1$$

бўлганлиги сабабли (3) қатор текис яқинлашувчи бўлади.

Юқоридагидек, (4) тенгликнинг ҳар икки томонини $\frac{1}{2\pi i} f(t)$ га кўпайтириб, сўнг γ_1 бўйича ҳадлаб интеграллаб

$$-\frac{1}{2\pi i} \int_{\gamma_1} \frac{f(t)}{t-z} dt = \sum_{n=1}^{\infty} d_n (z-a)^{-n} \quad (5)$$

бўлишини топамиз, бунда

$$d_n = \frac{1}{2\pi i} \int_{\gamma_1} f(t) \cdot (t-a)^{n-1} dt \quad (n=0,1,2,\dots) \quad (6)$$

бўлади. Натижада (1), (2) ва (5) муносабатлардан

$$f(z) = \sum_{n=0}^{\infty} c_n (z-a)^n + \sum_{n=1}^{\infty} d_n \cdot (z-a)^{-n} \quad (7)$$

бўлиши келиб чиқади.

(3) ва (6) формулалардаги 1,2,3,... қийматларни қабул қиладиган n индексни, -1,-2,-3,... қийматларни қабул қиладиган $-n$ индекс билан алмаштирадик, унда (6) формула ушбу

$$d_{-n} = \frac{1}{2\pi i} \int_{\gamma_1} f(t) \cdot (t-a)^{-n-1} dt \quad (8)$$

кўринишга келади.

Агар z нукта K соҳадаги ихтиёрий нукта эканини, $f(z)$ функция шу соҳада голоморф бўлишини ҳамда γ_1 ва Γ_1 чизиқлар K соҳага тегишлилигини эътиборга олсак, Коши теоремасига кўра

$$\int_{\gamma_1} \frac{f(t)}{(t-a)^{n+1}} dt = \int_{\Gamma_1} \frac{f(t)}{(t-a)^{n+1}} dt,$$

умуман,

$$\int_{\gamma_1} \frac{f(t)}{(t-a)^{n+1}} dt = \int_{\Gamma_1} \frac{f(t)}{(t-a)^{n+1}} dt = \int_{K_\rho} \frac{f(t)}{(t-a)^{n+1}} dt$$

бўлишини топамиз. Бу ерда

$$K_\rho = \left\{ t \in \mathbb{C}_z : |t-a| = \rho; r_1 < \rho < R_1 \right\}.$$

Энди (3) ва (8) тенгликларни солиштириб

$$d_{-n} = c_n \quad (n=0,1,2,\dots)$$

яъни

$$d_n = c_{-n}$$

бўлишини топамиз. Бу ҳол

$$\sum_{n=0}^{\infty} c_n (z-a)^n \quad \text{ва} \quad \sum_{n=1}^{\infty} d_n (z-a)^{-n}$$

йиғиндиларни бирлаштириб, ушбу

$$\sum_{n=-\infty}^{\infty} c_n (z-a)^n$$

кўринишда ёзиш имконини беради:

$$\sum_{n=-\infty}^{\infty} c_n (z-a)^n = \sum_{n=0}^{\infty} c_n (z-a)^n + \sum_{n=1}^{\infty} c_n (z-a)^{-n}.$$

Демак,

$$f(z) = \sum_{n=-\infty}^{\infty} c_n (z-a)^n$$

бўлиб, бунда

$$c_n = \frac{1}{2\pi i} \int_{K_\rho} \frac{f(t)}{(t-a)^{n+1}} dt \quad (n=0,\pm 1,\pm 2,\dots)$$

бўлади.

Шундай қилиб қуйдаги теоремага келамиз:

1-теорема. Ушбу

$$\{z \in \mathbb{C}_z : r < |z-a| < R\}$$

соҳада (ҳалқада) голоморф бўлган ихтиёрий $f(z)$ функция шу соҳада яқинлашувчи

$$\sum_{n=-\infty}^{\infty} c_n (z-a)^n$$

қаторнинг йиғиндиси сифатида ифодаланади:

$$f(z) = \sum_{n=-\infty}^{\infty} c_n (z-a)^n.$$

Бу ерда қаторнинг коэффицентлари

$$c_n = \frac{1}{2\pi i} \int_{K_\rho} \frac{f(t)}{(t-a)^{n+1}} dt \quad (n=0,\pm 1,\pm 2,\dots)$$

бўлиб, $r < \rho < R$ бўлади. Одатда, бу теорема Лоран теоремаси дейилади.

1-т а ъ р и ф. Коэффицентлари

$$c_n = \frac{1}{2\pi i} \int_{|z-a|=\rho} \frac{f(t)}{(t-a)^{n+1}} dt \quad (n=0,\pm 1,\pm 2,\dots)$$

формулалар ёрдамида аниқланадиган

$$\sum_{n=-\infty}^{\infty} c_n(z-a)^n$$

қатор $f(z)$ функциянинг K соҳадаги (ҳалқадаги) Лоран қатори дейилади.

$f(z)$ функция K соҳада (ҳалқада) голоморф бўлса, теоремага биноан

$$f(z) = \sum_{n=-\infty}^{\infty} c_n(z-a)^n$$

бўлишини эътиборга олиб, бу ҳолда $f(z)$ функция K соҳада (ҳалқада) Лоран қаторига ёйилади деб айтамыз.

Демак, $f(z)$ функциянинг Лоран қатори $z-a$ нинг мусбат ва манфий бутун даражалари бўйича ёйилган қаторни ифодалар экан.

Юқорида айтилганлардан ҳамда даражали қаторлар ҳақидаги маълумотлардан фойдаланиб, куйидаги хулосаларга келамиз.

1) Лоран қатори

$$\sum_{n=-\infty}^{\infty} c_n(z-a)^n$$

ни иккита

$$\sum_{n=0}^{\infty} c_n(z-a)^n \quad (9)$$

$$\text{ва} \quad \sum_{n=-1}^{\infty} c_n(z-a)^n \quad (10)$$

қаторларнинг йиғиндисидан иборат деб қараш мумкин. Одатда (9) қатор Лоран қаторининг тўғри қисми, (10) қатор эса Лоран қаторининг бош қисми дейилади.

2) Лоран қаторининг тўғри қисми

$$\sum_{n=0}^{\infty} c_n(z-a)^n$$

5-боб, 2-§ да ўрганилган даражали қатордир. Унинг яқинлашиш соҳаси Абель теоремасига кўра $|z-a| < R$ доирадан иборат бўлиб, яқинлашиш радиуси Коши-Адамар формуласи

$$\frac{1}{R} = \lim_{n \rightarrow \infty} \sqrt[n]{|c_n|}$$

га кўра топилади. (9) қатор $|z-a| < R_1$ ($R_1 < R$) да текис яқинлашувчи бўлади.

3) Лоран қаторининг бош қисми

$$\sum_{n=-1}^{\infty} c_n(z-a)^n \quad (10)$$

да $w = \frac{1}{z-a}$ дейилса, унда бу қатор

$$\sum_{n=1}^{\infty} c_{-n} w^n$$

кўринишга эга бўлади. Бу қатор Абел теоремасига кўра

$$|w| < \frac{1}{r}$$

да яқинлашувчи бўлиб, яқинлашиш радиуси Коши-Адамар формуласига кўра

$$r = \lim_{n \rightarrow \infty} \sqrt[n]{|c_{-n}|}$$

бўлади. Демак,

$$\sum_{n=-1}^{\infty} c_n(z-a)^n$$

қатор доиранинг ташқи қисми бўлган

$$|z-a| > r$$

соҳада яқинлашувчи бўлади.

4) Агар $r \geq R$ бўлса, Лоран қаторининг яқинлашиш соҳаси бўш тўғлам бўлади.

Агар $r < R$ бўлса, Лоран қатори

$$\sum_{n=-\infty}^{\infty} c_n(z-a)^n$$

нинг яқинлашиш соҳаси

$$\{z \in C_2: r < |z-a| < R\}$$

ҳалқадан иборат бўлади.

5) Агар $f(z)$ функциянинг Лоран қатори

$$K = \{z \in C_2: r < |z-a| < R\}$$

соҳада (ҳалқада) яқинлашувчи бўлса, Абель теоремасига кўра қатор

$$\{z \in C_2: r_1 \leq |z-a| \leq R_1\}$$

($r < r_1 < R_1 < R$) ёпиқ соҳада текис яқинлашувчи бўлади.

Вейерштрасс теоремасига кўра Лоран қаторининг йиғиндис $f(z)$ функция

$$\{z \in C_2: r < |z-a| < R\}$$

соҳада голоморф бўлади.

2°. Функцияни Лоран қаторига ёйилмасининг ягоналиги

Биз

$$K = \{z \in C_2: r < |z-a| < R\}$$

соҳада (ҳалқада) голоморф бўлган ҳар қандай $f(z)$ функцияни Лоран қатори

$$f(z) = \sum_{n=-\infty}^{\infty} c_n (z-a)^n$$

га ёйилишини кўрдик. Равшанки, $f(z)$ функциянинг Лоран қатори (Тейлор қатори сингари) ўз коэффициентлари

$$c_n = \frac{1}{2\pi i} \int_{\gamma} \frac{f(t)}{(t-a)^{n+1}} dz$$

билан тўлиқ аниқланади.

Энди $f(z)$ функциянинг Лоран қаторига ёйилмасида коэффициент c_n лар ягона ҳолда аниқланишини, яъни $f(z)$ функция турли усуллар билан Лоран қаторига ёйилганда уларда коэффициентлар ҳар доим бир хил бўлишини кўрсатамиз.

2 - т е о р е м а . $f(z)$ функция $K = \{z \in C_2: r < |z-a| < R\}$ соҳада (ҳалқада) голоморф бўлсин. Бу функциянинг Лоран қаторига ёйилмаси

$$f(z) = \sum_{n=-\infty}^{\infty} c_n (z-a)^n$$

ягонадир.

И с б о т . Тескарисини фараз қилайлик, яъни K соҳада (ҳалқада) голоморф бўлган $f(z)$ функциянинг Лоран қатори иккита

$$f(z) = \sum_{n=-\infty}^{\infty} c_n (z-a)^n \quad (11)$$

$$f(z) = \sum_{n=-\infty}^{\infty} c'_n (z-a)^n \quad (12)$$

бўлиб, $c_n \neq c'_n$ бўлсин. Ушбу

$$\sum_{n=-\infty}^{\infty} c_n (z-a)^n = \sum_{n=-\infty}^{\infty} c'_n (z-a)^n$$

тенгликнинг ҳар икки томонини $(z-a)^{-m-1}$ (m - тайинланган бутун сон) га кўпайтирамиз:

$$\sum_{n=-\infty}^{\infty} c_n (z-a)^{n-m-1} = \sum_{n=-\infty}^{\infty} c'_n (z-a)^{n-m-1}.$$

(11) ва (12) қаторлар $\{z \in C_2: |z-a| = \rho\}$, ($r < \rho < R$) айланада текис яқинлашувчи бўлганлиги сабабли уларни шу айлана бўйича ҳадлаб интеграллаш мумкин. Ҳадлаб интеграллаб қуйидаги

$$\sum_{n=-\infty}^{\infty} c_n \int_{|z-a|=\rho} (z-a)^{n-m-1} dz = \sum_{n=-\infty}^{\infty} c'_n \int_{|z-a|=\rho} (z-a)^{n-m-1} dz \quad (13)$$

тенгликка келамиз.

Маълумки, ихтиёрий бутун k сони учун

$$\int_{|z-a|=\rho} (z-a)^k dz = \begin{cases} 0, & k \neq -1 \\ 2\pi i, & k = -1 \end{cases}$$

бўлади. Бу тенгликдан фойдаланиб, (13) муносабатдан

$$c_n = c'_n$$

бўлишини топамиз. Бу эса теремани исботлайди.

Одатда, бу теорема ягоналик теоремаси дейилади.

Э с л а т м а . Функцияларни Лоран қаторига ёйиш масаласи унинг c_n коэффициентларини аниқлаш билан ҳал қилинади. Бу c_n коэффициентлар интегралларни ҳисоблаш билан топилади. Кўпинча бундай интегралларни ҳисоблаш қийин бўлади. Ягоналик теоремаси функцияларни Лоран қаторига ёйишда бошқа усуллардан фойдаланиш имкониятини яратади.

Шунинг учун функцияларни Лоран қаторига ёйишда турли усуллардан фойдаланиш мумкин бўлади.

М и с о л . Ушбу

$$f(z) = \frac{z}{z^2 - 3z + 2}$$

функцияни

$$K = \{z \in C_2: 1 < |z| < 2\}$$

соҳада (ҳалқада) Лоран қаторига ёйинг.

Берилган

$$f(z) = \frac{z}{z^2 - 3z + 2}$$

функция $z=1, z=2$ нуқталарда голоморф бўлмасдан

$$K = \{1 < |z| < 2\}$$

соҳада (ҳалқада) голоморф. Бинобарин, 1-теоремага кўра функция шу ҳалқада Лоран қаторига ёйилади. Бу ёйилмани топиш учун қаралаётган функцияни куйидагича

$$f(z) = \frac{z}{z^2 - 3z + 2} = \frac{2}{z-2} - \frac{1}{z-1} \quad (14)$$

ёзиб оламиз. Бу тенгликнинг ўнг томонидаги $\frac{2}{z-2}$ функция

$\{|z| < 2\}$ доирада голоморф.

Равшанки,

$$\frac{2}{z-2} = \frac{2}{-2\left(1-\frac{z}{2}\right)} = -\frac{1}{1-\frac{z}{2}}$$

бўлиб,

$$\frac{1}{1-\frac{z}{2}} = 1 + \frac{z}{2} + \left(\frac{z}{2}\right)^2 + \dots + \left(\frac{z}{2}\right)^n + \dots = \sum_{n=0}^{\infty} \frac{1}{2^n} \cdot z^n$$

бўлади. Демак,

$$\frac{2}{z-2} = -\sum_{n=0}^{\infty} \frac{1}{2^n} \cdot z^n$$

бўлиб, бу қатор $\{|z| < 2\}$ да яқинлашувчи бўлади.

Энди (14) тенгликнинг ўнг томонидаги $-\frac{1}{z-1}$ функцияни олиб, уни куйидагича

$$-\frac{1}{z-1} = \frac{-1}{z\left(1-\frac{1}{z}\right)}$$

ёзиб оламиз. Равшанки, бу функция $\{|z| > 1\}$ да голоморф бўлиб, у яқинлашувчи

$$-\frac{1}{z}\left(1 + \frac{1}{z} + \frac{1}{z^2} + \dots + \frac{1}{z^n} + \dots\right)$$

қаторга ёйилади. Демак,

$$\frac{1}{z-1} = \sum_{n=1}^{\infty} \frac{1}{z^n}$$

бўлиб, у $\{|z| > 1\}$ да яқинлашувчи бўлади.

Натижада $K = \{1 < |z| < 2\}$ соҳа (ҳалқа) да (14) тенгликка кўра

$$f(z) = -\sum_{n=0}^{\infty} \frac{1}{2^n} z^n - \sum_{n=1}^{\infty} \frac{1}{z^n} = -\sum_{n=-1}^{\infty} z^n - \sum_{n=0}^{\infty} \frac{1}{2^n} z^n,$$

яъни

$$f(z) = -\left(\sum_{n=-1}^{\infty} z^n + \sum_{n=0}^{\infty} \frac{1}{2^n} z^n\right)$$

бўлади. Демак,

$$\frac{z}{z^2 - 3z + 2} = -\left(\sum_{n=-1}^{\infty} z^n + \sum_{n=0}^{\infty} \frac{1}{2^n} z^n\right).$$

3°. Лоран қатори коэффицентлари учун Коши тенгсизликлари. Фараз қилайлик, $f(z)$ функция

$$K = \{z \in \mathbb{C}_z : r < |z-a| < R\}$$

соҳада (ҳалқада) голоморф бўлиб,

$$\max_{z \in \gamma_\rho} |f(z)| = M, \quad \gamma_\rho = \{|z-a| = \rho\}, \quad r < \rho < R$$

бўлсин. У ҳолда $f(z)$ функциянинг K ҳалқадаги Лоран қатори

$$f(z) = \sum_{n=-\infty}^{\infty} c_n (z-a)^n$$

коэффицентлари учун ушбу

$$|c_n| \leq \frac{M}{\rho^n} \quad (n = 0, \pm 1, \pm 2, \dots) \quad (15)$$

тенгсизликлар ўринли бўлади.

Ҳақиқатан ҳам, Лоран қатори коэффицентлари учун

$$c_n = \frac{1}{2\pi i} \int_{|t-a|=\rho} \frac{f(t)}{(t-a)^{n+1}} dt$$

бўлишини эътиборга олиб,

$$\begin{aligned} |c_n| &= \left| \frac{1}{2\pi i} \int_{|t-a|=r} \frac{f(t)}{(t-a)^{n+1}} dt \right| \leq \frac{1}{2\pi} \int_{|t-a|=r} \frac{|f(t)|}{|t-a|^{n+1}} |dt| \leq \\ &\leq \frac{M}{2\pi r^{n+1}} \int_{|t-a|=r} |dt| = \frac{M}{2\pi r^{n+1}} \cdot 2\pi r = \frac{M}{r^n} \end{aligned}$$

бўлишини топамиз. Демак,

$$|c_n| \leq \frac{M}{\rho^n} \quad (n = 0, \pm 1, \pm 2, \dots)$$

Бу тенгсизликлар Коши тенгсизликлари дейилади.

2-§. Махсус нуқталар ва уларнинг турлари

1°. Махсус нуқталар. Биз аввалги бобларда голоморф функциялар ва уларни хоссаларини ўргандик. Агар $a \in \mathbb{C}$ нуқтада $f(z)$ функциянинг голоморф бўлиши шarti бажарилмаса, у ҳолда функцияни шу нуқта атрофида ўрганилади.

Одатда, бундай нуқта $f(z)$ функциянинг махсус нуқтаси деб қаралади.

2-таъриф. Агар $f(z)$ функция ушбу

$$\{z \in \mathbb{C}: 0 < |z-a| < r\}$$

соҳада (a нуқтанинг ўйилган атрофида) голоморф бўлса, у ҳолда a нуқта $f(z)$ функциянинг яккаланган махсус нуқтаси дейилади.

Мисол. Ушбу

$$f(z) = \frac{1}{z+i}$$

функцияни қарайлик. Равшанки, бу функция

$$\{z \in \mathbb{C}: 0 < |z+i| < r\}$$

соҳада (ҳалқада) голоморф. Бинобарин, $a = -i$ нуқта берилган функциянинг яккаланган махсус нуқтаси бўлади.

3-таъриф. Агар $f(z)$ функция ушбу

$$\{z \in \mathbb{C}: R < |z| < +\infty\}$$

соҳада голоморф бўлса, у ҳолда $a = \infty$ нуқта $f(z)$ функциянинг яккаланган махсус нуқтаси дейилади.

Мисол. Ушбу

$$f(z) = e^z$$

функцияни қарайлик. Бу функция

$$\{z \in \mathbb{C}: R < |z| < +\infty\}$$

соҳада голоморф. Демак, $a = +\infty$ нуқта берилган $f(z) = e^z$ функциянинг яккаланган махсус нуқтаси бўлади.

Функциянинг яккаланмаган махсус нуқталари ҳам бўлади.

Масалан, ушбу

$$f(z) = \frac{1}{\sin \frac{\pi}{z}} \quad (16)$$

функцияни қарайлик. Равшанки,

$$a = 0 \text{ ҳамда } a_n = \frac{1}{n} \quad (n = \pm 1, \pm 2, \dots)$$

нуқталар (16) функциянинг махсус нуқталари бўлади. Бунда $a = 0$ махсус нуқта берилган функциянинг яккаланган махсус нуқтаси бўлмайди.

Дарҳақиқат,

$$\lim_{n \rightarrow \infty} a_n = \lim_{n \rightarrow \infty} \frac{1}{n} = 0$$

бўлганлиги сабабли, $a = 0$ нуқтанинг ҳар қандай ўйилган атрофи

$$U_\delta(a) = \{0 < |z| < \delta\}$$

да функциянинг махсус нуқталари бўлади. Демак, $a = 0$ берилган функциянинг яккаланмаган махсус нуқтаси экан.

Биз қуйида яккаланган махсус нуқталарни ўрганамиз.

2°. Яккаланган махсус нуқталарнинг турлари. Айтайлик a нуқта $f(z)$ функциянинг яккаланган махсус нуқтаси бўлсин. Унда $f(z)$ функция

$$\{z \in \mathbb{C}: 0 < |z-a| < r\}$$

соҳада (a нуқтанинг ўйилган атрофида) голоморф.

$f(z)$ функциянинг $z \rightarrow a$ даги лимитининг характериға қараб яккаланган махсус нуқталар турларга ажралади.

4-таъриф. Агар $z \rightarrow a$ да $f(z)$ функциянинг лимити мавжуд бўлиб,

$$\lim_{z \rightarrow a} f(z) = A \quad (A\text{-чекли})$$

бўлса, у ҳолда a нуқта $f(z)$ функциянинг бартараф қилининадиган (четлатилиши мумкин бўлган) махсус нуқтаси дейилади.

Мисол. Ушбу

$$f(z) = \frac{\sin z}{z}$$

функцияни қарайлик. Равшанки, бу функция $\mathbb{C} \setminus \{z=0\}$ да голоморф бўлиб, $a = 0$ нуқта унинг яккаланган махсус нуқтаси бўлади. Айни пайтда

$$\lim_{z \rightarrow 0} \frac{\sin z}{z} = \lim_{z \rightarrow 0} \frac{1}{z} \left(z - \frac{z^3}{3!} + \frac{z^5}{5!} - \dots \right) = \lim_{z \rightarrow 0} \left(1 - \frac{z^2}{3!} + \frac{z^4}{5!} - \dots \right) = 1$$

бўлади.

Демак, a нукта берилган функциянинг бартараф қилинадиган махсус нуктаси бўлади.

5 - т а ь р и ф . Агар $z \rightarrow a$ да $f(z)$ функциянинг лимити мавжуд бўлиб,

$$\lim_{z \rightarrow a} f(z) = \infty$$

бўлса, у ҳолда a нукта $f(z)$ функциянинг қутб махсус нуктаси дейилади.

М и с о л . Ушбу

$$f(z) = \frac{z}{z+1}$$

функцияни қарайлик. Бу функция $C \setminus \{z = -1\}$ да голоморф бўлиб, $a = -1$ нукта унинг яккаланган махсус нуктаси бўлади. Бу функция учун

$$\lim_{z \rightarrow -1} \frac{z}{z+1} = \infty$$

бўлганлиги сабабли $a = -1$ берилган функциянинг қутб нуктаси бўлади.

6 - т а ь р и ф . Агар $z \rightarrow a$ да $f(z)$ функциянинг лимити мавжуд бўлмаса, у ҳолда a нукта $f(z)$ функциянинг ўта (муҳим) махсус нуктаси дейилади.

М и с о л . Ушбу

$$f(z) = e^z$$

функцияни қарайлик. Бу функция $C \setminus \{z = 0\}$ да голоморф бўлиб, $z = 0$ нукта унинг яккаланган махсус нуктаси бўлади.

Қаралаётган функциянинг $z \rightarrow 0$ да лимити мавжуд эмас. Ҳақиқатан ҳам, агар $z = x$ бўлиб 0 га интилса, унда

$$\lim_{x \rightarrow +0} e^x = \infty, \quad \lim_{x \rightarrow -0} e^x = 0$$

бўлади, ва демак, $z = x \rightarrow 0$ да лимити мавжуд эмас.

Агар $z = iy$ бўлиб 0 га интилса, унда

$$e^{iz} = \cos \frac{1}{y} - i \sin \frac{1}{y}$$

бўлишини эътиборга олиб, $z = iy \rightarrow 0$ да $f(z) = e^z$ функциянинг лимити мавжуд эмаслигини топамиз. Демак, $z = 0$ нукта берилган функциянинг ўта махсус нуктаси бўлади.

3°. Махсус нукталар билан Лоран қаторлари орасидаги боғланишлар.

Фараз қилайлик, $f(z)$ функция

$$K = \{z \in C, : 0 < |z-a| < r\}$$

соҳада (a нуктанинг ўйилган атрофида) голоморф бўлиб, a нукта шу функциянинг яккаланган махсус нуктаси бўлсин. Унда 1-теоремага кўра $f(z)$ функция K да Лоран қатори

$$f(z) = \sum_{n=-\infty}^{\infty} c_n (z-a)^n \quad (17)$$

га ёйилади. Қаралаётган функциянинг Лоран қатори (17) га нисбатан қуйидаги учта ҳолни қараймиз:

а) (17) қаторда $z-a$ айирманинг манфий даражали ҳадлари қатнашмаган ҳол;

б) (17) қаторда $z-a$ айирманинг манфий даражали ҳадларидан чекли сондагиси қатнашган ҳол;

в) (17) қаторда $z-a$ айирманинг чексиз кўп манфий даражали ҳадлари қатнашган ҳол. Мана шу ҳолларга қараб $f(z)$ функциянинг яккаланган махсус нукталарининг турларини аниқлаш мумкин бўлади.

Бартараф этиладиган махсус нукта

3 - т е о р е м а . $f(z)$ функциянинг яккаланган махсус $a \in C$ нуктаси унинг бартараф этиладиган махсус нуктаси бўлиши учун функциянинг Лоран қаторига ёйилмаси (17) да $z-a$ айирманинг манфий даражали ҳадлари қатнашмаслиги зарур ва етарли.

И с б о т . **З а р у р л и г и .** a нукта $f(z)$ функциянинг бартараф этиладиган махсус нуктаси бўлсин. Унда $z \rightarrow 0$ да $f(z)$ функциянинг чекли лимити мавжуд бўлади:

$$\lim_{z \rightarrow a} f(z) = A \quad (A\text{-чекли}).$$

Чекли лимитга эга бўлган функциянинг хоссасига биноан a нуктанинг ўйилган

$$\{z \in C: 0 < |z-a| < r\}$$

атрофида $f(z)$ функция чегараланган бўлади, яъни шундай ўзгармас $M > 0$ топиладики,

$$|f(z)| \leq M$$

тенгсизлик бажарилади. Ушбу

$$0 < \rho < R$$

тенгсизликни қаноатлантирувчи ихтиёрий ρ сонини олайлик. Унда Коши тенгсизликларига кўра $f(z)$ функциянинг Лоран қатори коэффициентлари учун

$$|c_n| \leq \frac{M}{\rho^n} \quad (n=0, \pm 1, \pm 2, \dots) \quad (18)$$

бўлади.

Агар $n = -1, -2, -3, \dots$ бўлиб, $\rho \rightarrow 0$ да $0 < \rho < R$

$$\lim_{\rho \rightarrow 0} \frac{M}{\rho^n} = 0$$

бўлишини эътиборга олсак, унда (18) муносабатдан

$$c_{-1} = c_{-2} = \dots = c_{-n} = \dots = 0$$

бўлишини топамиз. Бу эса (17) Лоран қаторида $z-a$ айирманинг манфий даражали ҳадлари бўлмаслигини билдиради. Бошқача айтганда бу ҳолда (17) Лоран қаторининг бош қисми айнан нолга тенг бўлади.

Е т а р л и л и г и . Айтайлик, $f(z)$ функциянинг Лоран қаторига ёйилмаси (17) да $z-a$ айирманинг манфий даражада қатнашган ҳадлари бўлмасин, яъни Лоран қаторининг бош қисми айнан нолга тенг бўлсин. Бу ҳолда $f(z)$ функциянинг Лоран қатори ушбу

$$f(z) = \sum_{n=0}^{+\infty} c_n (z-a)^n = c_0 + c_1(z-a) + c_2(z-a)^2 + \dots \quad (19)$$

кўринишга эга бўлади. Демак, a нукта $f(z)$ функциянинг бартараф этиладиган махсус нуктаси. Теорема исбот бўлди.

4 - т е о р е м а . $f(z)$ функциянинг яккаланган махсус $a \in \mathbb{C}$ нуктаси унинг бартараф этиладиган махсус нуктаси бўлиши учун a нуктанинг бирор ўйилган атрофи $\{z \in \mathbb{C}: 0 < |z-a| < R\}$ да $f(z)$ функциянинг чегараланган бўлиши зарур ва етарли.

Бу теореманинг исботи юқорида келтирилган 3-теореманинг исботи кабидир.

Фараз қилайлик, a нукта $f(z)$ функциянинг бартараф этиладиган махсус нуктаси бўлсин. Бу ҳолда $z \rightarrow 0$ да $f(z)$ функция чекли лимитга эга бўлади. Агар

$$\lim_{z \rightarrow a} f(z) = f(a)$$

деб олинса, функциянинг a нуктадаги махсуслиги бартараф этилади. Махсус нуктанинг бартараф этиладиган деб номлашининг боиси ҳам шундадир.

Қутб нукта

5 - т е о р е м а . $f(z)$ функциянинг яккаланган махсус $a \in \mathbb{C}$ нуктаси унинг қутб нуктаси бўлиши учун функциянинг Лоран қаторига ёйилмаси (17) да $z-a$ айирманинг манфий даражали ҳадларидан чекли сондагисининг бўлиши зарур ва етарли.

И с б о т . Зарурлиги. a нукта $f(z)$ функциянинг қутб нуктаси бўлсин. Унда $z \rightarrow 0$ да $f(z)$ функциянинг лимити мавжуд бўлиб,

$$\lim_{z \rightarrow a} f(z) = \infty$$

бўлади.

Бу ҳолда a нуктанинг ўйилган $U = \{0 < |z-a| < r\}$ атрофи топиладики, бу атрофда $f(z)$ голоморф функция бўлиб,
 $f(z) \neq 0 \quad (z \in U)$

бўлади. U да ушбу

$$\varphi(z) = \frac{1}{f(z)}$$

функцияни қарайлик. Равшанки бу функция U да голоморф бўлади.

Иккинчи томондан

$$\lim_{z \rightarrow a} \varphi(z) = 0$$

бўлади. Демак, $z=a$ нуктада $\varphi(z)$ функциянинг бартараф этиладиган махсус нуктаси экан.

Агар

$$\lim_{z \rightarrow a} \varphi(z) = 0 = \varphi(a)$$

дейилса, унда $\varphi(z)$ функция $\{z \in \mathbb{C}: |z-a| < r\}$ доирада голоморф бўлиб қолади.

$z=a$ нукта $\varphi(z)$ функциянинг ноли бўлгани учун уни

$$\varphi(z) = (z-a)^n \cdot \psi(z)$$

кўринишда ёзиш мумкин. Бу ерда $\psi(z)$ a нуктада голоморф функция бўлиб, $\psi(z) \neq 0$ бўлади.

Шундай қилиб, қаралаётган U атрофда

$$f(z) = \frac{1}{\varphi(z)} = \frac{1}{(z-a)^n} \cdot \frac{1}{\psi(z)} \quad (19)$$

бўлишини топамиз.

Энди $\frac{1}{\psi(z)}$ функцияни a нукта атрофи $\{z \in \mathbb{C}: |z-a| < r\}$ да

Тейлор қаторига ёйамиз:

$$\frac{1}{\psi(z)} = c_{-n} + c_{-n+1}(z-a) + \dots + c_0(z-a)^n + \dots \quad (20)$$

бунда

$$c_{-n} = \frac{1}{\psi(a)} \neq 0.$$

(19) ва (20) муносабатлардан

$$f(z) = c_{-n}(z-a)^{-n} + c_{-n+1}(z-a)^{-n+1} + \dots + c_{-1}(z-a)^{-1} + \sum_{n=0}^{\infty} c_n(z-a)^n$$

бўлиши келиб чиқади.

Демак, a нукта $f(z)$ функциянинг қутб нуктаси бўлганда, унинг Лоран қатори бош қисми ҳадларининг сони чекли бўлар экан.

Е т а р л и л и г и . Айтайлик, a нуктанинг бирор ўйилган атрофи $\{z \in \mathbb{C}: 0 < |z-a| < r\}$ да $f(z)$ функциянинг Лоран қатори-даги $z-a$ айирманинг манфий даражали ҳадларининг сони чекли бўлсин:

$$f(z) = c_{-n}(z-a)^{-n} + c_{-n+1}(z-a)^{-n+1} + \dots + c_{-1}(z-a)^{-1} + \sum_{n=0}^{\infty} c_n(z-a)^n \quad (c_{-n} \neq 0) \quad (21)$$

Равшанки, $f(z)$ ва $(z-a)^n \cdot f(z) = \psi(z)$ функциялар

$\{z \in \mathbb{C}: 0 < |z-a| < r\}$ да голоморф бўлади.

Юқоридаги (21) муносабатдан фойдаланиб топамиз:

$$\psi(z) = (z-a)^n \cdot f(z) = c_{-n} + c_{-n+1}(z-a) + c_{-n+2}(z-a)^2 + \dots$$

Бундан эса

$$\lim_{z \rightarrow a} \psi(z) = c_{-n} \neq 0$$

бўлиши келиб чиқади. Натижада

$$\lim_{z \rightarrow a} f(z) = \lim_{z \rightarrow a} \frac{\psi(z)}{(z-a)^n} = \infty$$

бўлишини топамиз. Бу эса a нукта $f(z)$ функциянинг қутб нуктаси эканини билдиради. Теорема исбот бўлди.

6 - т е о р е м а . $f(z)$ функциянинг яккаланган махсус $a \in \mathbb{C}$ нуктаси унинг қутб нуктаси бўлиши учун

$$\varphi(z) = \frac{1}{f(z)} \quad (\varphi(z) \neq 0)$$

функция a нукта атрофида голоморф бўлиб, $\varphi(a) = 0$ бўлиши зарур ва етарли.

И с б о т . З а р у р л и г и . Айтайлик a нукта $f(z)$ функциянинг қутб нуктаси бўлсин. Унда

$$\varphi(z) = \frac{1}{f(z)}$$

функция a нукта атрофида голоморф бўлиб, $\varphi(a) = 0$ бўлиши юқорида келтирилган теореманинг исботлаш жараёнида кўрсатилган эди.

Е т а р л и л и г и . Фараз қилайлик,

$$\varphi(z) = \frac{1}{f(z)}$$

a нуктанинг атрофида голоморф бўлиб, $\varphi(a) = 0$ бўлсин. Модомики, $\varphi(z) \neq 0$ экан, унда ягоналик теоремасига биноан a нуктанинг шундай ўйилган атрофи

$$\{z \in \mathbb{C}: 0 < |z-a| < r\}$$

топиладики, бу атрофда $\varphi(z) \neq 0$ бўлади. Демак, шу атрофда

$$f(z) = \frac{1}{\varphi(z)}$$

функция голоморф, a нукта эса унинг яккаланган махсус нуктаси бўлади. Айни пайтда

$$\lim_{z \rightarrow a} f(z) = \lim_{z \rightarrow a} \frac{1}{\varphi(z)} = \infty$$

бўлади. Бу эса a нукта $f(z)$ функциянинг қутб нуктаси эканини билдиради. Теорема исбот бўлди.

Бу теорема функциянинг қутб нукталари билан унинг ноллари орасидаги боғланишни ифодалайди.

Биз 6-боб 9^o-да функция нолларининг тартиби тушунчаси билан танишган эдик. Ундан фойдаланиб ушбу таърифни келтирамиз.

7 - т а ъ р и ф . Ушбу

$$\varphi(z) = \frac{1}{f(z)}$$

функциянинг a нуктадаги нолнинг тартиби $f(z)$ функциянинг a нуктадаги қутб нуктаси тартиби дейилади.

Масалан, ушбу

$$\varphi(z) = \frac{(z-2)^3}{z}$$

функцияни қарайлик. Равшанки, $z=2$ нукта бу функциянинг 3-тартибли ноли. $z=2$ нукта

$$f(z) = \frac{z}{(z-2)^3}$$

функциянинг 3-тартибли кутб нуктаси бўлади.

Юқорида келтирилган 6-теоремадан куйидаги натижа келиб чиқади.

Н а т и ж а . $f(z)$ функциянинг a кутб нуктасининг тартиби

$$f(z) = c_{-m}(z-a)^{-m} + c_{-m+1}(z-a)^{-m+1} + \dots + c_{-1}(z-a)^{-1} + \sum_{n=0}^{\infty} c_n(z-a)^n$$

ёйилмадаги m сонга тенг бўлади.

Ўта (муҳим) махсус нукта

7-теорема. $f(z)$ функциянинг яқкаланган махсус $a \in \mathbb{C}$ нуктаси унинг ўта (муҳим) махсус нуктаси бўлиши учун функциянинг Лоран қаторига ёйилмаси (17) да $z=a$ айирманинг манфий даражали ҳадларидан чексиз кўп сондагисининг бўлиши зарур ва етарли.

Бу теореманинг исботи 5- ва 6- теоремалардан келиб чиқади.

Функциянинг ўта махсус нукта атрофидаги характерини куйидаги теорема ифодалайди.

8-теорема (Ю. В. Сохоцкий теоремаси). Агар $a \in \mathbb{C}$ нукта $f(z)$ функциянинг ўта махсус нуктаси бўлса, у ҳолда ҳар қандай A сони ($A \in \mathbb{C}$) олинганда ҳам, a га яқинлашувчи шундай $\{z_n\}$ кетма-кетлик ($z_n \rightarrow a$) топиладики,

$$\lim_{z \rightarrow \infty} f(z_n) = A$$

бўлади.

И с б о т . Айтайлик, $A = \infty$ бўлсин. Бу ҳолда a га яқинлашувчи ҳар қандай $\{z_n\}$ кетма-кетлик олинганда ҳам ($z_n \rightarrow a$)

$$\lim_{z \rightarrow \infty} f(z_n) = \infty$$

бўлишини кўрсатиш керак.

Шартга кўра a нукта $f(z)$ функциянинг ўта махсус нуктаси. Унда 4-теоремага кўра a нуктанинг шундай ўйилган атрофи

$$U_{r_1}(a) = \{z \in \mathbb{C}: 0 < |z-a| < r_1\}$$

топиладики, бу атрофда $f(z)$ функция чегараланмаган бўлади:

$$|f(z)| > M \quad (z \in U_{r_1}(a))$$

Хусусан, $z_1 \in U_{r_1}(a)$ учун

$$|f(z_1)| > 1$$

бўлади.

Энди a нуктанинг ушбу

$$U_{r_2}(a) = \left\{ z \in \mathbb{C}: 0 < |z-a| < \frac{|z_1-a|}{2} \right\}$$

атрофини оламиз. Равшанки, $U_{r_2}(a) \subset U_{r_1}(a)$ бўлади.

Қаралаётган $f(z)$ функция бу атрофда ҳам чегараланмаганлиги учун, шундай $z_2 \in U_{r_2}(a)$ нукта топиладики,

$$|f(z_2)| > 2$$

бўлади.

Бу жараённи давом эттира бориб, n та қадамдан кейин, a нуктанинг

$$U_{r_n}(a) = \left\{ z \in \mathbb{C}: 0 < |z-a| < \frac{|z_1-a|}{2^{n-1}} \right\}$$

атрофига келамизки, $z_n \in U_{r_n}(a)$ учун

$$|f(z_n)| > n \quad (22)$$

бўлади.

Шу мулоҳазани давом эттиравериш натижасида $\{z_n\}$ кетма-кетлик ҳосил бўлиб, $n \rightarrow \infty$ да $z_n \rightarrow a$ бўлади. Унда (22) муносабатдан

$$\lim_{z \rightarrow \infty} f(z_n) = \infty$$

бўлиши келиб чиқади.

Айтайлик, $A \neq \infty$ бўлсин. Агар a нуктанинг ихтиёрий кичик

$$U_{\delta}(a) = \{z \in \mathbb{C}: 0 < |z-a| < \delta\}$$

атрофида z нукта топилсаки, $f(z) = A$ бўлса, у ҳолда бундай z нукталардан тузилган $\{z_n\}$ кетма-кетлик учун $z_n \rightarrow a$ бўлиб,

$$\lim_{z \rightarrow \infty} f(z_n) = A$$

бўлади.

Агар a нуқтанинг ихтиёрий кичик $U_\delta(a)$ атрофида $f(z) = A$ бўладиган нуқталар бўлмаса, у ҳолда, равшанки, бу атрофда

$$\varphi(z) = \frac{1}{f(z) - A}$$

функция голоморф бўлади.

Модомики, $z = a$ нуқта $\varphi(z)$ функциянинг ўта махсус нуқтаси экан, унда юқорида исбот этилганига кўра, a нуқтага яқинлашувчи шундай $\{z_n\}$ кетма-кетлик топиладики,

$$\lim_{z \rightarrow \infty} \varphi(z_n) = \infty$$

бўлади. Шунини эътиборга олиб топамиз:

$$\lim_{z \rightarrow \infty} f(z) = \lim_{z \rightarrow \infty} \left(A + \frac{1}{\varphi(z)} \right) = A$$

Сохоцкий теоремаси исбот бўлди.

8-БОБ

ЧЕГИРМАЛАР НАЗАРИЯСИ ВА УНИНГ ТАТБИҚЛАРИ

1-§. Чегирмалар ва уларни ҳисоблаш

1°. Чегирма тушунчаси. Фараз қилайлик, $f(z)$ функция

$$K = \{z \in \mathbb{C}: 0 < |z - a| < R\}$$

соҳада голоморф бўлиб, a нуқта бу функциянинг яққаланган махсус нуқтаси бўлсин.

7-бобнинг 1-§ да келтирилган 1- теоремага кўра $f(z)$ функция K да ушбу Лоран қаторига ёйилади:

$$f(z) = \sum_{n=-\infty}^{\infty} c_n (z-a)^n = \sum_{n=0}^{\infty} c_n (z-a)^n + c_{-1}(z-a)^{-1} + c_{-2}(z-a)^{-2} + \dots + c_{-n}(z-a)^{-n} + \dots \quad (1)$$

Равшанки, бу қатор K соҳада текис яқинлашувчи, жумладан K соҳага тегишли бўлган

$$\gamma_\rho = \{z \in \mathbb{C}: |z - a| = \rho; 0 < \rho < R\}$$

айланада ҳам текис яқинлашувчи бўлади. Бинобарин, (1) қаторни γ_ρ айлана бўйича ҳадлаб интеграллаш мумкин:

$$\int_{\gamma_\rho} f(z) dz = \sum_{n=0}^{\infty} c_n \int_{\gamma_\rho} (z-a)^n dz + c_{-1} \int_{\gamma_\rho} (z-a)^{-1} dz + c_{-2} \int_{\gamma_\rho} (z-a)^{-2} dz + \dots + c_{-n} \int_{\gamma_\rho} (z-a)^{-n} dz + \dots$$

Бу ерда γ_ρ да мусбат йўналиш олинган.

Маълумки,

$$\int_{\gamma_\rho} (z-a)^m dz = \begin{cases} 0, & m \neq -1, \\ 2\pi i, & m = -1 \end{cases}$$

бўлади. Шунини эътиборга олиб

$$\int_{\gamma_\rho} f(z) dz = c_{-1} \cdot 2\pi i,$$

яъни

$$\frac{1}{2\pi i} \int_{\gamma_p} f(z) dz = c_{-1}$$

бўлишини топамиз.

1-таъриф. Ушбу

$$\frac{1}{2\pi i} \int_{\gamma_p} f(z) dz$$

миқдор, яъни $f(z)$ функциянинг Лоран қаторига ёйилмасидаги c_1 коэффициент $f(z)$ функциянинг яққаланган махсус a нуқтасидаги чегирмаси дейилади ва $\operatorname{res}_{z=a} f(x)$ каби белгиланади:

$$\operatorname{res}_{z=a} f(z) = \frac{1}{2\pi i} \int_{\gamma_p} f(z) dz \quad (2)$$

(res - французча Residu сўзининг қисқача ёзилиши бўлиб, у «чегирма» деган маънони англатади).

Бу таъриф ва 7-боб, 2-§ да келтирилган 3-теоремадан куйидаги натижа келиб чиқади.

Н а т и ж а . Агар $z = a$ нуқта $f(z)$ функциянинг бартараф этиладиган махсус нуқтаси бўлса, функциянинг шу нуқтадаги чегирмаси нолга тенг бўлади:

$$\operatorname{res}_{z=a} f(z) = 0$$

Мисол. Ушбу

$$f(z) = \frac{\sin z}{z}$$

функцияни қарайлик. Бу функция $z = 0$ нуқтанинг ўйилган атрофи $\{z \in \mathbb{C}: 0 < |z| < R\}$ да голоморф ва унинг учун $z = 0$ нуқта яққаланган махсус нуқта бўлади. Берилган функциянинг $\{z \in \mathbb{C}: 0 < |z| < R\}$ даги Лоран қатори

$$\frac{\sin z}{z} = 1 + \frac{z^2}{3!} + \frac{z^4}{5!} + \dots$$

бўлади. Равшанки, бу ҳолда $c_{-1} = 0$ бўлади. Демак, $f(z) = \frac{\sin z}{z}$

функциянинг $z = 0$ нуқтадаги чегирмаси

$$\operatorname{res}_{x=0} f(z) = \operatorname{res}_{x=0} \frac{\sin z}{z} = 0$$

бўлади.

Энди функциянинг ∞ даги чегирмаси тушунчасини келтирамиз.

Айтайлик, $f(z)$ функция $\{z \in \mathbb{C}: R_0 < |z| < \infty\}$ соҳада голоморф ва $a = \infty$ нуқта унинг учун яққаланган махсус нуқта бўлсин.

2-таъриф. Ушбу

$$\frac{1}{2\pi i} \int_{\gamma_R} f(z) dz$$

миқдор, яъни $f(z)$ функциянинг Лоран қаторига ёйилмаси (1) даги c_1 коэффициентни манфий ишора билан олинган қиймати $f(z)$ функциянинг яққаланган махсус $a = \infty$ нуқтадаги чегирмаси дейилади ва $\operatorname{res}_{z=\infty} f(z)$ каби белгиланади:

$$\operatorname{res}_{z=\infty} f(z) = \frac{1}{2\pi i} \int_{\gamma_R} f(z) dz$$

Юқоридагидек, $f(z)$ функциянинг $\{z \in \mathbb{C}: R_0 < |z| < \infty\}$ даги

Лоран қатори

$$f(z) = c_0 + c_{-1}z^{-1} + c_{-2}z^{-2} + \dots + c_{-n}z^{-n} + \dots + c_1z + c_2z^2 + \dots + c_nz^n + \dots$$

ни

$$\gamma_R = \{z \in \mathbb{C}: |z| = R_0, R_0 < R\}$$

айлана бўйича ҳадлаб интеграллаб

$$\int_{\gamma_R} f(z) dz = 2\pi i \cdot (-c_{-1}),$$

яъни

$$\operatorname{res}_{z=\infty} f(z) = \frac{1}{2\pi i} \int_{\gamma_R} f(z) dz = -c_{-1}$$

бўлишини топамиз.

а) Фараз қилайлик, a нуқта $f(z)$ функциянинг оддий (бир каррали) қутб нуқтаси бўлсин.

Маълумки, бу ҳолда $f(z)$ функциянинг a нуқта атрофидаги Лоран қатори ушбу

$$f(z) = c_{-1}(z-a)^{-1} + \sum_{n=0}^{\infty} c_n(z-a)^n$$

кўринишга эга бўлади. Кейинги муносабатдан

$$c_{-1} = (z-a)f(z) - (z-a) \sum_{n=0}^{\infty} c_n(z-a)^n$$

бўлиши келиб чиқади. Бу тенгликда $z \rightarrow a$ да лимитга ўти

$$c_{-1} = \lim_{z \rightarrow a} [(z-a)f(z)]$$

бўлишини топамиз.

Демак, $f(z)$ функциянинг a нуқтадаги чегирмаси

$$\operatorname{res} f(z) = \lim_{z \rightarrow a} [(z-a)f(z)] \quad (3)$$

бўлади.

Хусусан, $f(z) = \frac{\varphi(z)}{\psi(z)}$ бўлиб, $\varphi(z)$ ва $\psi(z)$ функциялар a

нуқтада голоморф, $\varphi(a) \neq 0$, $\psi(a) = 0$, $\psi'(a) \neq 0$ бўлса, a нуқта $f(z)$ функциянинг кутб нуқтаси бўлганда

$$\begin{aligned} \operatorname{res} f(z) &= \lim_{z \rightarrow a} \frac{(z-a)\varphi(z)}{\psi(z)} = \\ &= \lim_{z \rightarrow a} \frac{\varphi(z)}{\psi(z) - \psi(a)} = \frac{\varphi(a)}{\psi'(a)} \end{aligned}$$

бўлади. Демак,

$$\operatorname{res}_{z=a} \frac{\varphi(z)}{\psi(z)} = \frac{\varphi(a)}{\psi'(a)} \quad (4)$$

б) Фараз қилайлик, a нуқта $f(z)$ функциянинг m каррали кутб нуқтаси бўлсин. Бу ҳолда $f(z)$ функциянинг a нуқта атрофидаги Лоран қатори ушбу

$$\begin{aligned} f(z) &= \frac{c_{-m}}{(z-a)^m} + \frac{c_{-m+1}}{(z-a)^{m-1}} + \dots + \frac{c_{-1}}{z-a} + c_0 + \\ &+ c_1(z-a) + c_2(z-a)^2 + \dots + c_n(z-a)^n + \dots \end{aligned} \quad (5)$$

кўринишга эга бўлади.

(5) тенгликнинг ҳар икки томонини $(z-a)^m$ га кўпайтириб қуйидаги

$$\begin{aligned} (z-a)^m f(z) &= c_{-m} + c_{-m+1}(z-a) + \dots + c_{-1}(z-a)^{m-1} + \\ &+ c_0(z-a)^m + c_1(z-a)^{m+1} + \dots + c_n(z-a)^{n+m} + \dots \end{aligned}$$

тенгликка келамиз.

$m-1$ марта дифференциаллаш натижасида

$$\begin{aligned} \frac{d^{m-1}}{dz^{m-1}} [(z-a)^m f(z)] &= (m-1)!c_{-1} + \frac{m!}{1!}c_0(z-a) + \\ &+ \frac{(m+1)!}{2!}c_1(z-a)^2 + \dots \end{aligned}$$

бўлади.

Кейинги тенгликда $z \rightarrow a$ да лимитга ўтиб топамиз:

$$\lim_{z \rightarrow a} \frac{d^{m-1}}{dz^{m-1}} [(z-a)^m f(z)] = (m-1)!c_{-1}.$$

Шундан эса

$$c_{-1} = \frac{1}{(m-1)!} \lim_{z \rightarrow a} \frac{d^{m-1}}{dz^{m-1}} [(z-a)^m f(z)]$$

бўлиши келиб чиқади.

Демак, бу ҳолда $f(z)$ функциянинг $z=a$ нуқтадаги чегирмаси

$$\operatorname{res} f(z) = \frac{1}{(m-1)!} \frac{d^{m-1}}{dz^{m-1}} [(z-a)^m f(z)] \quad (6)$$

бўлади.

Хусусан, $f(z) = \frac{\varphi(z)}{(z-a)^m}$ бўлиб, $\varphi(z)$ a нуқтада голоморф ва

$\varphi(a) \neq 0$ бўлса, унда (6) муносабатдан

$$\operatorname{res}_{z=a} f(z) = \operatorname{res}_{z=a} \frac{\varphi(z)}{(z-a)^m} = \frac{1}{(m-1)!} \varphi^{(m-1)}(a) \quad (7)$$

бўлиши келиб чиқади.

Мисол. Ушбу

$$f(z) = \frac{z^2}{z+2}$$

функцияни қарайлик. Равшанки, $z=-2$ нуқта бу функциянинг оддий кутб нуқтаси бўлади. (3) формуладан фойдаланиб, берилган функциянинг $z=-2$ кутб нуқтасидаги чегирмасини топамиз:

$$\operatorname{res}_{z=-2} \frac{z^2}{z+2} = \lim_{z \rightarrow -2} \left[(z+2) \frac{z^2}{z+2} \right] = \lim_{z \rightarrow -2} z^2 = 4.$$

Э с л а т м а . Муҳим махсус нуқталарда чегирма ҳисоблаш учун функцияни Лоран қаторига ёйиб c_{-1} коэффицентни топиш керак. Бу ҳолда умумий формула йўқ.

3^o. Чегирмалар ҳақида теоремалар. Энди чегирмалар ҳақидаги теоремаларни келтирамиз.

1-теорема. Фараз қилайлик, $f(z)$ функция бир боғлам-ли D соҳада берилган бўлиб, шу соҳага тегишли чекли сондаги махсус z_1, z_2, \dots, z_n нуқталардан бошқа барча нуқталарда голоморф бўлсин. Бу яққаланган махсус z_1, z_2, \dots, z_n нуқталар D соҳада ётувчи силлиқ ёпиқ γ чизик ичида жойлашсин. У ҳолда

$$\int_{\gamma} f(z) dz = 2\pi i \sum_{k=1}^m \operatorname{res}_{z=z_k} f(z)$$

бўлади. Бунда γ ёпиқ чизик мусбат йўналишда олинган.

И с б о т . Марказлари z_k ($k = 1, 2, \dots, n$) нуқталарда, етарлича кичик радиусли γ_k ($k = 1, 2, \dots, n$) айланаларни оламизки, бу айланалар γ ёпиқ чизик ичида ётсин ва $\gamma_k \cap \gamma_i = \emptyset$ ($k \neq i, i = 1, 2, \dots, n$) бўлсин. У ҳолда Кошининг кўп боғламли соҳалар ҳақидаги теоремасига кўра

$$\int_{\gamma} f(z) dz = \sum_{k=1}^n \int_{\gamma_k} f(z) dz \quad (8)$$

бўлади, бунда γ_k айланаларда соат стрелкаси йўналишига қарши йўналиш олинган.

Агар

$$\int_{\gamma_k} f(z) dz = 2\pi i \operatorname{res}_{z=z_k} f(z)$$

эканлигини эътиборга олсак, унда (8) тенгликдан

$$\int_{\gamma} f(z) dz = 2\pi i \sum_{k=1}^n \operatorname{res}_{z=z_k} f(z)$$

бўлиши келиб чиқади. Бу эса теоремани исботлайди.

Бу теоремадан функцияларнинг интегралларини ҳисоблашда фойдаланилади.

2 - т е о р е м а . Фараз қилайлик, $f(z)$ функция кенгайтирилган комплекс текисликнинг чекли сондаги махсус z_1, z_2, \dots, z_n нуқталаридан бошқа барча нуқталарда голоморф бўлсин. У ҳолда бу функциянинг z_1, z_2, \dots, z_n нуқталардаги ҳамда $z = \infty$ нуқтадаги чегирмалари йиғиндиси нолга тенг бўлади:

$$\sum_{k=1}^n \operatorname{res}_{z=z_k} f(z) + \operatorname{res}_{z=\infty} f(z) = 0 \quad (9)$$

И с б о т . Текисликда R радиусли шундай

$$\gamma_R = \{z \in \mathbb{C} : |z| = R\}$$

айланани оламизки, z_1, z_2, \dots, z_n яққаланган махсус нуқталар шу айлана ичида жойлашсин. Бу айланада йўналишни мусбат қилиб оламиз.

К) ҳорида исбот этилган 1-теоремага кўра

$$\int_{\gamma_R} f(z) dz = 2\pi i \sum_{k=1}^n \operatorname{res}_{z=z_k} f(z) \quad (10)$$

Иккинчи томондан (9) муносабатга кўра

$$\int_{\gamma_R} f(z) dz = -2\pi i \operatorname{res}_{z=\infty} f(z) \quad (11)$$

бўлади.

(10) тенгликдан (11) тенгликни ҳадлаб айланиб, топамир:

$$0 = 2\pi i \sum_{k=1}^n \operatorname{res}_{z=z_k} f(z) + 2\pi i \operatorname{res}_{z=\infty} f(z).$$

Демак,

$$\sum_{k=1}^n \operatorname{res}_{z=z_k} f(z) + \operatorname{res}_{z=\infty} f(z) = 0.$$

Теорема исбот бўлди.

2-§. Чегирмалар назариясининг баъзи татбиқлари

Ушбу параграфда функциянинг чегирмалари ҳақидаги маълумотлар ва тасдиқлардан фойдаланиб, функцияларнинг ёпиқ эгри чизик (ёпиқ котур) бўйича олинган интегралларини ҳамда маълум синф аниқ интегралларни ҳисоблаймиз.

1^o. Функциянинг ёпиқ эгри чизик бўйича интегралларини ҳисоблаш. Функция чегирмаси таърифи:

$$\operatorname{res}_{z=a} f(z) = c_{-1} = \frac{1}{2\pi i} \int_{\gamma_a} f(z) dz$$

ёпиқ эгри чизик бўйича олинган

$$\int_{|z|=1} f(z) dz$$

интегрални ҳисоблаш имконини беради.

Масалан, ушбу

$$\int_{|z|=1} e^z dz$$

интегрални қарайлик. Интеграл остидаги $f(z) = e^{\frac{1}{z}}$ функциянинг $z=0$ нуқтанинг ўйилган атрофи $\{z \in \mathbb{C}: 0 < |z| < R\}$ даги Лоран қатори

$$e^{\frac{1}{z}} = 1 + \frac{1}{z} + \frac{1}{2z^2} + \dots$$

бўлиб, бунда $c_{-1} = 1$ бўлади. Демак,

$$\int_{|z|=1} e^{\frac{1}{z}} dz = 2\pi i \cdot \operatorname{res}_{z=0} e^{\frac{1}{z}} = 2\pi i$$

бўлади.

Маълумки, чегирмалар ҳақидаги 1-теоремага асосан $f(z)$ функциянинг ёпиқ эгри чизиқ γ буйича олинган интегрални шу функциянинг γ ичида ётган махсус нуқталардаги чегирмалари орқали ифодаланар эди. Бинобарин, бундай интеграллар чегирмаларни ҳисоблаш билан боғлиқ.

Масалан, ушбу

$$\int_{|z|=2} \frac{z^2 dz}{(z^2+1)(z+3)}$$

интегрални қарайлик. Интеграл остидаги

$$f(z) = \frac{z^2}{(z^2+1)(z+3)}$$

функция учун $z_1 = i$, $z_2 = -i$, $z_3 = -3$ махсус нуқталар (кўтб нуқталар) бўлиб, улардан иккитаси $z_1 = i$, $z_2 = -i$ лар $\{z \in \mathbb{C}: |z| = 2\}$ айлана ичида ётади. 2-теоремага биноан

$$\int_{|z|=2} \frac{z^2 dz}{(z^2+1)(z+3)} = 2\pi i \left[\operatorname{res}_{z=i} f(z) + \operatorname{res}_{z=-i} f(z) \right]$$

бўлади.

Энди (3) формуладан фойдаланиб, функциянинг $z_1 = i$, $z_2 = -i$ нуқталардаги чегирмаларини ҳисоблаймиз:

$$\begin{aligned} \operatorname{res}_{z=i} f(z) &= \operatorname{res}_{z=i} \frac{z^2}{(z^2+1)(z+3)} = \lim_{z \rightarrow i} \left[\frac{z^2}{(z+1)(z+3)} (z-i) \right] = \\ &= \lim_{z \rightarrow i} \frac{z^2}{(z+i)(z+3)} = \frac{i^2}{2i(i+3)} = \frac{1}{2(1-3i)}, \end{aligned}$$

$$\begin{aligned} \operatorname{res}_{z=-i} f(z) &= \operatorname{res}_{z=-i} \frac{z^2}{(z^2+1)(z+3)} = \lim_{z \rightarrow -i} \left[\frac{z^2}{(z^2+1)(z+3)} (z+i) \right] = \\ &= \lim_{z \rightarrow -i} \frac{z^2}{(z+i)(z+3)} = \frac{i^2}{-2i(-i+3)} = \frac{1}{2(1-3i)}. \end{aligned}$$

Натижада

$$\int_{|z|=2} \frac{z^2 dz}{(z^2+1)(z+3)} = 2\pi i \left(\frac{1}{2(1-3i)} + \frac{1}{2(1+3i)} \right) = \frac{\pi i}{5}$$

бўлишини топамиз.

Яна бир неча мисоллар қараймиз.

М и с о л . Ушбу

$$\int_{|z|=1} \frac{z dz}{\frac{1}{2} - \sin^2 z}$$

интегрални ҳисобланг.

Интеграл остидаги

$$f(z) = \frac{z}{\frac{1}{2} - \sin^2 z} = \frac{z}{\left(\frac{\sqrt{2}}{2} - \sin z\right)\left(\frac{\sqrt{2}}{2} + \sin z\right)}$$

функциянинг $z_1 = \frac{\pi}{4}$, $z_2 = -\frac{\pi}{4}$ махсус нуқталари (кўтб нуқталари)

$\{z \in \mathbb{C}: |z| = 1\}$ айлана ичида ётади. Унда

$$\int_{|z|=1} \frac{z dz}{\frac{1}{2} - \sin^2 z} = 2\pi i \left[\operatorname{res}_{z=\frac{\pi}{4}} \frac{z}{\frac{1}{2} - \sin^2 z} + \operatorname{res}_{z=-\frac{\pi}{4}} \frac{z}{\frac{1}{2} - \sin^2 z} \right]$$

бўлади.

Энди (4) формуладан фойдаланиб, чегирмаларни ҳисоблаймиз:

$$\operatorname{res}_{z=\frac{\pi}{4}} \frac{z}{\frac{1}{2} - \sin^2 z} = \frac{\frac{\pi}{4}}{\left(\frac{1}{2} - \sin^2 z\right)'_{z=\frac{\pi}{4}}} = \frac{\frac{\pi}{4}}{(-\sin 2z)_{z=\frac{\pi}{4}}} = \frac{\frac{\pi}{4}}{-\sin \frac{\pi}{2}} = -\frac{\pi}{4}$$

$$\operatorname{res}_{z=-\frac{\pi}{4}} \frac{z}{2 - \sin^2 z} = \frac{\frac{\pi}{4}}{-\sin\left(-\frac{\pi}{2}\right)} = -\frac{\pi}{4}.$$

Демак,

$$\int_{|z|=1} \frac{zdz}{2 - \sin^2 z} = 2\pi i \left(-\frac{\pi}{4} - \frac{\pi}{4}\right) = -\pi^2 i$$

бўлади.

Мисол. Ушбу

$$\int_{|z|=2} \frac{z^3}{z^4 - 1} dz$$

интегрални ҳисобланг. Интеграл остидаги

$$f(z) = \frac{z^3}{z^4 - 1}$$

функциянинг 4 та махсус z_1, z_2, z_3, z_4 нуқталари (кутб нуқталари) бўлиб, барчаси $\{z \in \mathbb{C} : |z|=2\}$ айлана ичида жойлашганлиги сабабли 1-теоремага кўра

$$\int_{|z|=2} \frac{z^3}{z^4 - 1} dz = 2\pi i \sum_{k=1}^4 \operatorname{res}_{z=z_k} \frac{z^3}{z^4 - 1} \quad (12)$$

бўлади.

Маълумки, 2-теоремага мувофиқ

$$\sum_{k=1}^4 \operatorname{res}_{z=z_k} \frac{z^3}{z^4 - 1} + \operatorname{res}_{z=\infty} \frac{z^3}{z^4 - 1} = 0 \quad (13)$$

бўлади. Агар

$$f(z) = \frac{z^3}{z^4 - 1} = \frac{1}{z} \cdot \frac{1}{1 - \frac{1}{z^4}} = \frac{1}{z} \left(1 + \frac{1}{z^4} + \dots\right)$$

бўлишидан

$$-c_{-1} = \operatorname{res}_{z=\infty} \frac{z^3}{z^4 - 1} = -1$$

эканлигини эътиборга олсак, унда (13) муносабатдан

$$\sum_{k=1}^4 \operatorname{res}_{z=z_k} \frac{z^3}{z^4 - 1} = 1 \quad (14)$$

бўлиши келиб чиқишини топамиз.

(12) ва (14) муносабатлардан топамиз:

$$\int_{|z|=2} \frac{z^3}{z^4 - 1} dz = 2\pi i.$$

Энди функциянинг чегирмасидан фойдаланиб, айрим кўри-нишдаги аниқ интегралларни ҳисоблаймиз.

$$2^0. I = \int_0^{2\pi} R(\cos \varphi, \sin \varphi) d\varphi \quad \text{кўринишдаги интеграл-}$$

ларни ҳисоблаш. Рационал функция $R(\cos \varphi, \sin \varphi)$ нинг $[0, 2\pi]$ оралик бўйича аниқ интегрални

$$I = \int_0^{2\pi} R(\cos \varphi, \sin \varphi) d\varphi$$

ушбу

$$z = e^{i\varphi}, \quad 0 \leq \varphi \leq 2\pi \quad (15)$$

алмаштириш ёрдамида комплекс ўзгарувчи функциянинг ёпиқ эгри чизиқ бўйича олинган интегралга келади.

Аввало шуни айтиш керакки, (15) алмаштиришда φ ўзгарувчи 0 дан 2π гача ўзгарганда z ўзгарувчи мусбат йўналишда олинган бирлик айлана $\{z \in \mathbb{C} : |z|=1\}$ ни ҳосил қилади.

Равшанки,

$$\begin{aligned} \sin \varphi &= \frac{e^{i\varphi} - e^{-i\varphi}}{2i} = \frac{1}{2i} \left(z - \frac{1}{z}\right) \\ \cos \varphi &= \frac{e^{i\varphi} + e^{-i\varphi}}{2} = \frac{1}{2} \left(z + \frac{1}{z}\right) \end{aligned} \quad (16)$$

бўлиб,

$$dz = ie^{i\varphi} d\varphi = izd\varphi,$$

яъни

$$d\varphi = \frac{dz}{zi} \quad (17)$$

бўлади. Натюжада

$$R(\cos \varphi, \sin \varphi) d\varphi = R\left[\frac{1}{2}\left(z + \frac{1}{z}\right), \frac{1}{2i}\left(z - \frac{1}{z}\right)\right] \frac{dz}{zi} = R_1(z) dz.$$

бўлиб, қаралаётган аниқ интеграл $R_1(z)$ рационал функциянинг $\{z \in \mathbb{C} : |z|=1\}$ айлана бўйича олинган интегралга келади:

$$\int_0^{2\pi} R(\cos \varphi, \sin \varphi) d\varphi = \int_{|z|=1} R_1(z) dz.$$

Бу тенгликдаги

$$\int_{|z|=1} R_1(z) dz$$

интеграл учун, чегирмалар ҳақидаги теоремага мувофиқ

$$\int_{|z|=1} R_1(z) dz = 2\pi i \sum_{k=1}^n \operatorname{res}_{z=z_k} R_1(z)$$

бўлади. Бу ерда z_1, z_2, \dots, z_n лар $R_1(z)$ функциянинг бирлик айлана ичида жойлашган махсус нуқталари.

Мисол. Ушбу

$$I = \int_0^{2\pi} \frac{d\varphi}{a + \cos \varphi} \quad (a > 1)$$

интегрални ҳисобланг.

Бу интегралда $z = e^{i\varphi}$ алмаштириш бажариб, (16) ва (17) муносабатлардан фойдаланиб

$$\int_0^{2\pi} \frac{d\varphi}{a + \cos \varphi} = \int_{|z|=1} \frac{\frac{1}{z} dz}{a + \frac{1}{2} \left(z + \frac{1}{z} \right)} = \frac{2}{i} \int_{|z|=1} \frac{dz}{z^2 + 2az + 1} \quad (18)$$

бўлишини топамиз. Интеграл остидаги

$$f(z) = \frac{1}{z^2 + 2az + 1} \quad (a > 1)$$

функциянинг иккита

$$z_1 = -a + \sqrt{a^2 - 1}, \quad z_2 = -a - \sqrt{a^2 - 1}$$

махсус нуқталари бўлиб, улардан $z_1 = -a + \sqrt{a^2 - 1}$ бирлик айлана $\{z \in \mathbb{C} : |z| = 1\}$ нинг ичида жойлашгандир. Демак,

$$\int_{|z|=1} \frac{dz}{z^2 + 2az + 1} = 2\pi i \operatorname{res}_{z=z_1} \frac{1}{z^2 + 2az + 1} \quad (19)$$

бўлади.

Энди (3) формуладан фойдаланиб, чегирмани ҳисоблаймиз:

$$\begin{aligned} \operatorname{res}_{z=z_1} \frac{1}{z^2 + 2az + 1} &= \lim_{z \rightarrow -a + \sqrt{a^2 - 1}} \frac{z - (-a + \sqrt{a^2 - 1})}{z^2 + 2az + 1} = \\ &= \lim_{z \rightarrow -a + \sqrt{a^2 - 1}} \frac{z - (-a + \sqrt{a^2 - 1})}{[z - (-a - \sqrt{a^2 - 1})][z - (-a + \sqrt{a^2 - 1})]} = \frac{1}{2\sqrt{a^2 - 1}} \end{aligned} \quad (20)$$

(18), (19) ва (20) тенгликлардан

$$\int_0^{2\pi} \frac{d\varphi}{a + \cos \varphi} = \frac{2}{i} 2\pi i \frac{1}{2\sqrt{a^2 - 1}} = \frac{2\pi}{\sqrt{a^2 - 1}} \quad (a > 1)$$

бўлишини топамиз.

Мисол. Ушбу

$$I = \int_0^{2\pi} \frac{2 + \cos \varphi}{2 - \sin \varphi} d\varphi$$

интегрални ҳисобланг.

Бу интегралда $z = e^{i\varphi}$ алмаштириш бажариб, (16) ва (17) муносабатлардан фойдаланиб топамиз:

$$\int_0^{2\pi} \frac{2 + \cos \varphi}{2 - \sin \varphi} d\varphi = \int_{|z|=1} \frac{2 + \frac{1}{2} \left(z + \frac{1}{z} \right)}{2 - \frac{1}{2i} \left(z - \frac{1}{z} \right)} \frac{dz}{zi} = - \int_{|z|=1} \frac{z^2 + 4z + 1}{z(z^2 - 4iz - 1)} dz \quad (21)$$

Интеграл остидаги

$$f(z) = \frac{z^2 + 4z + 1}{z(z^2 - 4iz - 1)}$$

функциянинг 3 та

$$z_1 = 0, \quad z_2 = 2i + i\sqrt{3}, \quad z_3 = 2i - i\sqrt{3}$$

махсус нуқталари бўлиб, улардан

$$z_1 = 0, \quad z_3 = (2 - \sqrt{3})i$$

лар $\{z \in \mathbb{C} : |z| = 1\}$ айлананинг ичида жойлашган.

Демак,

$$\int_{|z|=1} \frac{z^2 + 4z + 1}{z(z^2 - 4iz - 1)} dz =$$

$$= 2\pi i \left[\operatorname{res}_{z=0} \frac{z^2 + 4z + 1}{z(z^2 - 4iz - 1)} + \operatorname{res}_{z=(2-\sqrt{3})i} \frac{z^2 + 4z + 1}{z(z^2 - 4iz - 1)} \right] \quad (22)$$

Энди (3) формуладан фойдаланиб, чегирмаларни ҳисоблаймиз:

$$\operatorname{res}_{z=0} \frac{z^2 + 4z + 1}{z(z^2 - 4iz - 1)} = \lim_{z \rightarrow 0} \left[z \frac{z^2 + 4z + 1}{z(z^2 - 4iz - 1)} \right] = -1,$$

$$\begin{aligned} & \operatorname{res}_{z=(2-\sqrt{3})i} \frac{z^2+4z+1}{z(z^2-4iz-1)} = \\ & = \lim_{z \rightarrow (2-\sqrt{3})i} \left\{ \frac{z^2+4z+1}{z(z^2-4iz-1)} [z - (2-\sqrt{3})i] \right\} = \quad (23) \\ & = \lim_{z \rightarrow (2-\sqrt{3})i} \frac{z^2+4z+1}{z(z-(2i+i\sqrt{3}))} = 1 + \frac{2i}{\sqrt{3}} \end{aligned}$$

(21), (22) ва (23) тенгликлардан

$$\int_0^{2\pi} \frac{2+\cos\varphi}{2-\sin\varphi} d\varphi = -2\pi \left[-1 + \left(1 + \frac{2i}{\sqrt{3}} \right) \right] = \frac{4\pi}{3}$$

бўлиши келиб чиқади.


3°. $\int_{-\infty}^{+\infty} R(x) dx$ кўринишдаги интегралларни

ҳисоблаш. Айтайлик, x ўзгарувчининг рационал функцияси бўлган $R(x)$

$$R(x) = \frac{P(x)}{Q(x)}$$

бўлиб, бунда $P(x)$ ва $Q(x)$ лар мос даражада n ва m даражали кўпхадлар, ва $m-n \geq 2$ бўлсин. $R(x)$ функция ҳақиқий ўқда қутб нуқтага эга бўлмасин.

Маркази координаталар бошида радиуси R бўлган айлананинг юқори ярим текисликдаги қисми C ҳамда ҳақиқий ўқнинг $[-R, R]$ кесмасидан ташкил топган γ_R ёпиқ эгри чизиқни оламиз (46-чизма).



46-чизма

Равшанки,

$$\gamma_R = [-R, R] \cup C$$

Сўнг

$$R(z) = \frac{P(z)}{Q(z)}$$

рационал функцияни қараймиз.

Энди R радиусни шундай катта қилиб оламизки, $R(z)$ функциянинг барча юқори ярим текисликдаги махсус нуқталари шу γ_R ёпиқ эгри чизиқ ичида жойлашсин.

Чегирмалар ҳақидаги теоремага кўра

$$\int_{\gamma_R} R(z) dz = 2\pi i \sum_{k=1}^p \operatorname{res}_{z=z_k} R(z) \quad (24)$$

бўлади. Бу ерда z_1, z_2, \dots, z_p лар $R(z)$ функциянинг γ_R ёпиқ эгри чизиқ ичидаги махсус нуқталари (қутб нуқталари).

Равшанки,

$$\int_{\gamma_R} R(z) dz = \int_{-R}^R R(x) dx + \int_C R(z) dz \quad (25)$$

бўлади. (24) ва (25) муносабатлардан

$$\int_{-R}^R R(x) dx + \int_C R(z) dz = 2\pi i \sum_{k=1}^p \operatorname{res}_{z=z_k} R(z) \quad (26)$$

бўлиши келиб чиқади. Бу тенгликдаги

$$\int_C R(z) dz$$

интегрални баҳолаймиз.

Агар

$$\begin{aligned} |R(z)| &= \left| \frac{P(z)}{Q(z)} \right| = \left| \frac{a_n z^n + a_{n-1} z^{n-1} + \dots + a_1 z + a_0}{b_m z^m + b_{m-1} z^{m-1} + \dots + b_1 z + b_0} \right| = \\ &= \left| \frac{a_n z^n}{b_m z^m} \left[\frac{1 + \frac{a_{n-1}}{a_n z} + \dots + \frac{a_1}{a_n z^{n-1}} + \frac{a_0}{a_n z^n}}{1 + \frac{b_{m-1}}{b_m z} + \dots + \frac{b_1}{b_m z^{m-1}} + \frac{b_0}{b_m z^m}} \right] \right| = \\ &= \left| \frac{a_n}{b_m z^{m-n}} \right| \cdot \left| \frac{1 + \frac{a_{n-1}}{a_n z} + \dots + \frac{a_1}{a_n z^{n-1}} + \frac{a_0}{a_n z^n}}{1 + \frac{b_{m-1}}{b_m z} + \dots + \frac{b_1}{b_m z^{m-1}} + \frac{b_0}{b_m z^m}} \right| \end{aligned}$$

ҳамда $m - n \geq 2$ бўлишини эътиборга олсак, унда R нинг етар-
лича катта қийматларида

$$|R(z)| < \frac{K}{R^2} \quad (K = \text{const})$$

бўлишини топамиз. Натигада

$$\left| \int_C R(z) dz \right| < \frac{K}{R^2} \pi R = \frac{K\pi}{R}$$

бўлади. Кейинги муносабатдан

$$\lim_{R \rightarrow \infty} \int_C R(z) dz = 0$$

бўлиши келиб чиқади.

Юқоридаги (26) тенгликда $R \rightarrow \infty$ да лимитга ўтиб топамиз:

$$\int_{-\infty}^{+\infty} R(x) dx = 2\pi i \sum_{k=1}^p \operatorname{res}_{z=z_k} R(z). \quad (27)$$

Демак, $R(z)$ функция юқорида айtilган шартларни қаноат-
лантирса, унда

$$\int_{-\infty}^{+\infty} R(x) dx$$

интеграл $R(z)$ функциянинг юқори ярим текисликдаги барча
махсус нуқталаридаги чегирмалари йиғиндисини $2\pi i$ га кўпай-
тирилганига тенг бўлар экан.

(27) тенглик қуйдагича

$$\int_{-\infty}^{+\infty} R(x) dx = 2\pi i \sum_{\substack{z=z_k \\ \operatorname{Im} z_k > 0}} \operatorname{res} R(z) \quad (28)$$

ҳам ёзилади.

Мисол. Ушбу

$$\int_{-\infty}^{+\infty} \frac{dx}{(x^2 + 1)^2}$$

интегрални ҳисобланг. Равшанки,

$$f(z) = \frac{1}{(z^2 + 1)^2}$$

функция учун $z = i$ нуқта юқори ярим текисликда жойлашган
иккинчи тартибли кўтб нуқта бўлади. Демак,

$$\int_{-\infty}^{+\infty} \frac{dx}{(x^2 + 1)^2} = 2\pi i \operatorname{res}_{z=i} \frac{1}{(z^2 + 1)^2}$$

Энди (6) формуладан фойдаланиб, функциянинг чегирмаси-
ни ҳисоблаймиз:

$$\begin{aligned} \operatorname{res}_{z=i} \frac{1}{(z^2 + 1)^2} &= \lim_{z \rightarrow i} \frac{d}{dz} \left[\frac{(z-i)^2}{(z^2 + 1)^2} \right] = \\ &= \lim_{z \rightarrow i} \frac{d}{dz} \left[\frac{1}{(z+i)^2} \right] = \lim_{z \rightarrow i} \frac{-2}{(z+i)^3} = -\frac{2}{8i^3} = -\frac{1}{4}i. \end{aligned}$$

Шундай қилиб,

$$\int_{-\infty}^{+\infty} \frac{dx}{(x^2 + 1)^2} = 2\pi i \left(-\frac{1}{4}i \right) = \frac{\pi}{2}.$$

бўлади.

АДАБИЁТЛАР

1. Т. Жўраев, А. Саъдуллаев, Г. Худойберганов, Ҳ. Мансуров, А.Ворисов. Олий математика асослари. 1-том, Тошкент, «Ўзбекистон», 1995.
2. Т. Азларов, Ҳ. Мансуров, Математик анализ. 2-том, Тошкент, «Ўқитувчи», 1994.
3. А. Саъдуллаев, Г. Худойберганов, Ҳ. Мансуров, А.Ворисов, Т. Тўйчиев. Математик анализ курсидан мисол ва масалалар тўплами (комплекс анализ). 3-том, Тошкент, «Ўзбекистон» (нашриётда).
4. Ш. Мақсудов, М. Салоҳиддинов, С. Сирожиддинов. Комплекс ўзгаришнинг функциялари назарияси. Тошкент, «Ўқитувчи», 1996.
5. Б. В. Шабат. Введение в комплексный анализ. 1-часть. М.: Наука, 1985.
6. Ю. В. Сидоров, М. В. Федорюк, М. И. Шабунин. Лекции по теории функций комплексного переменного. М.: Наука, 1982.
7. И. И. Привалов. Введение в теорию функции комплексного переменного. М.: Госиздат физ-мат литературы, 1977.
8. М. А. Евграфов. Аналитические функции. М.: Наука, 1968.
9. А. И. Маркушевич. Краткий курс теории аналитических функций. М.: Физматгиз, 1966.
10. Л. И. Волковыский, Г. Л. Лунц, И.Г. Абраманович. Сборник задач по теории функции комплексного переменного, М.: Физматгиз, 1960.
11. М.А. Евграфов, К.А. Бежанов, Ю. В. Сидоров, М.В. Федорюк, М. И. Шабунин. Сборник задач по теории аналитических функций, М.: Наука, 1972.

Гулмирза Худайберганов, Азизжон Ворисов,
Ҳожақбар Мансуров

Комплекс анализ
(маърузалар)

Мухаррир О.Зикиров
Бадиий муҳаррир О.Муинов

Босишга рухсат этилди 22.10.98. Ёзув қоғозиға офсет босма усулида босилди. Бичими 84x108¹/₃₂. Нашриёт ҳисоб табағи 11,2. Шартли босма табак 10,5. Адади 1000 нусха. Ваҳоси шартнома асосида. Буюртма № -64.

“Университет” нашриёти. Тошкент, Талабалар шаҳарчаси, ТошДуннинг маъмурий биноси.

Ўзбекистон Республикаси Давлат матбуот кўмитасининг Янгийўлдаги ижара пудратига китоб фабрикасида босилди. Янгийўл, Самарқанд кўчаси, 44.